

NOTAT

Finanstilsynet

24. juni 2021

J.nr.

/MKO

Aningaasalersuinermik ingerlataqarneq pillugu inatsisip atortuulersinneqarnera pillugu Kunngip peqqussutaanik eqikkaaneq.

Ataatsimut isigalugu

Tulliuttuni aningaasalersuinermik ingerlataqarneq pillugu inatsimmi, Kalaallit Nunaanni atulersinneqartumi allannguutit ataasiakkaat Kalaallillu Nunaanni pissutsinut nalimmassaatit eqikkaarneqarnerat atuarneqarsinnaavoq.

1. EU-mut attuumassuteqarneq

EU-p inatsisitigut pituttuisunik pappiaraataanut innersuussinerit aallaavittut peerneqarput. Inatsisitigulli pituttuisunik pappiaqqanik ataasiakkaanik kingorna atortuulersitsinissaq pisariaqalersinnaavoq. Pappiaqqat inatsisitigut pituttuisut taakku peqqussutip ilagai, taakkunungali innersuussinerit pappiaqqat inatsisitigut pituttuisut Kalaallit Nunaanni atortuulersinneqartinnagit atutilissanngillat.

Pappiaqqat inatsisitigut pituttuisut ataasiakkaat Kalaallit Nunaanni atortuulersinneqarput, taakkunungalu innersuussutit tamanna naapertorlugu allanngortinneqarput.

§ 1

Peqqussutsikkut inatsit nr. 1563, 15. december 2015-meersumi § 1 Kalaallit Nunaanni atortuulersinneqarpoq. Tulliuttumi aningaasalersuinermik ingerlataqarneq pillugu inatsimmi allannguutit pingaarnerit eqikkaarnerat, Kalaallillu Nunaanni pissutsinut nalimmassarneri pingaarnerit nassuiarneqarput.

2. Toqqorsivittut ingerlatseqatigiiffiit pillugit maleruagassat

Aningaasaleeqatigiittarfittut peqatigiiffiit pillugit inatsit Kalaallit Nunaanni atuutsinneqanngilaq. Aningaasaleeqatigiittarfittut peqatigiiffiit pillugit inatsisikut aningaasaleeqatigiiffiit saniatigut aamma SIKAV-tut taaneqartut kiisalu pappiaqqanik nalilinnik aningaasaateqarfiit maleruagassiorneqarput. Taakku ataatsimut UCITS-tut taagorneqarput.

UCITS-nut aningaasaleeqatigiittarfittut peqatigiiffiit qanittumik attuumasuteqarput, taakkulu aningaasalersuineramik ingerlataqarneq pillugit inatsimmi maleruagissiuunneqarput. Toqqorsivittut ingerlatseqatigiiffiit pillugit maleruagassat Kalaallit Nunaanni atuutsinneqarput.

Toqqorsivittut ingerlatseqatigiiffiit aningaaseriviuvoq UCITS-mut pigisanik nalilinnik, UCITS-p pigisaanik nalilinnik toqqorsimatitsinissamik pisussaaffilertoq, taamaalillunilu UCITS-mi sulisut pisortallu pigisanik nalilinnik atuisinnaassanatik. Toqqorsivittut ingerlatseqatigiiffittaaq aningaasalersuineramik ingerlataqarneq pillugu inatsimmi § 106 naapertorlugu UCITS-mut taassumalu aningaasaliisartuunut arlalinnik nakkutilliinissamik pisussaaffeqarpoq, assersuutigalugulu UCITS-ip pappiaranngortitsinermi aningaasanngortitsinermilu akigititaasa eqqortuuneri kiisalu UCITS-i aningaasaliisuminut il.il. ilua-naarutisianik eqqortunik tunniussinersoq nakkutigissallugu.

Toqqorsivittut ingerlatseqatigiiffiit pigisanik nalilinnik UCITS-init tunniunneqartunik qanoq paaqqutarinnissallutillu kontonut nalunaarsuinissaannik malittari-sassat peqqussutikkut annertusineqarput. Taamatullu peqqusuummi qaqugu toqqorsivittut ingerlatseqatigiiffiit toqqorsivittut ingerlatseqatigiiffittut atuunnermut atatillugu isumagisassanik allanut tunniussisinnanerat, kiisalu malittari-sassat allap isumagisassanik ingerlatsinermi malitassaanik piumasaqaatinik toqqammavinnik peqqussut imaqarpoq.

2.1. Kalaallit Nunaanni pissutsinut nalimmassaaneq

Aningaaliisarnermi peqatigiiffinnut inatsit Kalaallit Nunaanni atulersinneqarsimanngimmat, aningaasaliisarnermi peqatigiiffiit pillugit qallunaat inatsisaat innersuunneqarpoq. Taamattaaq kalaallit UCITS-iinut innersuussutit ikkunneqarput. Inatsisitigut pituttuisunik pappiaqqanik innersuussutit, UCITS-mik eqqussisumik naammassinnittut aningaasalersuineramik ingerlataqarneq pillugu inatsimmi § 72-mut allanngortinneqarput.

Allannguutit makku pineqarput:

§ 1, nr. 14-17

3. **Aningaaseriviit ataasiakkaat patajaassusaannik ilassummik naatsorsuineq**

Peqqussutsikkut erhvervsministeri nalunaarutikkut aningaasanik ataasiakkaat patajaassutsikkut tapiissutaannut matussutissanik, Kalaallit Nunaanni malittarisassat allannguutit, nalimmassaanerit il.il. tunuliaqutaralugit ingerlaavartumik eqaatsumillu aaqqigallersinnaanerit qulakkeerniarlugu, erseqqinnerusumik malittarisassiornissamut piginnaatinneqarpoq.

Allannguutit tulliuuttut pineqarput:

§ 1, nr. 18 aamma 19

3.1. **Aningaaseriviit aningaasanik tiguinnarianik matussusiisinaanerannut piumasaqaatit**

Europa-Kommissionip peqqussutitut ingerlateqqitaata (EU) 2015/61 10. oktober 2014-meersup aningaasanik taarsigassarsisitsisartut matussutissanik uninngasuuteqarnissaannik piumasaqaatinut tunngasup (EU) nr. 575/2013 Kalaallit Nunaanni atuutilerana pillugu nalunaarut ulloq 1. maj 2018 atulerpoq. Taanna tunuliaqutaralugu peqqussutsikkut aningaasalersuisarnermik ingerlatsineq pillugu inatsimmi § 153, imm. 1 aamma 2, aningaaserivinni uninngasuuteqarnissamut piumasaqaatinut tunngasut atorunnaarsinneqarput. § 152, imm. 1-3, peqqussummi § 5-mi atorunnaarsinneqarput.

Kalaallit aningaaseriviini uninngasuuteqarnissamik piumasaqaatinik atuutunik **atorunnaarsitsineq**, Finanstilsynip ingerlatsivimmi ingerlatsivinniluunniit ataatsimoortuni arlalinni, aarlerinaatinik assingusunik atugaqartuni, uninngasuuteqarnissamut immikkut malittarisassiorsinnaaneramik allannguinermik imaqqanngilaq.

Tassani allannguutit tulliuuttut pineqarput:

§ 1, nr. 25, 26 aamma 31.

4. **Aningaasalersuisarnermi sullississutit akiinik paasissutissanik katersinissamik Finanstilsyn-imut piginnaatitsissut**

§ 352, imm. 2-mi Finanstilsyn-i aningaasalersuisarnermi sullississutit akiinik katersinissamut tamanullu saqqummiussinissamut tunngavissinneqarpoq. Taamaaliornikkut Finanstilsyn-i niuerfimmi tassani ersarissuunissamik akiti-gullu unamillernerup annertusarnissaa siunertaralugu inissianut taarsigassarsianut akinik katersuiffimmik pilersitsinissamut ingerlatsinissamullu periarfissinneqarpoq. Finanstilsyn-i taamaalilluni aningaasalersuisarnermi sullississutit akiinik aalajangersimasunik tamanut saqqummiussinissamut inatsisitigut toqqammavissinneqarpoq, tassani aamma assersuutigalugu aningaasalersuiffinni ataasiakkaani taarsigassarsiaritanut ernialiussat ilanngullugit,

taamaaliernerluunniit tamat, taamaalillunilu aamma unammillertigisat paasisutissanik ullumikkut tamanit pissarsiarineqarsinnaanngitsunik, niuerfimmilu unammillerneq nukittorsarniarlugu tamanut ilisimaneqalersussatut kissaatigineqartunik pissarsinissamut periarfissiigaluarpat.

Aalajangersagaq akinik tamanut nittarsaavimmik tjeq boliglånd.dk pilersitsinermi atornerqarpoq. Nittarsaavik Kalaallit Nunaat ilaalersillugu annertusineqar-nissaanik aalajangertoqanngilaq.

Allannguut una pineqarpoq:

§ 1, nr. 38.

5. Sillimmasiisarnermik ingerlatsineq pillugu immikkut malittari-sassat

Aningaasalersuisarnermik ingerlatsineq pillugu inatsisip immikkoortunut inatsisinngorlugu aggulunneqarnissaanik suliaq ingerlavoq. Tassa pappiaqqanik nalilinnik niuertunut, sillimmasiisarfinnut taarsigassarsisitsisarfinnullu immikkut inatsiseqalissaaq.

Taamaamat peqqussut aningaasalersuisarnermik ingerlatsineq pillugu inatsimmi allannguutit taamaallaat sillimmasiisarfinnut tunngassuteqartunik imaqanngilaq.

Aningaasalersuisarnermik ingerlatsineq pillugu inatsit Danmarkimi akueri-neqaraangami, sapinngisamik piaarnerpaamik inatsisip Kalaallit Nunaanni atortuulersinneqarnissaa siunertaralugu kalaalit oqartussat attavigineqartarput.

Taamaallaat pappiaqqanik nalilinnik niuertunut tunngasuinnarnik taamak an-nertugisunik allannguuteqartoqanngilaq. Taamaamat allannguutit taakku peqqussutitigut atortuulersinneqassapput.

Taamaattumik allannguutit tulliuttut atortuulersinneqassanngillat:

§ 1, nr. 2-4, 6, 8-10, 20, 32-37, 39, 40, 42, 46 aamma 48.

§ 2

Inatsimmi nr. 262, 16 marts 2016-meersumi § 7 peqqussutikkut Kalaallit Nu-naanni atortuulersinneqarpoq. Tulliuttuni aningaasalersuisarneq pillugu inatsimmi allannguutit pingaarnerit kiisalu Kalaallit Nunaanni pissutsinut nalimmassaanerit pingaarnerit eqikkaarneqarput.

1. **Piginnittuiit pillugit malittarisassat**

Aningaasalersuineramik ingerlatseqatigiiffiit tamarmik allallu inatsisitigut akisussaaffiit assingusut arlallit, piginnittuiit pisinnaatitaaffii ilaatillugit, piginnittuimminnik ilisimasaqassasut, piginnittuiit pillugit maleruagassat nassata-raat. Paasissutissat taakku ingerlatseqatigiiffiit inatsisilluunniit isaani inuit al-lat, inuup piginnittuinngornerani, piginnittuiujunnaarneraniluunniit ilisi-masaqalerneranni sapinngisamik piaarnerpaamik Erhvervsstyrelsen-ip qarasaasiakkut atortorissaarutaanut nalunaarsomeqassapput, tamanik taku-neqarsinnaangussallutik.

Ingerlatseqatigiiffinni piginnittuiusut, inuit taakkuusutut, naggataatigut piginneqataassutit ilaannik naammattunik, imaluunniit ingerlatseqatigiiffimmi taasisinnaatitaassutinik piginnittuusutut imaluunniit nakkutilliisu-usutut, imaluunniit allatut nakkutilliinermik suliaqartutut, nassuiaaser-neqartarput. Piginnittuiussusermut ersiutaasussamik 25 pct.-iusumik killi-gititaqarpoq.

Suliffeqarfiit aningaasalersuisarnermik ingerlataqartut aallaavittut ingerlatseqatigiiffinnut inatsimmut ilaatinneqarput. Taamaammat taakkununga tunngatillugu piginnittuiit pillugit malittarisassat ingerlatseqatigiiffinnut inatsimmi nassaarineqassapput. Suliffeqarfiit aningasalersuisarnermik ingerlatsisut ilaat ingerlatseqatigiiffinnut inatsimmut ilaatinneqanngillat. Taak-kununga tunngatillugu piginnittuiit pillugit malittarisassat aningaasa-lersuisarneq aningaasalersuisarnermik ingerlatsineq pillugu inatsimmi nas-saarineqassapput. Tassani pineqarput sillimmaseeqatigiittarfiit, soraarnerus-sutisianik katersiviit akimuisut, sparekassit, andelselskabip suliffeqarfiillu sipaarniarfiit.

Allanguutit uku innersuussutigineqarput:

§ 2, nr. 2, 3, 6 aamma 7.

1.1 **Kalaallit Nunaanni pissutsinut nalimmassaanerit**

Sparekassit andelskassillu pillugit malittarisassat Kalaallit Nunaannut atu-tilersinneqanngillat. Taamaammat suliffeqarfeqariaatsinut taakkununga marlunnut piginnittuiit pillugit malittarisassat atulersinneqassanngillat. Taa-maammat § 2, nr. 4 aamma 5 atulersinneqanngillat.

§ 3

Peqqussutikkut inatsit nr. 631, 8. juni 2016-meersumi § 2 Kalaallit Nunaannut atortussanngortinneqarpoq. Tulliuttumi aningaasalersuineramik ingerlataqarneq pillugu inatsimmi allannguutit pingaarnerit, Kalaallit Nunaannilu pisisut sinut nalimmassaanerit pingaarnerit eqikkarneqarput.

1. **Tuniniaasumut akiliutit il.il. pillugit malittarisassanik naammassinnittumik allannguneq.**

Aningaaseriviit allallu peqatigiiffiit aningaasalersuisartut uppersaataannik ingerlatitseqqittartut peqatigiiffiit aningaasalersuisartut uppersaataannik allanut tuniniaanerminnut atatillugu akilerneqartarput. Aningaaseriviit ingerlatitseqqittartullu allat aningaasaliisunut peqatigiiffiit aningaasalersuisartut uppersaataannik piserusuttunut aningaasaliinermi siunnersuinerminnut akilerneqartarput, soorluttaaq peqatigiiffiit amerlanersaannut tamanna ingerlatitseqqiisartup ingerlatitseqqiisarnermik periarfissamik atugassiineranut akiliutaasoq.

Pisuni marlunni allanit akiliutinik tiguneqarsinnaanermut tigummi-inneqarsinnaanermullu inerteqqummik atulersitsisoqarpoq; siullertut attuumassuteqanngitsumik toqqammaveqartumik aningaasaliinermi siunnersuisoqarnerani, aappaanilu pisisup suliffeqarfiullu pappiaqqanik nalilinnik missingiisumik paaqqutarinninnerani. Taamattaq attuumassuteqanngitsumik toqqammaveqartumik siunnersuineq pineqartoq pillugu aalajangersakkanik tunngavissiisunik atulersitsisoqarpoq.

§ 4

Peqqussutikkut inatsit nr. 1549, 13. december 2016-meersumi § 1 Kalaallit Nunaannut atortussanngortinneqarpoq. Tulliuttumi aningaasalersuineramik ingerlataqarneq pillugu inatsimmi allannguutit pingaarnerit eqikkarnerat, Kalaallillu Nunaanni pisisut sinut nalimmassarneri pingaarnerit nassuiarneqarput.

1. **Sillimmasiisarneq**

L 308 2015 Kalaallit Nunaannut atortuulersinneqanngilaq. Tamanna inatsit suli akuerineqanngitsoq peqqussutikkut Kalaallit Nunaannut atortussanngortinneqarpat pissaaq. Peqqussut taanna malittarisassanut taakkununga allannguutinik arlalinnik imaqarpoq. Taakkulu taamaammat aamma atulersinneqassanngillat.

Allannguutit uku innersuussutigineqarput

§ 4, nr. 65-77, 84, 94

2. Akiliisitsissutunik qaffaaneq

Pineqaatissiinerup annertussilerneqarnera, unioqqutsitsinerullu qanoq sakkortutiginera aammalu suliffeqarfiup aningaasalersuisarnermik ingerlataqartup unioqqutitsisup angissusaata ataqatigiinnerulersinnissaat siunertaralugu peqqussutikkut aningaasalersuisarnermik ingerlatsineq pillugu inatsimmik unioqqutsitsinermi akiligassiissutit qaffanneqarput.

Aningaasalersuisarnermik ingerlatsineq pillugu inatsimmik unioqqutitsinermi akiliisitsissutip annertussusia, suliffeqarfiit aningaasaqarnikkut angissusaat aallaavigalugu tallimanut agguarlugit, taakkunani immikkoortuni ataasiakkaani akiliisitsissutit annertussusaat pingasunut agguarlugit periuseq ator-neqarpoq:

- Akiliisitsissut immikkut appasissusilik unioqqutitsinerit annikitsunut.
- Akiliisitsissut sakkortusisaq annertuumik unioqqutitsinerit.
- Nalinginnaasumik akiliisitsissut, unioqqutitsinerit sinnerinut naapertuuttoq.

Unioqqutitsinerit appasissut tassaapput unioqqutitsinerit aalajangersimasut aaqjissuussinermit taamaallaat tunngassuteqartut, matumanilu atuisunik aningaasaliisunillu illersuinissamik kiisalu Finanstilsynip nakkutilliineranik il.il. malittarisassamik unioqqutinneqartumik illersuinissamik siunertaqartumik taasarialimmik sanioqqussinerunngitsut. Tassunga atatillugu unioqqutitsinerup annikitsuinnaanera pingaaruteqartuuvoq, tassanilu ataatsimut malittarisassanik allanut tunngatillugu suliffeqarfiup sullitaanut, aningaasaliisuinik il.il. suliffeqarfimmut annertuumik kinguneqaateqarsinnaanera pingaaruteqartuunngitsillugu. Unioqqutitsinerit annikitsutut pisut aallaavigalugit aaqjissuussineri kukkussutaasinnaapput, suliffeqarfiullu iluani periutsinik, suleri-aatsinik, aningaasanik il.il. naatsorsuineri periutsinik pigisaqannginnerusinnaapput.

Unioqqutitsinerit annertuunut tunngatillugu taakku aningaasalersuisarnermik ingerlatsineq pillugu inatsimmik, imaluunniit CRR-mik unioqqutitsinerupput, tamatumalu suliffeqarfiup aningaasalersuisarnermik ingerlatsisup ingerlaannarnissaanik aarlerinartorsiornermik nassataqarpoq. Tassunga atatillugu unioqqutitsinerit suliffeqarfiup ingerlaannarnissaanik aarlerinartorsiornermik annertussusillit pineqarnerat tunngavissaatinneqarpoq. Taamaattoqarneranut aallaqqaammut apequtaavoq suliffeqarfik unioqqutitsinermit (inatsisinik unioqqutitsinermit) atatillugu aningaasaqarnermigut ima annertutigisumik aarlerinartorsiornermik, allaat suliffeqarfik, aarlerinaat piviusunngussappat, aningaasaateqarnissamut piumasaqaatinik atuuttunik naammassinnissinnaajunnaarluni. Tassunga atasumik aalajangernermi unioqqutitsinerinik ataasiakkaanik sukumiisumik naliliinermik kiisalu

suliffeqarfiup unioqutitsinerit pineranni qanoq inissisimaneranik pissutsinik naliliineq tunngaveqassaaq. Tassunga atatillugu inatsisinik unioqutitsilluni aarlerinartumik iliuseqarnermut apeqqut, unioqutitsinerup aalajangersakkanut ilaatinneqarneranut sunniuteqanngilaq.

Unioqutitsinerit immikkut sakkortussusillit aamma unioqutitsinerusinnaapput, toqqaannartumik suliffeqarfiup ataatsimut ilaanut kalluaanngitsut, taamaattorli taamaallaat imminerminni unioqutitsinerilluunniit allat peqatigalugit ingerlaannarsinnaanermut aarlerinartorsioritsisut. Suliffeqarfik attuumassuteqanngitsumik isigalugu paasineqarsinnaasumik aningaasaqarnikkut aarlerinartumik inissisimappat, peqatigisaanillu aningaasalersuisarnermik ingerlatsivimmik aningaasaqarnikkut aarlerinartorsiornermut illersorniarlugu malittarisassanik sakkortuumik unioqutitsisoqartoqarpat taamaattoqartoq tunngavissaatinneqassaaq.

Tamatuma saniatigut unioqutitsinerit annertuut tassaasinnaapput aningaasalersuisarnermik ingerlatsinerit inatsisitigut akuersissuteqarnissamik piumasaqaateqarfiusumik pigisaqarnani ingerlatsinerit, taamaaliornikkut suliffeqarfik Finanstilsynip nakkutilliineranut, sullinneqartut aningaasaliisartullu aningaasaqarnermik ingerlatsinerimut tatiginninneranut pingaarutilimmik tunngaviusumut ilaanngitsuuvissinnaavoq. Taamattaq aningaasalersuisarnermik ingerlatsivik sakkortuumik arlaleriarlunuunniit paasissutissanik tunniussisussaataanerminik sanioqqutisisinnaavoq, tassani paasissutissat tunniunneqartussaataasut nalunaarutigingitsoornerisigut imaluunniit toqqaannartumik eqqunngitsunik paatsiveerutsitsisunillu paasissutissanik tunniussilluni, taamaaliornikkut suliffeqarfiup nakkutilliisussaataasut nakkutilliineranut ilaatinngitsuullugu.

Immikkuualuttukkuutaartumik immikkoortillugu unioqutitsinerup nalilersornerani Kalaallit Nunaanni pinerluttaalisitsinerimut inatsimmi nalinginnaasut atorneqassapput. Pineqaatissiinermik aalajangiineq eqqartuussiviit suliami pissutsit tamakkerlugit pisunik ataasiakkaanik naliliinerannik toqqammaveqassaaq, akiliisitsinerullu annertussusissaa taaneqartoq, suliami aalajangersimasumi pissutsinut sakkortunerulersitsisumik sakkukinnerulersitsisumilluunniit pisoqarneranik qummut aammallu annertussusiliinikkut sanioqqunneqarsinnaavoq. Nutaamik akiliisitsinerup annertussusaanik aalajangersaanermi suliffeqarfiup suliffeqarfiit suussusaat akimorlugit annertussusaat ilanngaaseereerluni kaaviiartitat tunuliaqutaralugit aalajangersarneqassaaq.

Akiliisitsinerup annertussusaa takussutisiatigut takussutissiivinni tulliuttuni allasimanerat qaffaanerup kinguneraa.

Inatsisitigut akisussaaffeqarfinnut akiligassiissutit

	Kaaviiarti- tat annertus- susaat 1-mi suliffeqarfin- nut akilii- sitsissutit annertus- susaat	Kaaviiarti- tat annertus- susaat 2-mi suliffeqarfin- nut akilii- sitsissutit annertus- susaat	Kaaviiarti- tat annertus- susaat 3-mi suliffeqarfin- nut akilii- sitsissutit annertus- susaat	Kaaviiarti- tat annertus- susaat 4-mi suliffeqarfin- nut akilii- sitsissutit annertus- susaat	Kaaviiarti- tat annertus- susaat 5-mi suliffeqarfin- nut akilii- sitsissutit annertus- susaat
Ilann- gaasee- reerluni kaaviiarti- tat	- 50. mio. kr.	+ 50 mio. kr. - 100 mio. kr.	+ 100 mio. kr. - 1 mia. kr.	+ 1 mia. kr. - 10 mia. kr.	+ 10 mia. kr.-100 mia. kr.
Suliffeqar- fiit annikit- sumik uni- oqquitsine- rannut aki- liisitsisuut	10.000 kr.	20.000 kr.	30.000 kr.	40.000 kr.	50.000 kr.
Suliffeqar- finnut nalin- ginnaasu- mik akilii- sitsissutit annertus- susaat*	25.000 kr. - 100.000 kr.	50.000 kr. - 200.000 kr.	150.000 kr. - 600.000 kr.	500.000 kr. - 2 mio. kr.	1,5 mio. kr. - 5 mio. kr.
Suliffeqar- finnut an- nertusisa- mik akilii- sitsissutit *	500.000 kr. - 1 mio. kr.	750.000 kr. - 2 mio. kr.	1,5 mio. kr. - 5 mio. kr.	4 mio. kr. - 15 mio. kr.	9 mio.kr. - 50 mio. kr.

* Taassuma saniatigut tamanna pinerluttaalisitsinermut inatsimmi malittari-
sassat malilugit pisinnaangippat, unioqquitsinerup malitsigisaanik ilua-
naarutaasinnaasut/aningaasartuutininik sipaarutaasinnaasut arsaarinnissutigi-
neqarnissaat siunertaralugu akiliisitsissutip qaffaataanik tapiliussisoqartar-
poq.

Inunnut akiliisitsinerit

Inunnut annikitsunik unioqquitsinermi akiliisitsissut	5.000 kr.
---	-----------

Inunnut nalingin- naasumik akiliisitsis- sutip annertus- susaa*	10.000 kr. - 1 ilann- gaaseereerluni qaam- mammut anin- gaasarsiat.
Inuinnut annertusi- samik akiliisitsissutit*	1 - 2 ilanggaaseereer- luni qaammammut anin- gaasarsiat.

* Taassuma saniatigut tamanna pinerluttaali-
sitsinermut inatsimmi malittarisassat malilugit
arsaarinnittoqarsinnaanngippat, unioqqutitsi-
nerup malitsigisaanik iluanaarutaasinnaa-
sut/aningaasartuutunik sipaarutaasinnaasut
arsaarinnissutigineqarnissaat siunertaralugu
akiliisitsissutip qaffaataanik tapiliussisoqartar-
poq.

Allannguut una pineqarpoq:

§ 4, nr. 131.

3. Aningaasalersuisarnermik ingerlatsivinnik pingaarutilinnik toq- qaaneq (SIFI)

Finanstilsyni SIFI-nik toqqaanissamut immikkut ittumik periarfissinneqarpoq. Finanstilsynilli ukiut ataasiarluni, kingusinnerpaamillu ulloq 30. juni SIFI-nik toqqaasarnissaa suli aallaaviuvoq. Finanstilsynip ukiumoortumik toqqaasar-
nerata avataani piffissami ingerlatsiviup SIFI-unissamut tunngavigineqartoq
ataaseq arlallilluunniit naammassippagit, Finanstilsyni taamaalilluni piffissami
tassani toqqaasinnaassaaq. Tamanna assersuutigalugu tassaasinnaavoq
suliffeqarfissuup SIFI-tallip iluani aaqqissuusseqqinnermi pisinnaavoq, tas-
sani suliffeqarfissuarmi allannguisoqarnera imaluunniit suliffeqarfissuit iluanni
ingerlatsivinni allanngortiterinerni tassungaluunniit assingusuni, suliffeqarfis-
suarmi ingerlatsiviup SIFI-tut toqqaarneqartariaqarneranik kinguneqartuni.
Ilaatigut taamatut pisoqartillugu ingerlatsivik siunissami ukiumoortumik toq-
qaasarnerup avataatigut SIFI-tut toqqaarneqarsinnaavoq.

Peqatigisaanik erhvervsministeri SIFI-qarnissamik atulersitsiniarnermi inatsi-
sitigut aalajangersakkanik sanioqqutsinnaanerani piginnaatinneqarpoq,
taamaalilluni piumasaqaat piffissami toqqaarneqarfimmit atorneqarsinnaalertil-
lugu. Piginnaatitsissut taamaallaat ingerlatsiviup SIFI-tut toqqaarneqarnerani,
siusinnerusukkut SIFI-tut piumasaqarfigneqarsimanerani kiisalu piffissami
atulersitsiartorfimmi isiginninnerup atuutsinneqannginnerani atorneqassaaq.
Tamanna kattunnermi, imaluunniit ingerlatsiviup SIFI-tut toqqaarneqartup an-
gerlarsimaffiata Danmarkip avataanut nunamut nuunnerani pisinnaavoq.
Taamatut pisoqartillugu suliffeqarfiup pigisaa ingerlatsivik SIFI-tut pi-
umasaqaatinik atuutsitsiviusinnaavoq, piffissamili ingerlatsivik pigineqartoq

nammineq SIFI-tut toqqarneqarnissaata tungaanut, SIFI-milu piumasaqaatinik naammassinninnissap tungaanut ilaatinneqanngikkallassaaq. Tamanna aamma taarsigassarsisitsisartutut ingerlatsivik nunani allaneersooq nunami angerlarsimaffigisamini, SIFI-tut toqqarneqarsimanera pissutigalugu imaluunniit suliffeqarfissarmi SIFI-tut toqqarneqartumi ilaasoq, immikkut aningaasateqarnikkut piumasaqarfigineqartup nuna angerlarsimaffigisani Danmarkimut nuuppagu atuuppoq. Taamatuttaaq ilaatigut SIFI-tut toqqarneqareersumik kattuteqateqarluni, ingerlaqqittumik ingerlatsivimmik pilersitsinermi kiisalu SIFI-tut ingerlasooq suliffeqarfimmik pigisaminik suliffeqarfissuup avataanut avissaarluni inissiinerani tamanna aamma atuuppoq.

Ingerlatsiviup SIFI-tut toqqarneqarnerani SIFI-p aatsaat SIFI-mut piumasaqaatinik ukiup tulliaa naanerani naammassinninnissaa inatsimmi aallaavittut sulii atuuppoq.

Allannguutit makku pineqarput:

§ 4, nr. 85-87.

4. Aningaasalersuisarnermik ingerlatsivinni (SIFI-ni) pingaarutilinni inunnut pingaarutilimmik inissisimasunut piumasaqaatit

Aningaasalersuisarnermik ingerlatsiviit pillugit inatsimmi naleqqunermut tatiginartuunissamullu malittarisassat aamma SIFI-ni inunnut pingaarutilimmik inissisimasunut atuuttunngorlugit siaruarneqarput. Inuit pingaarutilimmik inissisimasut ilaatigut tassaasinnaapput ingerlatsivinni sulisut ingerlatsiviup aqunneqarneranut ilaasut, ilaatigullu ingerlatsiviup sulisui ingerlatsivimmi pingaarutilimmik atuuffimmut akisussaasut. Sulisoq ingerlatsivimmi qullerpaatut aqutsisoqatigiinnut ilaaguni aqutsisuinnut ilaasuussaaq. Tamanna pineqartup Erhvervsstyrelsimi SIFI-mi pisortaanertut nalunaarsorsimanera apeqqutaatinnagu atuuppoq. Assersuutigalugu sulisoq pisortaqtigiinni siulersuisut periusissiatut anguniagaat tunuliaqutarlugit ingerlatsiviup ulluinnarni aqunneqarnani aalajangeeqataasoq imaluunniit ingerlatsiviup ulluinnarni ingerlanneqarnera pillugu politikitut malitassiatullu siulersuisut aalajangigaanik ulluinnarni ingerlatsinermut atuutilersitseqataasoq inuttut pingaarutilimmik inissisimasuussaaq. Inissisimaffiit pingaarutilit tassaapput inissisimaffiit ingerlatsiviup ingerlanneqarneranut pingaaruteqartut. Aarlerinaammik aqutsinermut atuuffik, malittassianik malitsitsinermi atuuffik, taarsigassarsititsisarnermut immikkoortoq kiisalu suliffeqarfimmi kukkunersuineramik ingerlatsivit tamatigut SIFI-mi atuuffittut pingaaruteqartutut isigineqartarput, aammali atuuffiit allat atuuffittut pingaarutilittut isigineqarsinnaapput.

Tamanna tunuliaqutaralugu SIFI-t ingerlatsiviup suliffeqarfimmik aqutsinernut atatillugu inunnik pingaarutilinnik kinaassusersiissapput Finanstilsynilu tamatuminnaga ilisimatillugu. Finanstilsyni inuup naleqquttuunermut tatiginartuunermullu piumasaqaatinik naammassinnikkunnaarnerani, SIFI inum-

mik pingaarutilimmik atuuffimmit peerneqarnissaanik piumasaqarsinnaanermut periarfissaqassaaq. Sulisut pingaarutilimmik inissisimasutut toq-qarneqartut kalluarneqarnissamut qularnaveeqqusiinermullu tigusinissamut SIFI-mi pisortaqaatigiinnit akuerineqassapput.

SIFI-nut piumasaqaatit, SIFI-p ajornartorsiulernissaanut aarlerinaammik anikinnerulersitsinissamik siunertaqarput, tamannami ilaatigut inuiaqatigiit aningaasaqarnerannut tamarmiusumut pitsaanngitsunik annertuunik kinguneqarsinnaammat.

Allannguutit uku pineqarput:

§ 4, nr. 86, 87 aamma 95-100.

5. Tamanut saqqummiussinissamut malittarisassat

Tamat inatsisunik atuuttunik eqqortunik ilisimatinneqarnissaat qulakkeerniarlugu, suliamullu taakkunungalugu isiginninneq pillugu, Finanstilsyni suliani, Finanstilsynip suliamik inatsisitigut – ilaatigullu inummik – politiinit misissugassanngortitsinissaq pillugu tunniussinissamik aalajangiinerni, kiisalu isorinnissummik taamaatitsinermi imaluunniit unnerluusummik taamaatitsinermi imaluunniit pinngitsuutitsinermik inerneqartumik eqqartuussinermi, paasisutissat tassunga tunngasut inuup kalluarneqarput tamanna pillugu qinnuteqarneratigut tamanut saqqummiussissaaq.

Taamattaq Finanstilsynip pisuni pineqartup suliatiqut kalluarneqarfigisaani, ilapittuutaasumik tamanut saqqummiussinissamik Finanstilsynimut qinnuteqanngiffiani, kiisalu Finanstilsyni suliap isorinninnermik taamaatitsinermik imaluunniit unnerluussinermik taamaatitsinermik imaluunniit pinngitsuutitsinermik inerneqartumik eqqartuussinermi uppersaatiniq tigusaqarnerani, suliamik politiinut misissugassanngortitsinermik aalajangerner-mut aammalu suliapi eqqartuussinernik tamanut saqqummiussanik paasisutissat tamarmik peerneqassapput.

Allannguutit uku pineqarput:

§ 4, nr. 118.

6. Akissarsisitsisarneq

Aningaaserivinni aningaasanillu taarsigassarsisitsisarfinni kiisalu pappiaqqanik nalilinnik tuniniaanermik ingerlatsiviit ilaanni akissarsisitsisarnermut immikkoortuni suliffeqarfissuarni malittarisassanik atulersitsisoqarpoq. Aningaaseriviit aningaasanillu taarsigassarsisitsisarfiit kiisalu pappiaqqanik nalilinnik ingerlatsiviit akissarsitsitsisarnermi malittarisassat suliffeqarfissuarni

malinneqarnissaannik qulakkeerinnissaat tamatuma nassataraa. Akissaaser-suineramik malittarisassat CRD IV tunuliaqutaralugu atulersinneqartut kisimik suliffeqarfissuarni malittarisassanut ilaatinneqarput.

SIFI-t siulersuisunut pisortaanernullu aningaasarsianik allanngorartunik tunniussillutillu akiliisarneranut piumasaqaatit sakkortusineqarput. Siulersuisut pisortaqatigiilluunniit aningaasarsiaasa allanngorartut ukiuni sisamaniungitsoq, ukiunilu tallimani kinguartinneqarnissaat aammalu 50 procenti-innaangitsut, aningaasarsialli allanngorartut ilaata atortuutitut agguaanneqarnissaa.

Allannguutit taakku Danmarkimi atulersinneqarmata, sillimmasiisarnermut so-raarnerussutisiaqarnermullu immikkoortut immikkut aningaasarsisitsisarnermut nalunaarusiunneqarnissaa aalajangerneqarpoq. Aningaasarsisitsisarnermut nalunaarut ingerlatseqatigiiffinnut taakkununga aningaasarsisitsisarnermut malittarisassanik imaqarpoq. Allannguutit Patajaassuseq II peqqussutip malitsigai. Allannguut taanna Kalaallit Nunaannut atortussanngortinneqanngilaq. Taannali sillimmasiisarnermik ingerlatsineq pillugu inatsimmut ilaassaaq. Takuuk imm. 5.

Aningaasarsisitsisarnermut malittarisassani EU-p peqqussutaa, aarleri-naatinik tiguisunik annertuunik suussusersisoq pingaaruteqartuuvoq. Peqqussut taanna toqqaannartumik Kalaallit Nunaanni atuutinngilaq. Taa-maammatt Missingiummi peqqussutip nalunaarutikkut atortussanngortinneqarnissaanut piginnaatitsisummi siunnersuusiortoqarpoq. Tassunga atattillugu aningaasalersuisarnermik inatsimmi § 77 h nalimmassarneqarpoq, taa-maalilluni peqqussutip nalunaarutikkut atortussanngortinneqarnissaa inatsisigut toqqammavissinneqarpoq.

Tamatuma saniatigut SIFI-mi siulersuisunut ilaasortat pisortaqatigiillu aningaasarsiaannut piumasaqaatinik sakkortusisanik atulersitsisoqarpoq.

Aningaasarsisitsisarnermut ataatsimiititaliap suliassai pisinnaaffiilu itis-ilerneqassapput.

Aningaasalersuisarnermik ingerlatsineq pillugu inatsimmi aningaasaliisarnermik ingerlatsisunut ingerlatsineramik piumasaqaatit nalimmassarneqarput. Aningaasalersuinermik ingerlatsivimmi pisortanut ilaasunut aningaasarsiaritit ilaat minnerpaamik 50 procenti piginneqataassutinik allatulluunniit aningaasarsiaritinneqassaaq. Ingerlatseqatigiiffiit ilaatigut aningaasaliisarnermik aqutsinermik ingerlatseqatigiiffimmi aningaasanik agguagarsianut attuumasunik ilaatigullu aningaasaleeqatigiittarfinnik aqunneqartunik attuumasunik periutsinik atuinikkut piumasaqaat tamanna naammassisinnaavaat.

Aningaasarsisitsisarnermi malittarisassat atuuffii allangortinneqarput, taamaalilluni sillimmasiisarfiit sillimmasiisarfinnillu piginnittut ingerlatsiviit malittarisassanut taakkununga ilaajunnaarsillugit. Erhvervsministeri sillimmasiisarfinnut sillimmasiisarfinnillu piginnittut ingerlatsivinni aningaasarsiaqartitsineq pillugu erseqqinnerusumik malittarisassiorsinnaanermut piginnaatinneqarpoq. Aningaasarsisitsisarnermik malittarisassat aalajangersarneqartut aningaasalersuisarnermik ingerlatsivinni inatsimmi aningaasarsiaqartitsinermut malittarisassani kiisalu aningaasarsiaqartitsinermut politiki pillugu nalunaarummi taamatullu aningaasalersuisarnermik ingerlatsivinni, aningaasalersuisarnermik ingerlatsiviit piginnittuini suliffeqarfinni kiisalu sillimmasiisarfiit piginnittut ingerlatsivinni aningaasarsiaqartitsineq pillugu paasissutissiisussaaitaanerit aalajangersaavigineqassapput, taamaalillutik aningaasalersuisarnermi ingerlatsivinni aningaasarsiaqartitsinermik malittarisassat atuuttut assigiiartunngorlutik, takuuk aningaasarsiaqartitsisarnermi immikkoortumi politikikkut isumaqatigiissutit.

Allanguutit uani nassaarineqarsinnaapput:

§ 4, nr. 20-41 aamma 129

7. Pappiaqqanik nalilinnik niuernermik ingerlatseqatigiiffiit aningaasaateqarnissaannik piunasaqaatinik sakkukilliliineq

Pappiaqqanik nalilinnik niuernermik ingerlatseqatigiiffinnut aningaasaateqarnissamik piunasaqaatit appartinneqarput, taamaalilluni pappiaqqanik nalilinnik niuernermik ingerlatseqatigiiffiit, ingerlatseqatigiiffinnik aallarninerminni aningaasanik aallartitsissutaat 730.000 euro-nik, 125.000 euronik kiisalu 50.000 euronik aamma/imaluunniit akisussaatinneqarnermut sillimmat ingerlatsitseqatigiiffiup aningaasalersuinermik sullissineranik ingerlatsineranik akuersissutaa apeqqutaatillugu apparneqarput. Taamaaliornikkut pappiaqqanik nalilinnik niueruteqartut siunissami Danmarkimi annertussutsit naapertorlugit aningaasanik aallartitsissuteqarnissaannut piunasaqaatit naapertuuttunngussapput. Pappiaqqanik nalilinnik niuernermik ingerlatseqatigiiffiit 50.000 euro-nik aningaasaateqarnissamik aamma imaluunniit akisussaatinneqarnermut sillimmammik piunasaqaateqarfiusut aallartitsisutitut aamma/imaluunniit matussutissanut piunasaqaataasinnaasut pingasut akornanni toqqaassapput, tassani aallarniutitut aningaasaatit 50.000 euro, akisussaatinneqarnermik sillimmat imaluunniit qularnaveeqqut alla tassunga assingusoq, imaluunniit aallarniutitut aningaasaatit akisussaatinneqarnermullu sillimmat arlaatigut aallarniutitut aningaasaatitulli 50.000 eurot akisussaatinneqarnermullu sillimmammut assingusumik matussusiiisoq. Pappiaqqanik nalilinnik niuernermik ingerlatseqatigiiffiit 50.000 euromik aallartitsissuteqarnermik piunasaqaateqarfiusut aamma imaluunniit akisussaatinneqarnermik sillimmammik peqartussaaitaasut, ilanngullugu ukiutut ataasiarlutik suliffeqarfiup sullitat aningaasaataannik pigisaannilluunniit nalilinnik paarisqaqannginnermik Finanstilsynimut uppernarsaammut nas-

sitsisassapput, pisariaqarpallu aamma suliffeqarfiup akisussaatinneqarsinnaanermut sillimmataata aningaasalersuisarnermik ingerlatsineq pillugu inatsimmi piumasaqaatinik naammassinninnera pillugu oqaaseqaat ilanngullugu. Pappiaqqanilli nalilinnik niueruteqarnermik ingerlatsiviit suli aningaasalersuisarnermik ingerlatsineq pillugu inatsimmi § 12, imm. 1-mi aningaasalersuisarnermik ingerlatsiviit aktieselskabiunissaannik piumasaqaatinut ilaatinneqarput, tamatumalu ingerlatseqatigiiffiit pillugit inatsimmi aktieselskabit aningaasaateqarnissaannut piumasaqaatit suli malinneqartussaannerat nassataraa.

Immikkoortitaartumik aningaasatigut patajaassuseqarnissamut piumasaqaatit ingerlatseqatigiiffiup immikkoortitaartumik aningaasatigut patajaassuseqarnissaannik pisariaqartitsinera siunissami taamaallaat pappiaqqanik nalilinnik niuerneramik ingerlatseqatigiiffinnut aningaasalersuisarnermik ingerlatsineq pillugu inatsimmi pappiaqqanik nalilinnik niuerneramik ingerlatseqatigiiffittut isigineqartunut taamaallaat atuutissaaq. Finanstilsynip taamaallaat pappiaqqanik nalilinnik tuniniaanermik ingerlatseqatigiiffiit I kiisalu pappiaqqanik nalilinnik nuerneramik ingerlatseqatigiiffiit eqimattat I immikkoortitamik aningaasatigut patajaassuseqarnissamik tapiliussamik kiisalu nalikilliliinissamik peqqusinnaavai.

Aningaasatigut toqqammaviup minnerpaamik ukiup siuliani aalajangersimasumik aningaasartuutit sisamararterutaannik annertussuseqarnissaannik piumasaqaat atorunnaarsinneqarpoq. Taamaalilluni piumasaqaat taanna siunissami taamaallaat ingerlatseqatigiiffinnut CRR-mik inatsimmi tamatumunnga piumasaqaatinut toqqaannartumik ilaasunut atortinneqassaaq.

Allannguutit uani nassaarineqarsinnaapput:

§ 4, nr. 7-12, 19, 47-52, 82 aamma 83

8. Nunani allani taarsigassarsisitsisarfiit immikkoortortaqrifiisa Finanstilsynimut akitsuutip agguarneqarneranut tunngatillugu allannguut

Finanstilsynip nunani allani taarsigassarsisitsisarfiit immikkoortuinut atatillugu nakkutilliinermik ingerlataanut aningaasartuutit annertusiartortut naapertuunnerusumik agguarneqarnissaat qulakkeerniarlugu, immikkoortutut taakku akitsuummik akiliutaat 20 procentinut 50 procentinut qaffanneqarput. Immikkoortortanut akitsuummik qaffaassut taanna Finanstilsynip immikkoortortanik isumalluutitik atuinerpiaanut naapertuunnerusumik agguaasseriaatsimik pilersitsissaaq. Taamaalilluni akit aaqqissuunneqarneranik equngassut pioreersoq annikinnerulersinneqassaaq, taamaalilluni qallunaat ingerlatsivii siunissami minnersumik nunani allani taarsigassarsisitsisarfiit immikkoortuinik nakkutilliinermik annikinnerusumik akiliisalerlutik.

Immikkoortunullu ima annertussusilinnut, allaat aningaasalersuisarnermik ingerlatsineq pillugu inatsit naapertorlugu qallunaat aningaaseriviisut taarsigassarsisitsisarfiisulluunniit ingerlasuugunik, SIFI-sariaqaraluartunut, akitsuut 80 procentinut annertussusilerneqarpoq. Immikkoortunut taakkununnga akitsuummik qaffaaneq, Finanstilsynip SIFI-nik nakkutilliinerminik annertunerulersitsinissaanik patsiseqarpoq, taamaalillunilu Finanstilsyni nakkutilliinissamik pisussaaffimmut tassunga isumalluutunik annertunerusunik atuisalissaaq.

Allannguut uani nassaarineqarsinnaapput:

§ 4, nr. 125-127

9. Kukkunersuisut pillugit inatsisip allanngortinneqarnerata malitsigisaanik allannguutit

Peqqussut suliffeqarfiit tamanit soqutigineqartut, Finanstilsunillu nakkutigisasa suli avataanit kukkunersuisut kukkunersuineq pillugu kukkunersuinerminik nalunaarutaasa assilineranik Finanstilsynimut nassiussisarnerminnik ingerlatsiinnarnissaat pillugu malittarisassanik imaqarpoq. Suliffeqarfiit tamanit soqutigineqartut tassaapput suliffeqarfiit aningaasaatillit aningaasanik nioqqutillit, akiitsunik iliuseqartut allatigulluunniit pappiaqqanik nalilinnik nunami EU-miittumi EØS-miittumiluunniit niuerfimmi maleruagassalimmi niuersinnaanermut ilaatitaasoq, aningaasalersuisarnermik ingerlatsiviit, takuuk aningaasalersuisarnermik ingerlatsiviit pillugit inatsimmi § 4, imm. 1, nr. 1, litra a, b aamma e, aamma kukkunersuisarneq pillugu inatsimmi § 1 a, nr. 3. Tassa suliffeqarfiit pappiaqqanik nalilinnik niuerfinni nalunaarsorsimasut kiisalu aningaaseriviit, taarsigassarsisitsisarfiit sillimmasiisarfiillu tamarmik.

Suliffeqarfiit allat Finanstilsynemit nakkutigineqartut, kukkunersuisut nalunaarutaannik peqarnissamik pisussaaffeqarunnaartut, suliffeqarfik nammineerluni kukkunersuineranut nalunaarusiortaruni, kukkunersuineranut nalunaarut nassiunneqassaaq. Kukkunersuineranut nalunaarusiortoqartarunnaarpat, uppersaat alla assingusoq kukkunersuisup suliffeqarfiup pisortaaneranut suliarisaa nassiunneqassaaq. Maannamut nakkutilliineranut peruserineqartoq, Finanstilsynip kukkunersuisut paasissutissiissutaannik suliffeqarfiit pillugit attuumassuteqanngitsunit paasissutissatut pingaarutilittut ilaatitsisarnera attanneqaannassaaq. Finanstilsynip manna misissuisarnermik akuttussuseqartitsinera kukkunersuinermik ingerlatsineranut pi-umasaqaatit, kukkunersuiusullu attuumassuteqannginnissaannut kiisalu suliffeqarfik pillugu Finanstilsynip pigisai naapertorlugit aqqissuunneqarpoq.

Pisortaanerni ilaasortanik kukkunersuinermilluunniit ataatsimiititaliamik nakkutilliineq Erhvervsstyrelsimi Finanstilsynimillu ima agguarneqarpoq, Finanstilsyni suliffeqarfinnik Finanstilsynimit nakkutigineqartussanngortitanik nakkutilliisuulluni.

Peqqussut naatsorsuutitut malittarisassanik, Danmarkimi atulernissaat sioqqullugu atorunnaarsinneqartuni allannguutit imaqarpoq. Allannguutit taakku atortuulersinneqanngillat.

Allannguutit uku innersuussutigineqarput

§ 4, nr. 44, 45, 78-81, 91, 93

§ 5

Peqqussutikkut inatsit nr. 651, 8. juni 2017-meersumi § 82 Kalaallit Nunaannut atortussanngortinneqarpoq. Tulliuttuni aningaasalersuisarnermik ingerlatsineq pillugu inatsimmi allannguutit pingaarnit Kalaallillu Nunaannut naleqqussaarnit pingaarnit eqikkarneqarput.

1. **Aningaasanik malunnarunnaarsaasarnermut inatsisip malitsigisaanik aqqigalliutit**

Peqqussut aningaasalersuisarnermik ingerlatsineq pillugu inatsisip atuutilererata kingunerisaanik aqqiissutit imaqarpoq. Allannguutit aningaasanik malunnarunnaarsaasarneq pinerliiniani allannguutit aningaasalersuisarneq pillugu pinaveersimatitsinerimik inatsisip (malunnarunnaarsaasarnermut inatsit) Kalaallit Nunaanni atortussanngortinneqarnerata nassatarisaanik allannguutit kinguneraat.

§ 361-mik allannguutit ilanngunneqanngillat, taakkumi peqqussummi uani § 11-kut nutaamik oqaasertaliunneqarput.

§ 6

Peqqussutsikkut inatsit nr. 665, 8. juni 2017-mersumi § 1 Kalaallit Nunaannut atortussanngortinneqarpoq. Tulliuttuni aningaasalersuisarnermik ingerlatsineq pillugu inatsimmi allannguutit pingaarnit Kalaallillu Nunaannut naleqqussaarnit pingaarnit eqikkarneqarput.

1. **Aningaasaliinermik sullissineq aningaasaliinernillu ingerlatat akuersissuteqarnissamik pisariaqartitsiffiusut**

Ingerlatsiviit ilanngussaqaq 4-mi aningaasaliinermik sullissisunut aningaasaliinernillu ingerlatsisunik allattorsimaffiup annertusineqarnerata nassatarisaanik aqqiissussaminik niuernerimik atortorissarutit ingerlatsinissamut qinuteqartut, minnerpaamik 730.000 eurot nalinginik aallartitsissutitut aningaasaateqarnissaannik piimasaqaat atulersinneqarpoq. Ingerlataq nutaaq siusinnerusukkut aningaasalersuisarnermik ingerlatsineq pillugu inatsimmi

ilanngussaq 4-mut ilaatinneqarsimanngitsoq, taamaalillunilu aningaasanik aallartitsissuteqarnissamik piumasaqaammut ilaanngitsoq pineqarpoq.

Pappiaqqanik nalilinnik niuertut nunanilu allaneersunik taarsigassarsisitsisarfinnik kiisalu erseqqinnerusumik taasanik aningaasaliisarfinnik ingerlatsivinnik ingerlatitseqqisarnermut aningaasaliinermillu siunertaqartumik aningaasanik aqqusaartitsinermik sullissinerit, aningaasaliisut aningaasat nalingisa allanngornerannik iluanaarutissiiffigisaannut kisermaassisusaaanerit atorunnaarsinneqarput. Taamaalilluni sullissinerit taakku qallunaat pappiaqqanik nalilinnik niuerfiattut, nunani allamiut taarsigassarsisitsisarfiattut aningaasaliisarfiattulluunniit akuersissummik pisariaqartitsiunnaassapput. Tamanna aningaasalersuisarnermik ingerlatsineq pillugu inatsimmut ilanngussaq 5, nr. 11-p atorunnaarsinneqarnerata kinguneraa, taamaalillunilu aningaasaliinermik siunertaqartumik aningaasik aqqusaartitsineq periutsitut allattorsimaffimmi ilaajunnaarsinneqarpoq.

Aningaaseriviit taarsigassarsisitsisarfiillu immikkut pappiaqqanik nalilinnik niuersinnaanermut akuersissummik peqarnissaannik piumasaqaatip atorunnaarsinneqarnerata kinguneratut, aningaaseriviit taarsigassarsisitsisarfiillu aningaasalersuisarnermik ingerlatsineq pillugu inatsimmi ilanngussaq 4-mi, immikkoortoq A-mi ilaatinneqartunut sulianik isumaginnikkaangamik, pappiaqqanik nalilinnik niuernermut taaguummumut ilaatinneqalissapput, taamaalillutillu tassunga atatillugu pappiaqqanik nalilinnik niuertunut piumasaqaatinik naapertuuttunik naammassinnissallutik, naak tamatumani taakkununga pappiaqqanik nalilinnik niuersinnaanermut immikkut akuersissummik piumasaqaateqartoqanngikkaluartoq.

Allannguutit uku innersuussutigineqarput:

§ 6, nr. 16-28 aamma 114-118

2. Aningaaserivinnut taarsigassarsisitsisarfinnullu immikkut pappiaqqanik nalilinnik niuernissamut akuersissummik piumasaqaammik atorunnaarsitsineq

Aningaaserivinnut taarsigassarsisitsisarfinnullu immikkut pappiaqqanik nalilinnik niuernissamut akuersissummik piumasaqaat. Aningaaseriviit taarsigassarsisitsisarfiillu siunissami aningaaserivinnut taarsigassarsisitsisarfinnullu akuersissut nalinginnaasoq naapertorlugu aningaasaliinermut sullissinermik ingerlatsisinnaanerit tamatuma nassataraa.

Immikkut pappiaqqanik nalilinnik niuernissamut piumasaqaateqartoqarunnaarsillugu aningaaserivinnut taarsigassarsisitsisarfinnullu akuersissutinut malittarisassat allanngortinneqarput. Aningaaseriviit taarsigassarsisitsisarfiillu

siunissami ingerlatanik aningaasalersuisarnermik ingerlatsineq pillugu inatsimmi ilanngussaq 4-mi takuneqarsinnaasunik, aningaaserivinnut taarsigassarsitsisarfinnullu ingerlataannut naapertuuppat, akuersissutit nalinginnaasut malillugit ingerlatsisinnaassapput. Tamatuma ilaatut aningaasaliisarnermut ingerlatat, manna tikillugu aningaaseriviit taarsigassarsitsisarfiillu ingerlatsinerannut ilaasutut isigineqarsimasut, aningaasaliisarnermik ingerlatatut siunissami isigineqassapput.

Pappiaqqanik nalilinnik niuernermik taaguut suliffeqarfinnut ilanngussaq 4-mi sulianut ilaatinneqartut ingerlatsisunut ataatsimut taaguutitut atuutsinneqaannassaaq. Aningaaseriviit taarsigassarsitsisarfiillu ilanngussaq 4-mi sulianik ilaatinneqartunik ingerlatsisillutik pappiaqqanik nalilinnik niuertutut atuuttarne-rat tamatuma nassataraa.

Allanguutit uku innersuussutigineqarput:

§ 6, nr. 16 - 28

3. **Tuniniaassisut maleruagassiuunneqarnerat**

Aningaaseriviit, taarsigassarsitsisarfiit pappiaqqanillu nalilinnik niuerfinni niuernermik ingerlatsisut suliffeqarfiit tuniniaassisooqarsinnaanerat, tuniniaassisullu nalunaarsorneqarnissamut piumasaqaatinik angusisimallutillu, nalunaarsorneqarlutillu malinninnissaat pillugu peqqussut malittarisassanik imaqarpoq.

Suliffeqarfiup nalunaarsorneqarnissamut piumasaqaatinik naammassinnis-sinnaanera ilmanarsisinneqarpat, aatsaat suliffeqarfik tuniniaassisutut atuus-sinnaasoq Finanstilsynip qulakkiissavaa, tassani suliffeqarfiup tuniniaassisup aqutsisuinut sulisuisalu piginnaasaannut piumasaqaatit ilanngullugit. Tamatuma saniatigut Finanstilsyni pappiaqqanik nalilinnik niuruteqartut suliffeqarfiup tuniniaassisutut toqqagaasa malittarisassanik naapertuuttunik malinnin-nerat, namminerisaminnillu tuniniaassisut malittarisassanik malitassaminnik malinninnissaat nakkutigissavaa, tassani ingammik aningaasaliisunik illersui-nissaq pillugu malittarisassat ilanngullugit.

Tuniniaassisooq sullitat aningaassaataannik aningaasaliisarnermilu atortuinik paaqqutarinnikkunik, suliffeqarfiup tuniniaassisumik toqqaasup, tuniniaas-sisup uppernarsaasiinissamut illersuinissamullu iliuutsinik malittarisassanik malinninnera qulakkiissavaa, ilaatigut suliffeqarfik akiliisinnaajunnaassagalu-arpak aningaasalersuisarnermik ingerlatsineq pillugu inatsimmi § 72 malillugu, nalunaarutillu taanna naapertorlugu atulersinneqartut naapertorlugit.

Tuniniaassisut qallunaat kalaallillu pappiaqqanik nalilinnik niuruteqartuisa, aningaaseriviisa taarsigassarsitsisarfiisalu sullitat aningaassaataannik anin-gaasaliisarnermullu atortuinik paaqqutarinninnissamik periarfissaqalerneran-

nik peqqussutsip ammassinerata kingunerisaanik, ingerlatsivinnit nunani allaneersunit tuniniaassisut, nammineq nunagisaminni taamaattumik periarfissaqartut, aamma tuniniaassisup uppersaasiinissamik illersuinissamillu iliutsinik, tuniniaassisumut attuumasup suliffeqarfiup nunami angerlasimaffigisaani atuuttunik malinninnera tunngavissaatillugu, aamma qallunaat sullitami aningaasaataannik paaqqutarinninnissamut pisinnaatitaassapput.

Allannguutit uku innersuussutigineqarput:

§ 6, nr. 29, 30 aamma 54-63

4. **Nunani EU/EØS-ni il.il. ingerlatseqatigiiffiit immikkoortortaat killeqarfinniillu ungataanni ingerlataat**

Peqqussut aningaaserivinnik, taarsigassarsititsisarfinnik, pappiaqqanillu nalilinnik niuerneramik ingerlatseqatigiiffinnut EU/EØS-mi nunani allaneersunut il.il., aningaasalersuisarnermik ingerlatsineq pillugu inatsimmi ilanngussaq 4, immikkoortoq A-mi taaneqartunik aningaasaliisarnermik sullisillutilluunniit aningaasaliinernik ingerlataqartut Danmarkimi Kalaallilluunniit Nunaanni ingerlataminni tuniniaassisartunik atuisinnaanerannik periarfissivoq. Tamanna immikkoortortamik pilersitsinikkut tuninniaassisumilluunniit atuinikkut kiisalu killeqarfiit ungataanni tuniniaassisumik atuinermi pisinnaavoq. Finanstilsynip passisutissanik nunami nalunaarsorsimaffimmi oqartussaasutut nakkutilliisut ilanngussaq 4-mi taaneqartumi nunami EU/EØS-mi aningaasaliisarnermik sullissinermik aningaasaliisarnernillu akuerineqartut aningaaseriviit taarsigassarsititsisartullu, tuniniaassisooq aqqtigalugu nunami maani ingerlatsinissamik kissaateqarnerannut atatillugu pissarisarisassaanut piunasaqaatinik peqqussut imaqarpoq. Piunasaqaat Kalaallit Nunaannillu illuatungeriinnissamik isumaqatigiissut aamma pisuni taakkunani atuutissaaq.

Allannguutit uku innersuussutigineqarput:

§ 6, nr. 37-47

5. **Ingerlatseqatigiiffiit nunani allani angerlarsimaffeqartutut nalunaarsorsimasut immikkoortortaat killeqarfinniillu akimuisunik sulinerat**

Danmarkimi Finanstilsyni ingerlatseqatigiiffinnik nunani allani angerlarsimaffeqartutut nalunaarsorsimasut, killeqarfinnik akimuisumik aningaasaliisarnermi sullissinermik, killeqarfirmilluunniit akimuisumik aningaasaliisarnernik ingerlatsinissamik kissaateqartunut taamaallaat taarsigassarsititsivinnik nunani allaneersunik aningaasalersuisarnermillu ingerlatsivinnik nunani allani akuersissutilinnut, nunani pineqartuni EU-Kommissionip assigiimmik periarfissaqarnissamik aalajangiiffigisimanngisaanut taamatulluunniit aalajanger-

nerup atorunaareerfigisaani akuersissutinik tunniussinissamik kiisalu akuersissummik tunniussinissamut periutsinik erseqqinnerusunik maleruagassior-nissamut pisinnaatitaaffeqarpoq. Assigiimmik periarfissaqarnissamik Kom-missioni aalajangiisimappat, nalunaarsorneqarneq pillugu pisinnaatitaaffik, ingerlatseqatigiiffiup nunani allani angerlarsimaffilittut nalunaarusiorsimasup aningaasaliisarnermik sullissinissamik imaluunniit aningaasaliisarnermik in-gerlataqarnermik ingerlatsisinnaavoq, tamatumani illuatungerisat ingerlata-qartunilluunniit sullitat MiFIREMA-lu malillugit MiFIR-imillu toqqaannartumik malittarisassaqtartut nalunaarsuineramik aalajangiisinnaapput. Malittarisassaq taanna Kalaallit Nunaannut atuutsilertinneqanngilaq, EU-mimi assigiimmik periarfissaqarnissamik aalajangiinerit inatsisitigut Kalaallit Nunaanni atuut-tuunngillat.

Pappiaqqanik nalilinnik niuernermit nunami aqqjissuussinerit illuatunginut akuersianut ingerlatseqatigiiffinnilluunniit sullitanut tunngatillugu periarfissat kiisalu ingerlatseqatigiiffiit nunani allani angerlarsimaffeqartut niuerutigin-neqqittartunik sullitanilluunniit aningaasalersuisarnermik sullissinermik anin-gaasalersuisarnermilluunniit kissaateqarneq naapertorlugu ingerlatseqatigif-fittut sullitatut isigineqarsinnaasunik, aningaasaliisarnermik sullissinermik aningaasaliisarnermilluunniit nunami maani immikkoortoqalernissaannik pi-umasaqaammik atulersitsineq.

Aningaasalersuisarnermik ingerlatsineq pillugu inatsimmi aalajangersagaq nutaaq § 33 a, aningaasaliisarfiit nunani allani angerlarsimaffilittut nalunaars-orsimasut aningaasaliisarfiillu nunani allani ingerlatsisinnaanermut akuersis-suteqartut nunami maani immikkoortoq aqqutigalugu sullissinernik annikinne-rusunik ingerlatsisinnaaneranik atulersitsisoqarpoq. Taamattaarlu aalajan-gersakkakut Finanstilsyni ingerlatsivimmik nunani allami angerlasimaffilittut nalunaarusiorsimasup aningaasalersuineramik sullissinermik aningasaaliisar-nermilluunniit nunami maani immikkoortoq aqqutigalugu suliaqarsinnaanera-nut akuersissummik arsaarinnissinnaaneranik periarfissinneqarpoq.

Allanguutit tulliuttut innersuussutigineqarput:

§ 6, nr. 48-52

6. Sulisut aningaasalersuisarnermi atortunik tuniniaallutilluunniit siunnersuisut aningaasarsiaqartinneqarnerat

Missingiummi aningaaseriviit taarsigassarsititsisarfiillu kiisalu pappiaqqanik nalilinnik niuernermit ingerlatseqatigiiffiit, pappiaqqanik nalilinnik niuernermit ingerlataqtartut, kiisalu aningaasaliissutinik aqutsinermik ingerlatsiviit, pappi-aqqanik nalilinnik niuernermit ingerlataqtartut akuersissutaateqartut, sulif-feqarfiup sulisuisa aningaasarsiaqartinneqarnerisa sullitat soqutigisaannut pitsaanerpaamik sullissinissamik pisussaaffimmut assortuuttuunnginnissaan-

nik qulakkeerinninnissaannik piussaaffilerneqarput, tassani aningaasalersuisarnermik ingerlatsineq pillugu inatsimmi § 43-mi ileqqorissaarnissamut maleruagassat ilanngullugit.

Taamattaarlu aningaasalersuisarnermik ingerlatsineq pillugu inatsimmi § 77 e-mi sulisorisat ingerlatsitseqqiisartutut sullitanut tuniniaaneranni angusasatut aalajangikkanut atugassamik nikerartumik aningaasarsialersuinissamik, ingerlatsitseqqiisartutut sullitat soqutigisaannik pitsaanerpaajusoq akimorlugu sulisorisanut pilerilersitsinnaasumik inerteqqut aaqqigallerneqarpoq.

Allannguutit tulliuttut innersuussutigineqarput:

§ 6, nr. 74-77

7. Pappiaqqanik nalilinnik niuerneramik ingerlatseqatigiiffiit innersuussinermut ataatsimiititaliaat pillugit piumasaqaatit

Peqqussut innersuussinermut ataatsimiititaliaat pilersinneqartarnerat pillugu § 80 a atuuffianik allannguineramik imaqarpoq, taamaalilluni taanna siunissami pappiaqqanik nalilinnik niuerneramik ingerlatseqatigiiffinnut niuerfimmi maleruagassioneqartumi aningaasaliisimasuni, imaluunniit ukiuni naatsorsuusiorfinni kingullerni marlunni naatsorsuutininik oqimaaqatigiissitsinerup nalaani 1.000-nik amerlanerusunilluunniit ulloq naallugu sulisoqartuni, mannalu tikillugu taamaallaat pappiaqqanik nalilinnik niuerneramik ingerlatseqatigiiffik I-innaangitsuni tamani atuutissaaq.

Allannguutit tulliuttut innersuussutigineqarput:

§ 6, nr. 78 aamma 79.

8. Aaqqissuussaaneq pappiaqqanillu nalilinnik niuerneramik ilusililineq

Missingersuutikkut suliffeqarfimmi sulisut pisortallu nuussinernik ingerlataanut malittarisassat periutsillu naapertuuttunik pigisaqarnissamut piumasaqaatit aamma suliffeqarfiup tuniniaaassisutut toqqagaanut atuutsineqassapput. Peqatigisaannik § 72 imaalillugu allanngortinneqassaaq, taanna suliffeqarfinnut pappiaqqanik nalilinnik niuerneramik ingerlataqartunut atuut-tunngortillugu. Taamattaq aningaasalersuissarnermik ingerlatsineq pillugu inatsimmi § 72, imm. 2, nr. 2 nutaamik oqaasertalerneqassaaq, taamaalilluni aalajangersakkami suliffeqarfimmi soqutigisatigut aporaattoqarsinnaaneranut tunngatillugu aaqqissuusaanikkut piumasaqaatit ilaatinneqalerlutik, akertli-nillu tassunga piumasaqaatit erseqqinnerusut kingorna nalunaarutikkut aalajangersarneqarumarlutik, tak. aningaasalersuisarnermik ingerlatsineq pillugu inatsimmi § 72, imm. 5.

Allannguutit tulliuuttut innersuussutigineqarput:

§ 6, nr. 70-72

9. Nioqqutinik akuersinissamut suliffeqarfiup iluani malitassianut piunasaqaat

Aningaasalersuisarnermik ingerlatsiviit nioqqtissanik ineriartortitsinermut malitassiaqarnissaannik sullitallu eqqarsaatigalugit suliffeqarfiup iluani akue-rineqartarnissaannik pingaarnertut piunasaqaatit § 71-mi atulersinneqarput. Pingaarnertut piunasaqaat taanna nioqqutinik akuerinnittarnermi periusissat pillugit nalunaarummi nutaami erseqqissarneqarlunilu annertusarneqassaaq.

Allannguutit tulliuuttut uku innersuussutigineqarput:

§ 6, nr. 68 aamma 69

10. Aningaasalersuisarnermi atortunik allattorsimaffik

Aningaasalersuisarnermik ingerlatsineq pillugu inatsimmi ilanngussaq 5-mi aningaasalersuisarnermi atortunik allattorsimaffik annertusineqarpoq. Anin-gaasaliisarnermut atatillugu aningaasanik aqqusaartitsisarneq allattorsimaf-fimmit peerneqarpoq, aningaasalersuisarnermilu atortutut allattorsimajun-naarluni. Tamatuma saniatigut ilanngussaq 5-mi »atortut« pineqarnatik »anin-gaasalersuisarnermi atortut« allattorneqartartut erseqqissarneqarpoq.

Allannguutit tulliuuttut uku innersuussutigineqarput:

§ 6, nr. 119-129

11. Whistleblowereqarnermik (isertortumik oqaatilliisinnaanermik) aaqqissuussineq

Aningaasalersuisarnermik ingerlatsineq pillugu inatsimmi § 75 a, imm. 3-mi pappiaqqanik nalilinnik niuerneramik ingerlatseqatigiiffinnut, ilanngussaq 4, Im-mikkoortoq A, nr. 1, 2, 4 aamma 5-mi sullissinernik taaneqartuni ataatsimik arlalinnilluunniit taaneqartunik ingerlatsisinnaanermut taamaallaat akuersis-sutaateqartut, sullitat aningasaataannik pigisaannilluunniit nalilinnik paaqqutaqanngitsut, sullitaminnut akiitsoqalersinnaanngitsut pillugit ator-tussaatinneqanngitsut atorunnaarsinneqarput. Tamatuma pappiaqqanik nali-linnik niuerneramik ingerlatseqatigiiffiit § 75 a, imm. 1 naapertorlugu nalunaaru-teqartarnermik aaqqissuussinermik pilersitsinissaat nassataraa, tamatumani pappiaqqanik nalilinnik niuerneramik ingerlatseqatigiiffik qanoq amerlatigisunik sulisoqarnera apeqqutaatinneqanngilaq.

Allannguutit tulliuuttut uku innersuussutigineqarput:

§ 6, nr. 73

12. **Aningaasanik niuerfiit pillugit inatsimmut ataqatiginnerit**

Allannguutit arlallit atulersinneqarsinnaangillat, taamaaliornissamimi aningaasanik niuerfiit pillugit sisip aamma atortuulersinneqarnissaa tunngavis-saammat.

Allannguutit tulliuttut uku innersuussutigineqarput:

§ 6, nr. 7, 24, 30, 34, 38, 46, 47, 53, 66, 80, 81, 84, 91, 92, 96, 98, 99, 105, 117, 118 aamma 126-129

§ 7

Peqqussutsikkut inatsit nr. 666 8. juni 2017-meersumi § 1 Kalaallit Nunaannut atortussangortinneqarpoq. Tulliuttuni aningaasalersuisarnermik ingerlatsi-neq pillugu inatsimmi allannguutit pingaarnerit Kalaallillu Nunaannut naleqqussaanerit pingaarnerit eqikkarneqarput.

1. **Siulersuisunut ilasortat tunngaviusumik pikkorissarnissaasa ingerlannissaannut immikkut akuersissut**

Siulersuisunut ilasortap naammattumik tunngaviusumik pikkorissarnissaani, naammattunik akuerineqarsimasunik naapertuuttunillu tunngaviusumik pikkorissarnermik peqarnissaa, tunngaviusumillu pikkorissarnerit qaammatinik aqqaneq marlunnik periarfissatut piffissaliunneqartup iluani ingerlan-neqarsinnaangorlugu aaqqissuunneqarsimanissaa tunngavissaatinne-qarpoq. Periarfissat taakku pigineqanngippata Finanstilsyni tunngaviusumik pikkorissarnerit siulersuisunut ilasortaalerneqarput qaammatit aqqaneq marluk qaangiunneranni ingerlanneqarsinnaaneritut akuersinissamut periarfissaqartariaqarpoq. Tamanna tunuliaqutaralugu imm. 3-mi Finanstilsyni immikkut ittumik pisoqarnerani qaammatinik aqqaneq marlunnik killiliinermik sanioqutsisinnaanermut periarfissinneqarpoq.

Allannguutit tulliuttut pineqarput:

§ 7, nr. 1.

2. **Suliffeqarfissuarmik nukittorsaaqqinnissamut pilersaarut**

Oqartussat sorliit ataatsimut aalajangernerimi ilaanerit, oqartussallu sorliit suliffeqarfissuup nukittorsaaqqinnissaanut pilersaarummut kaammat-tuuteqarsinnaanerit erseqqissarneqarpoq.

Nukittorsaaqqinnissamut suliffeqarfissuarmillu nukittorsaaqqinnissamut pilersaarutini Finanstilsynip nukittorsaaqqinnissamut pilersaarut Finansiellu Stabili-

tetimut saqqummiuttussaavaa, taannalu kaammattuuteqarsinnaavoq. Finansiell Stabilitet pisariaqartitsisoqartoq naliliiguni, nukittorsaaqqinnissamut pilersaarummut kaammattuutini saqqummiussissaaq. Finansiell Stabilitetip kaammattuuteqarnissamut periarfissaa nukittorsaaqqinnissamut pilersaarutinit nutaanut, nutartikkanut aqqissuussanullu tunngavoq.

Nukittorsaaqqinnissamut pilersaarutit aamma oqartussat atorunnaarsitsisus-sat, atorunnaarsitsinermut pilersaarusiorterannut kiisalu pilersaarutiniq suliaqarnerannut attuumassuteqarmata, siuliani periuseq taaneqartoq naapertuuttut isigineqarpoq.

Allannguutit tulluuttut pineqarput:

§ 7, nr. 2

3. **Akiitsut nalikillilerneqarnissamut naleqquttut**

Uningasuitit nalikillilerneqarnissamut naleqquttut pillugit aalajangersakkat BRRD-p tuluttuanut naapertuuttunngorlugit erseqqissarneqarput, taamaalluni uninngasuutinit nalikillilerneqartussanut naleqquttunut piumasaqaatit aningaasanik tunngavigisat pisussaaffiillu katinnerisa procentiattut aalajangersarneqartussangorlutik.

Uningasuitit nalikillilerneqarnissamut naleqquttut atortunik pisussaaffinillu tunngaviumik aningaasaatinit atortunik ilapittuutitulluunniit aningaasaatinit atortuttut naammattut ilaatinneqarsinnaannginnerat ilanngullugu erseqqissaatigineqarpoq. Tamatuma saniatigut pisussaaffiit bail-in-imut ilaatinneqanngitsut, aamma uninngasuutitit nalikillilerneqartussatut naleqquttunut ilaatinneqanngillat.

Allannguutit tulluuttut pineqarput:

§ 7, nr. 3-5.

4. **Aningaasaatinik atortuutiniq nalikilliliineq allannguinerlu**

Ingerlatsiviup qaqugukkut ingerlaannarsinnaannginneranut tunngavissat, ingerlatsiviup qaqugukkut ajornartorsiulertarneranut, ajornartorsiulernissamulluunniit ilimagineqarneranut naliliinermi tunngavigisat assigaat, tak. § 224 a.

Ingerlatsiviup qaqugukkut ingerlaannarsinaaneraniq Finanstilsynip nalilernerat tamakkiisumik naliliinerussasoq, taamaallaat ingerlatsiviup allannguinerup nalikilliliinerulluunniit kingorna ajornartorsiorunnaartutut imaluunniit ajornartorsionissamik ilimanaateqarunnaartutut piumasaqaatinik taamaallaat aallaaveqassannginnera, "siunissamilu qaninnerinnarmit" ungasinnerusumik isigisumik ingerlatsiviup ingerlanissanut naliliinerussasoq erseqqissarneqarpoq,

tak. § 224 a, ingerlatsiviup aamma siunissami ingerlasinnaasutut isigineqarnera qulakkeerniarlugu.

Allannguutit tulluuttut pineqarput:

§ 7, nr. 6.

§ 8

Peqqussutsikkut inatsit nr. 667, 8. juni 2017-meersumi § 1 Kalaallit Nunaannut atortussanngortinneqarpoq. Tulluuttuni aningaasalersuisarnermik ingerlatsineq pillugu inatsimmi allannguutit pingaernerit Kalaallillu Nunaannut naleqqussaanerit pingaernerit eqikkarneqarput.

1. **Realkreditinut, realkreditinullu assingusuni ersarinnerutitsinis-saq pillugu malittarisassat.**

Ernianik, akiliutinik, tapiliutinik allanilluunniit realkreditimut realkreditinulluunniit assingusunut pisisartunut pitsaanngitsumik taarsigassarsisitsineq sioqqutsisumik qaammatinik arfinilinnik nalunaaqqaarnani pisinnaangilaq.

Ernianik, akiliutinik, tapiliutinik allanilluunniit akiligassanut siumut nalunaartarnermut piunasaqaatit sakkortusineqarput. Siumut nalunaaruteqarnermi qaffaaneq tunngavilerneqassaaq. Peqatigisaanik atuisoq ernianik qaffaannermut atatillugu taarsigassarsiaminut pisinnaatitaaffimminullu tunngasunik ilapittuutaasunik paasissutissinneqassaaq.

Naammangitsumik siumut nalunaarneq, taarsigassarsisitsisup akinik qaffaaneq atuuttunngussappat, nutaamik siumut nalunaaqqittariaqarneranik nassataqassaaq.

Taamattaq aningaaserivik tapiliutinik ernianulluunniit tapiliutinik qaffaanisamik nalunaarsimaguni taarsigassarsianik tamakkerlugit utertitsinermi akiliutinik akiligassiisinnaangilaq.

Allannguutit tulluuttut pineqarput:

§ 8, nr. 2-4.

§ 9

Peqqussutsikkut inatsit nr. 1547, 19. deember 2017-meersumi § 1 Kalaallit Nunaannut atortussanngortinneqarpoq. Tulluuttuni aningaasalersuisarnermik

ingerlatsineq pillugu inatsimmi allannguutit pingaarnerit Kalaallillu Nunaannut naleqqussaanerit pingaarnerit eqikkarneqarput.

1. **Ileqqorissaarnermut tunngasuni malitassiatut isumaqatiginninniutigisat**

Aningaasalersuisarnermik ingerlatsineq pillugu inatsimmi Finanstilsyni immikkoortuni erseqqinnerusumik taaneqartuni, ingammik atuisut eqqarsaatigalugit pingaarutillit isigineqartuni, niuernerimi pissuserissaarnissamut periuserissaarnissamullu malitassianik suliaqarlunilu tamanut saqqummiussisinnaneranik periarfissaqarnera erseqqissumik ilanngunneqassaaq. Malitassiat taakku atuisut sinnissaannik aningaasarsiornermillu ingerlatsisut kattuffiink naapertuuttunik isumaqatiginninniareernikkut suliarineqassapput.

Malitassiat ilitsersuutitut assingusumik ilusiligaassapput, ilitsersuutinilli allaanerusutut suliarineqarnerani atuisut aningaasarsiornermillu ingerlatsisut kattuffii suliarinninnermi akuliutsinneqassapput, aallaavittullu kikkut isumaqatiginninniarnerni peqataasimanerat, killullu malitassianik akuersisimanerat malitassiani takuneqarsinnaassaaq.

Finanstilsynip malitassianik isumaqatiginniutigineqarsimasunik saqqummiussisinnanermut periarfissinneqarnerata, erhvervsministerip Finanstilsynimut atatillugu peqqusisinnanermut piginnaatitaanera allanngortinngilaa, taamaammallu ministeri aamma malitassianut isumaqatiginninniutaasimasunut tunngatillugu peqqusisinnanermut piginnaatitaassaaq.

Allannguutit uku innersuussutigineqarput:

§ 9, nr. 16,

2. **Whistleblowerinut tunngatillugu nipangiussisussaataitanerup allanngortinnera**

§ 354 g-mi atortuutitsinnginneq, aningaasalersuisarnermi ingerlatsivimmi atuisup pisut ilaanni Finanstilsyni atuisut maalaarutaannik aningaasalersuisarnermik ingerlatsivimmut pineqartumut paasissutissanik ingerlatitseqqissinnaneranik nassataqartoq ivertinneqarpoq.

Taamaallaat inuup Finanstilsynip atuuffiani atuisumut suliassami pineqartumik paasissutissanik ingerlatitseqqisinnanermut akuersisinnaneranik periarfissaq pineqarpoq, tassa ileqqorissaarnissamik suliani kiisalu aningaasalersuisarnermik ingerlatsineq pillugu inatsimmi kapitali 9-mik unioq-qutsitsinermik suliani.

Allannguutit tulliuttut innersuussutigineqarput:

§ 9, nr. 69

3. Sillimmasiisarnermik ingerlatsineq pillugu malittarisassat Kallaallit Nunaannut atortuulersinneqanngitsut

Aningaasarsiaqarlutik sulisartut angalaartut pisinnaatitaaffiini nuussisinnanermut ilitsersuummik atortussanngortitsineq.

Allannguutit tulliuttut innersuussutigineqarput:

§ 9, nr. 3 aamma 21

Aningaasaliisartunut tuniniaaqqittartunut katitikkanik sillimmasiisarnermillu toqqammaveqartunik aningaasaliiffissatut tunisassiat pillugit qitiusumik paasissutissanik pappiaqqanik PRIIP-mik peqqussutip atortuulersinnera.

Allannguutit tulliuttut innersuussutigineqarput:

§ 9, nr. 57 aamma 74-77

Sillimmasiisarfinnut eqimattaq 1-miittunut atuuttumik allanut suliassanngortitsinermik taaguutip itisilerneru.

Allannguutit tulliuttut innersuussutigineqarput:

§ 9, nr. 5, 6, 8, 23, 24 aamma 55

Akuersissummik qinnuteqartup, suliffeqarfimmik aqutsineq pillugu malittarisassanik suliffeqarfiup naammassinnissinnaanera naammassissavaa.

Allannguutit tulliuttut innersuussutigineqarput:

§ 9, nr. 11

Immikkoortup qamutinuun motoorilinnut akisussaannermut sillimmammik matussusiisinnaneranut atatillugu uppersaasiinissamut piumasaqaat.

Allannguutit tulliuttut innersuussutigineqarput:

§ 9, nr. 12 aamma 13

Killeqarfinnik akimuisunik suliffeqarfinnik ingerlatsineq.

Allannguutit tulliuttut innersuussutigineqarput:

§ 9, nr. 14

Suliffeqarfissuarnut Akiliisinnaassuseq II ilitsersuutip ataani nakkutigineqartussanngortitanut Finanstilsynip paasissutissanik pissarsisinaanera.

Allannguutit tulliuttut innersuussutigineqarput:

§ 9, nr. 59

Akiliisinnaassuseqarnissamut piunasaqaatip naatsorsornera aningaasaatinut tapiliussamut taarsiullugu atorineqartarnissaa.

Allannguutit tulliuttut innersuussutigineqarput:

§ 9, nr. 60

Sillimmasiisarfiit eqimattaq 1-miittut nalunaaruteqarnissamut killiliuussaannik allanngortitsineq.

Allannguutit tulliuttut innersuussutigineqarput:

§ 9, nr. 27- 31, 33 aamma 34

Sillimmasiisarfiit eqimattaq 1-miittut akiliisinnaassutsimik aningasaqarnikkullu pissutsit pillugit itisiliisumik nalunaarusiortarnissaasa akuttussusianut tunngasumik malittarisassanik allanngineq.

Allannguutit tulliuttut innersuussutigineqarput:

§ 9, nr. 45

Suliffeqarfissuarnik nakkutilliinermut malittarisassat

Allannguutit tulliuttut innersuussutigineqarput:

§ 9, nr. 7, 35-38

Akiliisinnaassuseq II-mut ilitsersuutit malitsigisaannik taaguutit

Allannguutit tulliuttut innersuussutigineqarput:

§ 9, nr. 7, 9 aamma 10

4. **Benchmarkimik peqqussutip atortuulersinnera**

Benchmarkimik peqqussutip atortuulersinneqarnerata malitsigisaanik malittarisassat, benchmarkimik peqqussutip Kalaallit Nunaanni atuutinnginnerata malitsigisaanik Kalaallit Nunaannut atortuulersinneqanngillat.

Allannguutit tulliuuttut innersuussutigineqarput:

§ 9, nr. 56

5. **SIFI-nik toqqaaneq**

SIFI-nik takussutissiiviit marluk ingerlatsiviup Kalaallit Nunaanni ataatsimut taarsigassarsiarititaasa, Kalaallillu Nunaanni ataatsimut aningaaserivimmiittuutitaasa ilaannut tunngasoq allangortinneqarpoq. Allannguutit siullermik Kalaallit Nunaanni taarsigassarsiarititat ataatsimoortut naatsorsorneqalerneranni, aningaaseriviit taarsigassarsititsisarfiillu nunanit allaneersut Kalaallit Nunaanni taarsigassarsiarititaat annertuut ilanngunneqartussaanerannik nassataqarpoq. Taamaalilluni danskit aningaaseriviisa taarsigassarsititsisarfiisalu taarsigassarsiarititaat kisimik naatsorsukkanut ilanngunneqartassanngillat. Kalaallit Nunaanni aningaaserivimmiittuutitanut tunngatillugu assinganik allannguut atulersinneqarpoq, taamaammallu aningaaseriviit nunani allaneersut Kalaallit Nunaanni immikkoortuini aningaaserivimmiittuutitat aamma ilanngullugit naatsorsorneqartalissapput.

Aningaaseriviit taarsigassarsititsisarfiillu nunani allaneersut immikkoortui annertuut aamma SIFI-p aaqqissugaanerani naatsorsuinernut ilanngunneqartassapput. Aningaaseriviit taarsigassarsititsisarfiillu nunani allaneersut immikkoortuni annertuuni Kalaallit Nunaanniittuni oqimaaqatigiissitsinerit, taarsigassarsiat aningaaserivimmiittuutillu SIFI-p aaqqissuusaanerani immikkoortunik naatsorsuinerni ilaasalernissaat allannguutit nassataraat.

Allannguneq Kalaallit Nunaanni SIFI-nik toqqaanissamut eqqornerusumik toqqammaveqalernissap qulakkeerneqarnera allannguutip qulakkiissavaa, naatsorsuinermimi toqqammavik taamaalilluni immikkoortumi aaqqissuusaanikkut allannguutaasinnaasunik sunnerneqarsinnaassanngilaq.

Allannguutit tulliuuttut innersuussutigineqarput:

§ 9, nr. 46-50.

6. **Taasisinnaatitaanerit atorunnaarsinneqarnerat**

Finanstilsynip suliffeqarfimmi aningaasaatit ilaannik atasumik taasisinnaatitaanerimik atorunnaarsitsinerani, Finanstilsynip suiffeqarfimmut ilisisimatitsinissamik pisussaaffilerneqarpoq.

Ilisimatitsinerimi aningaasaatit ilaasa sorliit Finanstilsyn-imit taasisinnaajunnaarsinneqarnerat taamaallaat taaneqassaaq, tassani aningaasaatit ilaannik piginnittup aqqa ilanngullugu. Atorunnaarsitsinerimut tunuliaqutaasoq paasisutissallu allat taamaalillutik ilisimatitsissutigineqassanngillat.

Allannguutit tulliuuttut innersuussutigineqarput:

§ 9, nr. 22

7. **Attuumassuteqarnermik taaguut**

Suliffeqarfik Finanstilsynip aalajangiiffigisaa imaluunniit aalajangiiffigisassaa sulianut attuumasoq ersarissunngorlugu, suliani atuumassuteqarnermut aalajangersagaq allanngortinneqarpoq.

Aaqqiissuteqarnikkut suliami aalajangiineq pineqarnersoq, kiisalu nag-gataagut suliami aalajangersimasumi aalajangertoqannginnera pineqarner-soq, attuumassuteqarnermut inissisimanermi pingaartuteqartoq erseqqis-sarneqarpoq.

Allannguutit tulliuuttut innersuussutigineqarput:

§ 9, nr. 70

8. **SIFI-ni siulersuisunut ilaasortani pisortatut inissisimaffiit amerlassusaannut killiliissutit**

Pisortatut inissisimaffinni amerlassutsinut killiliinerit ima aaqqinneqarput, taamaalilluni atortussaatsinnginnerit SIFI-rpianut imaluunniit G-SIFImut atu-utsinneqarsinnaannginnerat erseqqissarneqarluni.

Ingerlatseqatigiiffinni atuuffiit, SIFI-t G-SIFI-lluunniit pineqartut annertuunik piginneqataaffigisaat, siunissami immikkoortillugit naatsorsorneqartassapput. Taamaaliornikkut SIFI-mi G-SIFI-miluunniit nalunaarsukkat, ingerlatseqatigi-iffinnilu nalunaarsukkat, SIFI-t G-SIFI-lluunniit annertuumik piginneqataaf-figisaat, ataatsimut nalunaarsukkatut marluttut isigineqassapput.

Allannguutit tulliuuttut innersuussutigineqarput:

§ 9, nr. 51-54

9. **Siulersuisunut pisortaanernullu nikerartumik aningaasarsiariti-taasa qummut killingat**

Siulersuisunut pisortaanernullu nikerartumik aningaasarsiarititani, ni-kerartumik aningaasarsiarititat qummut killingat piffissami nikerartumik anin-gaasarsiarititat naatsorsorneqarneranni naammassineqarsimassasoq aala-jangersakkamut ilanngunneqarpoq.

Allannguutit tulliuuttut innersuussutigineqarput:

§ 9, nr. 25

10. **Pigisanik (pappialanik) nalilinnik uninngatitsiviit**

Pigisanik nalilinnik uninngatitsiviit aningaasalersuinermit atortunik, pigisanik nalilinnik uninngatitsivimmik piginnaatitsissuteqartumik allami paaqqutari-neqartuni isumaqatigiissuteqarnikkut taarsiisussanngortinneqarsinnaanermut akisussaaffimmut attuumajunnaarsinneqartinnaanatililu taarsiisussaataitaanerminnik killiliisinnaannginneranut malittarisassanik atulersitsisoqarpoq.

Allannguutit tulliuuttut innersuussutigineqarput:

§ 9, nr. 26

11. **Akuersissummik atorunnaarsitsigallarneq**

Finanstilsyni aningaasaliisarnermut sullissinermik ingerlatseqatigiiffimmut danskillu UCITS-iannut imaluunniit UCITS-p immikkoortuanut akuersissummik atorunnaarsitsigallarsinnaasassaaq.

Allannguutit tulliuuttut innersuussutigineqarput:

§ 9, nr. 40

12. **Finanstilsynip aalajangerneranik tamanut saqqummiussineq**

Tamanut saqqummiussisarnermi malittarisassani pisuni taamatut tamanut saqqummiussinerup aningasanik niuerfinnik navialisitsisinnaasunik tamanut saqqummiussisoqarsinnaannginnera erseqqissaatigineqarpoq.

Allannguutit tulliuuttut innersuussutigineqarput:

§ 9, nr. 67

13. **Realkreditimut realkreditimulluunniit assingusumut taarsigassarsiap akiliutinik qaffaanissamik siumut kalerriinerup malitsigisaanik atorunnaarsinneqartumut atatillugu, atorunnaarsitsinermi akiliuteqannginnissap angunissaanut tunngavinnik erseqqissaaneq**

§ 53 d, imm. 1-mi inerteqqummi qaffaatissatut siumut nalunaarutigineqartup, taarsigassarsisullu aningaasartuuteqarfiunngitsumik taarsigassarsiaminik atorunnaarsitsisinnaanermut periarfissamik atuinerani ataqatigiiffittut tunngavissaritinneqartup qularnaarneqarnissaa erseqqissaatigineqarpoq.

Erseqqissaassummi atorunnaarsitsineq qaammatinik arfinilinnik siumut nalunaarnissamut periarfissatut aalajangerneqartup iluani pinissaa, atorunnaarsitsinerlu taarseeriaatsimi toqqarneqartumi ullormi pisinnaaffiani siullermi pissanngorlugu taarsiisoqarnissaa tunngavissaasoq erseqqissarneqarpoq,

taamaattoq atorunnaarsitsinerup kingorna qaammatit arfinilikkaartumi terminimi akiliiffissami.

Allannguutit tulliuuttut innersuussutigineqarput:

§ 9, nr. 20

14. Nipangiussisussaaitaanermik aalajangersakkamut kinguneqaa-taasumik allannguut

§ 354, imm. 6, nr. 11, aaqqigallerneqarpoq, taamaalilluni Finanstilsyni aningaaseriit, taarsigassarsititsisarfiit pappiaqqanillu nalilinnik niuerneramik ingerlatsiviit ajornartorsiortut pillugit suliani erhvervsministerimit piginnaatitsissummik pissarseqqarnissaa, aalajangersakkap oqaasertaanniikkunnaarsillugu. Aningaasaliisarnermik ingerlatsiviit pappiaqqanillu nalilinnik niuerneramik ingerlatsiviit allat pappiaqqanik niuerneramik sullissinermik ingerlatseqatigiiffi-unngitsut aalajangersakkani ilaatinneqarunnaarput.

Finanstilsynip suli paasissutissanik isertuussassanik suli aningaaserivimmik, taarsigassarsititsivimmik pappiaqqanilluunniit nalilinnik ingerlatsivinnut I anaassiniarlutik misiliisunut ingerlatitseqqissinnaanera allanngortinneqanngilaq.

Allannguutit tulliuuttut innersuussutigineqarput:

§ 9, nr. 62-66

15. Pappiaqqanik nalilinnik niuertutut akuersissut

Suliffeqarfiit pappiaqqanik nalilinnik akuersissutaatilinnut innersuussisoqart-arunnaassaaq, taarsiullugulu aningaaserivinnut immikkut pappiaqqanik nallilinnik niuertunut akuersissummik peqarnissaaq piumasaqaataajunnaarpoq. Taamaaliornikkut malittarisassat suliffeqarfinnut pappiaqqanik nalilinnik niuersinnaanermut akuersissutilinnut kiisalu suliffeqarfinnut allap akuersissutaa atorlugu pappiaqqanik nalilinnik niuerneramik ingerlatsisunut suli atuutissapput.

Allannguutit tulliuuttut innersuussutigineqarput:

§ 9, nr. 17-19

16. Taaguutinik nutaanik ilassutit

Peqqussummut taaguutit tulliuuttut ilanngunneqassapput:

Taaguutit aningaasalersuisarnermik ingerlatsineq pillugu inatsimmi § 5, imm. 1-mi nanineqarsinnaapput. Aningaasaliisarnermik sullissineq aamma aningaasaliisarnermik ingerlatat: Ingerlatat ilanngussaq 4, immikkoortoq A-mi ator-tunik ilanngussaq 5-mi taaneqartunut atatillugu taaneqartut. (§ 5, imm. 1, nr. 4)

UCITS (§ 5, imm. 1, nr. 32)

Oqartussat susassaqtut (§ 5, imm. 1, nr. 33)

Taaguutit tulliuttut allanngortinneqarput:

Aningaasanik niuerneramik piginnittutut suliffeqarfik (§ 5, imm. 1, nr. 10)

Qajannassuseq (§ 5, imm. 1, nr. 18)

Pappiaqqanik nalilinnik niuerneramik ingerlatsivik I (§ 5, stk. 1, nr. 35)

17. **Aningaasanik niuerfiit pillugit inatsimmut attuumassuteqaatit**

Allannguut tulliuttoq peqqussusiorneqarsinnaanngilaq, aningaasalersuisarnermi atortut pillugit niuerfintut Europa-Parlamentip Rådillu peqqussutaa (EU) nr. 600/2014, 15. maj 2014-meersoq Kalaalit Nunaannut atuutilertussaataa angimmat.

§ 9, nr. 58

§ 10

Peqqussutsikkut inatsit nr. 41, 22. januar 2018-mersumi § 45 Kalaallit Nunaannut atortussanngortinneqarpoq. Tulliuttuni aningaasalersuisarnermik ingerlatsineq pillugu inatsimmi allannguutit pingaarnerit Kalaallillu Nunaannut naleqqussaannerit pingaarnerit eqikkarneqarput.

1. **Sillimmatinik ingerlatitseqqiisut pillugit inatsit**

Aalajangersakkami uani allannguutit sillimmatinik ingerlatitseqqiisut pillugit inatsisip kinguneranik allannguutaapput. Taamaammat allannguutit Kalaallit Nunaannut atuutilersinneqassanngillat.

Allannguutit tulliuttut innersuussutigineqarput:

§ 10, nr. 2, 4 aamma 5

2. § 361-ip nutaamik oqaasertalenera

§ 361-kut suliffeqarfiit nakkutigineqartussaasut Finanstilsynimut akitsuummik akiliutaat maleruagassinneqarput. Akitsuut pillugu aalajangersagaq aamma aningaasalersuisarnermik ingerlatsineq pillugu qallunaat inatsisaanni taku-neqarsinnaavoq.

Allanguutit tulliuttut innersuussutigineqarput:

§ 10, nr. 6

§ 11

Peqqussutsikkut inatsit nr. 436, 8. maj 2018-mersumi § 1 Kalaallit Nunaannut atortussanngortinneqarpoq. Tulliuttuni aningaasalersuisarnermik ingerlatsineq pillugu inatsimmi allanguutit pingaarnert Kalaallillu Nunaannut naleqqussaannerit pingaarnert eqikkarneqarput.

1. **Nittartakkat quppernerisa atiinik aqqissuussinermi qarasaasiakkullu sullississutit ilaasa internetimi paasissutissanillu isumannaatsuunissaq pillugu inatsisip atortuulersinnera**

Peqqussummi malitassiaq (EU) 2016/1148, 6. juli 2016-meersumi Unioni tamakkerlugu iliuutsit internetimi paasissutissiisarnermillu atortorissaarutitut ataatsimut qaffasissumik isumannaatsuunermik qulakkeerisussat (kingorna NIS-peqqussummik taagorneqartoq) atortuulersinneqarpoq.

Aningaasalersuisarnermut tunngatillugu, peqqussut aningaaserivinnut sullissinernik annertuunik ingerlatsitsisutut taaneqartunut internetimi paasissutissiisarnermilu annertuumik qaffasissusilimmik isumannaatsuunissamik qulakkeerinninnissamik siunertaqarpoq.

Annertuumik sullissisunik toqqaaneq

Aningaasalersuisarnermik ingerlatsineq pillugu inatsimmi, Kalaallit Nunaanni Kunngip Peqqussutaatigut atortussanngortinneqartumi, § 308 naapertorlugu Finanstilsyni ukiut tamaasa Kalaallit Nunaanni aningaasalersuisarnermik ingerlatsiviit aqqissuunneqarnerini pingaarutilinnik (SIFI) toqqaasarpoq. SIFI ingerlatsiviuvoq, ajutoornerani ajornakusoorneraniluunniit aqqissuussaanikkut kinguneqarnissamut aarlerinaatilik. Aqqissuussaanikkut aarlerinaat tasaaavoq aningaasalersuisarnerup aqqissuunneqarnerani aarlerinaat, aningaasalersuisarnermik aqqissuussinermut aningaasarsionermullu sakkortuumik pitsaanngitsumik kinguneqartitsisinnaasoq.

SIFI angissuseq, aningaasaqarnermi sunniuteqaat ingerlatsiviullu suliffeqarfissuulluunniit aningaasalersuisarnermut aqqissuussinermut ataqatigiif-feqarnera tunuliaqutaralugu toqqarneqartarpoq.

Ingerlatsiviup oqimaaqatigiissitsinera Kalaallit Nunaanni tunisassiat pilersineqartut tamakkerlugit nalingat 65 procentimik annertuneruneranni, ingerlatsiviup Kalaallit Nunaanni taarsigassarsiarititai Kalaallit Nunaanni taarsigassarsiarititai tamarmiusut 50 procentiannit annertuneruneranni, ingerlatsiviullu Kalaallit Nunaanni aningaaseriviit tamarmik Kalaallit Nunaanni aningaaserivimmiittuutit 50 procentii sinnerlugit amerlassuseqarneranni SIFI uuttorneqartarpoq.

Taamaalilluni aningaasalersuisarnermik immikkoortup iluani ingerlatsisunik pingaarutilinnik toqqaasarnermi tunngavigineqartut kiisalu SIFI-nik toqqaasarnermi tunngavigineqartut assigiissorinarput. Sullississutinik pingaarutilinnik ingerlatsisut toqqaarneqartarnerannut tunngavigineqartut SIFI-nik toqqaasarnermi tunngavigineqartunut assingummata, SIFI-t aamma sullississutinik pingaarutilinnik ingerlatsisut toqqaarneqartassapput.

Finanstilsyni minnerpaamik ukiut allortarlugit aningaaserivinnik sullissinermik pingaarutilinnik ingerlatsisunik toqqaasassaaq. Tassunga atatillugu Finanstilsynip sullissinerit suliffeqarfiit ingerlataat, inuiaqatigiit ingerlanneqarnerannut aningaasaqarnikkulluunniit ingerlatsinernut pingaaruteqarnerat, sullissinerit taakku ingerlanneqarneranni internetimik paasissutissiinermillu atortorissaarutit apeqqutaanerat kiisalu annertuumik akornusiinermik pisut sullissinermik ingerlatsinermut annertuumik akornusiinnaanera pingaartitassavaa. Pisutut paasineqassaaq pisoq internetimi paasissutissiinermillu atortorissaarutit isumannaatsuunerannik pitsaanngitsumik sunniisoq.

§ 11, nr. 3 innersuussutigineqarpoq

Nalunaarutiginnittarneq

Finanstilsyni aamma pisoqarsinnaanerani pisumik nalunaarusiornissamut ersarinnerusunik malittarisassiorsinnaanermik piginnaatinneqarpoq. Taamaalilluni Finanstilsyni aqutsisunik nalunaarummi aningaaserivinnit pingaarutilinnik sullissisunik sullissinerit ingerlaavartinneqarnerannut annertuumik sunniisunik, inuiaqatigiinnullu pingaarutilinnik ingerlatsinermut aningaasaqarnikkulluunniit sulianut pingaarutilinnik pisoqarnerani nalunaaruteqarnissamut piumasaqaatinik erseqqinnerusunik aalajangersaasinnaavoq.

Nalunaaruteqarneq Finanstilsynimut Center for Cybersikkerhedimullu piasaaq. Tassunga atatillugu ataatsimoorussamik nalunaaruteqartarnermut aaqqiissummik – assersuutigalugu virk.dk ataatsimut isertarfikkoortumik – pilersitsisoqarnissaata ilimagineqarnera oqaatigineqassaaq, tassuunalu ingerlatsisut tamarmik NIS-mik ilitersuummi ilaasut nalunaarutiginnissinnaassapput. Ataatsimoorussamik nalunaarutiginnittarnermik aaqqissut taanna atorlugu Finanstilsynimut Center for Cybersikkerhedimullu nalunaarutiginninneq suliffeqarfinnut ilaatinneqartunut ataasiakkaanut aningaasatigut kinguneqaa-teqassanganneqanngilaq.

§ 11, nr. 2 innersuussutigineqarpoq.

Paasissutissanik ingerlatitseqqiisarneq

Nunami suleqatigiinneq isumannaarniarlugu, Finanstilsynip Center for Cybersikkerhedimik paasissutissanik paarlaateqatigiissinnaanera pisariaqarpoq.

Peqqussutikkut paasissutissat Center for Cybersikkerhedip nunami qitiusumik attaveqarfittut atuunnerani, inatsisit naapertorlugit suliassaannut pisari-aqartillugit Finanstilsynip paasissutissanik Center for Cybersikkerhedimut ingerlatitseqqiissinnaanera periarfissinneqarpoq.

Ullumikkut Finanstilsynip paasissutissanik isertuussassanik ingerlatitseqqinnerani atuuttut, paasissutissat isertuussassatut ingerlateqqinneqartassaput, Finanstilsynillu Center for Cybersikkerhedimut ingerlatitseqqiinerata, Center for Cybersikkerhedip Finanstilsynip annertusisamik nipangiussisusaatitaaneranut ilaanera nassatarissavaa. Paasissutissat ingerlateqqinneqartut, ingerlatitseqqiinnermi siunertamut naapertuuttunut killilerneqassaput. Paasissutissanik taamatut ingerlatsitseqqiinnermi paasissutissat pineqartut isertuunneqarnerat, isumannaallisaanermik illersuisussaanagerat, pingaarutilinnillu sullissisut niuernikkut soqutigisaannik illersuisussaanagerat qulakkeerneqassaaq.

§ 11, nr. 4 aamma 5 innersuussutigineqarput.

§ 12

Peqqussutsikkut inatsit nr. 706, 8. juni 2018-mersumi § 1 Kalaallit Nunaannut atortussangortinneqarpoq. Tulliuttuni aningaasalersuisarnermik ingerlatsineq pillugu inatsimmi allanguutit pingaarnerit Kalaallillu Nunaannut naleqqussaanagerit pingaarnerit eqikkarneqarput.

1. Naleqquttuuneq assuarnaatsuunerlu

Peqqussummi naleqquttuunermut assuarnaatsuunermullu piumasaqaatit nu-taamik oqaasertalerneqarput, taamaalilluni aningaasanik peqquserluutinik malunnarunnaarsaasarnermi malittarisassanik naammassinninnginneq si-unissami aningaasalersuisarnermik ingerlatsisuni pisortaqatigiinni ilaasuni naleqquttuunermik assuarnaatsuunermillu naliliinnermi ilaasalissapput.

Allanguutit tulliuttut innersuussutigineqarput:

§ 12, nr. 1, 13-16, 26, 27, 31, 34-36, 38, 41, 44 aamma 45.

2. **Aningaasanik peqquserluutininik malunnarunnaarsaanermik inatsimmik unioqqutitsinerimi akuersisummik arsaarinninneq**

Peqqussutikkut aningaasanik peqquserluutininik malunnarunnaarsaanermik inatsit sakkortuumik arlaleriartumilluunniit unioqqutinneqaraangat, akuersisummik arsaarinnissaaq periarfissinneqarpoq. Sakkortuumik unioqqutitsinerit assersuutigalugu tassaasinnaapput, suliffeqarfiup piaaraluni mianersuaalliorujussuarnermigulluunniit sullitat pillugit paasissutissanik pissarsisimannginnera, piaaraluni mianersuaalliorujussuarluniluunniit aningaasanik peqquserluutininik malunnaarunnaarsaanermut pinerliinianilluunniit aningaasalersuinermut sullitanik alaatsinaassimannginnera, imaluunniit piaaraluni mianersuaalliorujussuarluniluunniit sullitat aningaasanik peqquserluutininik malunnarunnaasagaannik pinerliinianilluunniit aningaasalersuinerannik nuussinerni ersarissunik pasitsaassinermik suliffeqarfiup SØIK-mut nalunaarutiginninnissamik pisussaaffianik Statsadvokaten for Særlig Økonomisk og International Kriminalitet (SØIK) nalunaaruteqarsimannginnermi. Unioqqutitsinerup annertussusaata saniatigut pisup annertussusaa nalilerneqassaaq, taamaattoqarneranimi pissutsit annertuut pineqartussaapput, soorlu arlalinnik aamma/imaluunniit sullitanik angisuunik imaluunniit arlaleriarluni pisoqarnerani. Suliffeqarfittaaq Finanstilsynimit peqquneqaraluarluni pissutsinik immikkut sakkortussusilinnik aaqqiinnginnerani, imaluunniit suliffeqarfiup aningaasanik peqquserluutininik malunnarunnaasaaanermik pinerliinianillu aningaasalersuinermik pinaveersaartitsinissamik iliuuseringitsuugai ima annertutigippata, allaat suliffeqarfik aningaasanik peqquserluutininik malunnaarunnaarsaanermut pinerliinianillu aningaasalersuinermut illersuutininik pilersitsisimanngitsutut isigineqarluni.

Allannguutit tulluuttut innersuussutigineqarput:

§ 12, nr. 28.

3. **Qarasaasiakkut attaveqarneq**

Qallunaat pisortat ingerlatsinerannut inatsisaanni § 32 b-mik aalajangersakkap aningaasalersuisarnermik inatsimmi malittarisassani inuttut atsiornermut tunngasut maleruagassiorpai.

Kalaallit Nunaanni pisortat ingerlatsinerat pillugu inatsit malittarisassanik taamaattunik aalajangersagaqanngilaq. Taamaammat aalajangernernut allanillu pappiaqqanik atsiorneqanngitsunik malittarisassanik aalajangersaasiinaanermik erhvervsministerimik pisinnaatitsissut atortuulersinneqanngillat.

Allannguutit tulluuttut innersuussutigineqarput:

§ 12, nr. 4 aamma 5.

**4. Nunami maani pappiaqqanik nalilinnik niuerneramik sullissiner-
nik ingerlataqartunut, nunat peqataasut avataaneersunut inger-
latseqatigiiffinnut, peqataasut avataanersunit agguagarsilluni
akissarsisarneq il.il. pillugit maleruagassat**

Aningaasalersuisarnermik ingerlatsineq pillugu inatsimmi §§ 46 a aamma 46 b Kunngip Peqqussutaatigut Kalaallit Nunaannut atortussanngortinneqartut ingerlatseqatigiiffinnut nunani allaneersunit pigineqartunut aningaasalersuisarnermik ingerlatsineq pillugu inatsimmi § 33, Kunngip Peqqussutaatigut Kalaallit Nunaanni atortussanngortinneqartoq naapertorlugu Kalaallit Nunaanni pappiaqqanik nalilinnik niuernerami sullissinissamik akuersissuteqartunut atuutissaaq. Taamattaaq Finanstilsyni ingerlatseqatigiiffinnut taamattunut iluanaarusiineramik inerteqqummik unioqquutitsisoqartillugu peqqusisinnaavoq. Taamalu ingerlatseqatigiiffit inatsimmi § 348, imm. 2, uniffik siulleq naapertorlugu Finanstilsynip peqqussutaanik naammassinninngippata pillaammik akiliisineqassapput.

Peqqussutikkut ingerlatseqatigiiffinnut nunanit allameersunit pigineqartunut Kalaallit Nunaanni attuumassuteqanngitsumik siunnersuinernik pappiaqqanillu nalilinnik isumaginninnermik ingerlatsisunut ullumikkut pappiaqqanik nalilinnik niuerneramik ingerlatsisunut, Kalaallit Nunaanni akuersissummik atuuttumik tunuliaqutaqarlutik aningaasaliisarnernik sullissineramik ingerlatsisunut piumasaqaatit atuuttut assinginik piumasaqaateqartoqassaaq. § 33 naapertorlugu akuersissummut piumasaqaatit allanngortinneqanngillat.

Allannguutit tulliuttut innersuussutigineqarput:

§ 12, nr. 2 aamma 32.

**5. EU-mi nunanilu allani EU-p aningaasaqarnermut tunngasuni isu-
maqatigiissuteqarfigisaani, aningaasalersuisarnermik ingerlatsi-
viit immikkoortortaqaarfinnik pilersitsisarnerat**

Peqqussutsikkut aningaasalersuisarnermik ingerlatsineq pillugu inatsimmi aalajangersagaq nutaaq, Kalaallit Nunaannut Kunngip Peqqussutaatigut atortuulersinneqartoq atuutilersinneqarpoq, kingornalu aningaasalersuisarnermik ingerlatsivik, aningaaserivimmit taarsigassarsititsisarfirmilluunniit suliffeqarfittut pigineqartoq, imaluunniit aningaaserivinnit arlalinnit imaluunniit taarsigassarsititsisarfinnit arlalinnit ataatsimoorullugu pigineqartoq, aningaasalersuisarnermik ingerlatsineq pillugu inatsimmi § 38, imm. 1-mi, Kalaallit Nunaannut Kunngip Peqqussutaatigut atortuulersinneqartumi atuarneqarsinnaasutut paasissutissanik Finanstilsynimut nassiuussisassaaq. Tassani sumi nunami immikkoortortap pilersinnissaanik kissaateqarneq, immikkoortortap suliariumaagai pillugit paasissutissat pineqarput, tassani aqqjissuussaaneq suliaassatut pilersaarutigineqartut, immikkoortortap adressia kiisalu immikkoortortami aqutsisut aqqi ilanngullugit. Taamattaaq aningaasalersuisarnermik ingerlatsivik annertussuseq aningaasalersuisarnermillu ingerlatsiviup

aningaasatigut toqqammaviisa katitigaanerat pillugu Finanstilsynimut paasisutissanik nassiussissaaq.

Finanstilsynip paasisutissat taaneqartut tigussavai, taamaalilluni paasisutissat nunami najuuffimmi oqartussatut attuumassuteqartunut ingerlateqqineqarsinnaaqullugit.

Paasisutissiinissamik piumasaqaat aningaasalersuisarnermik ingerlatsivimmut taamaallaat atuuppoq, taamaalillunilu suliffeqarfinnut piginnittaannut attuumassuteqarnani. Suliffeqarfiit piginnittut pillugit paasisutissanik nassiussisoqassanngilaq, Finanstilsynimmi paasisutissat taakku suliffeqarfittut piginnittup ingerlaavartumik nalunaarusiortarneratigut pigereermagit.

Allannguutit tulliuttut innersuussutigineqarput:

§ 12, nr. 9 aamma 10,

6. Aningaaserivik imaluunniit pappiaqqanik nalilinnik niuerneramik ingerlatsivik I ajornartorsiortoq, ajornartorsiornissaanilluunniit ilimagineqartoq

Peqqussutikkut Finanstilsynip aningaaseriviup pappiaqqanilluunniit nalilinnik niuerneramik ingerlatsivik I ajornartorsiortutut ajornartorsiornissaaneranilluunniit ilimagineqartutut isigineqassanersoq, ingerlatsiviullu akuersissutaa suliffeqarfiup aningasalersuisarnermik inatsimmik arlaleriarluni annertuumilluunniit unioqqutitsinerata kinguneranik arsaarinnissutigineqarsinnaanersoq.

Allannguutit tulliuttut innersuussutigineqarput:

§ 12, nr. 28.

7. Taarsigassarsititsisarfinnut akiitsunut upalungaarsimassutissanut piumasaqaat

Taarsigassarsititsisarfinnut akiitsunut upalungaarsimassutissatut piumasaqaatini allannguutit Kalaallit Nunaannut atortuulersinneqassanngillat.

Allannguutit tulliuttut innersuussutigineqarput:

§ 12, nr. 21-25.

8. Patajaallisagaasumik tunngaveqarluni akiitsunut nalikillisaavigineqarsinnaasutut naleqquttunut piumasaqaatit

Uninngasuutinut nalikillisaavigineqarsinnaasutut naleqquttunut piumasaqaatit pillugit malittarisassat Kalaallit Nunaannut atortussanngortinneqassanngillat.

Allannguutit tulliuuttut innersuussutigineqarput:

§ 12, nr. 29 aamma 30.

9. Sparekasse-nut andelskasse-nullu ingerlatseqatigiiffinnut inatsisitigut malittarisassat

Sparekassinut andelskassinullu ingerlatitseqatigiiffinnut inatsisitigut malittarisassanut allannguutit Kalaallit Nunaannut atortunngortinneqassanngillat.

Uninngasuutinut nalikillineqarsinnaasutut naleqquttunut piumasaqaatit pillugit malittarisassat Kalaallit Nunaannut atortussanngortinneqassanngillat.

Allannguutit tulliuuttut innersuussutigineqarput:

§ 12, nr. 19 aamma 20.

10. Forvaltningsinstitutet for Lokale Pengeinstitutter pillugu akitsuutit

Peqqussutsikkut Forvaltningsinstitutet for Lokale Pengeinstitutterimut akitsuusiineq pillugu aalajangersagaq Aningasalersuisarnermik ingerlatsineq pillugu inatsimmi § 363, imm. 1, Kunngip Peqqussutaatigut Kalaallit Nunaannut atortussanngortinneqartoq, atorunnaarsinneqarpoq.

Allannguutit tulliuuttut innersuussutigineqarput:

§ 12, nr. 42.

11. Clearingsinstitutioninut il.il. paasissutissanik isertuussassanik ingerlatitseqqisarnermut akuersineq pillugu piumasaqaat

Peqqussutikkut aningaasalersuisarnermut inatsimmi § 354, imm. 6, nr. 22 aamma § 354, imm. 15 allanngortinneqarput, taamaalilluni siunissami nakkutilliisutut oqartussanit paasissutissat pissarsiarineqartut Finanstilsynip paasissutissat isertuuneqartussat clearingsinstitutioninut il.il. ingerlatseqqissinnaassagunigit, paasissutissanik isertuussassanik ingerlatsitseqqinermi EU-mi nakkutilliisussatut oqartussaataasunit akuersinermut piumasaqaat atuutilissalluni.

Finanstilsynip oqartussamit nakkutilliisussaataasumit Finanstilsynimut paasissutissat tunniunneqartut aatsaat akuersisummik pissarsisimanngikkuni EU-mi nakkutilliisussatut oqartussaasunit Finanstilsynip paasissutissat isertuunneqartussat clearingsinstitutioninut ingerlateqqissinnaanngikkai erseqqisarneqarpoq.

Taamaalilluni paasisutissat isertuunneqartussat ingerlateqqinneqartinnagit akuersissummik piniappaarnissamik piumasaqaateqarfigineqarput. Paasisutissat isertuunneqartussaanerat qulakkeerniarlugu piumasaqaateqartoqarpoq.

Finanstilsynip pisussaaffinnik EU-mi eqqartuussiviup piumasaqaataanik mallinninnissaa qularnaarniarlugu malittarisassat allanngortinneqarput. Malittarisassat Finanstilsynimut sammitinneqarput, paasisutissanullu aningaasalersuisarnermik ingerlatsineq pillugu inatsimmut ilaasuni, Kunngip Peqqusutaatigut Kalaallit Nunaannut atortussanngortinneqartunut atuutissaaq.

Allannguutit tulliuttut innersuussutigineqarput:

§ 12, nr. 38 aamma 39.

12. Finanstilsynip aningaasaqarnikkut qajannartuunernut annertuunut killiliisinnaanera pillugu peqqussummi malittarisassanit, qajannaatit ilaasa atuutinngitsissinnaanerannik piginnaatitsissut

Peqqussummi Finanstilsyni CRR-mi artikel 400, imm. 2-p malitsigisaanik qajannaatit ilaasa annertuut killilernissaat pillugu peqqussummi malittarisassani taaneqartunik atuutsitsinngissinnaaneranut periarfissamik atuisinnaaneranut piginnaatinneqarpoq. Piginnaatitsissutikkut Finanstilsyni aamma CRR-mi artikel 493, imm. 3-mi ikaarsaarnermut aaqqissuussinerup malitsigisaanik, CRR-mi artikel 400, imm. 2-mi qajannaatit ilaannik qajannaatit ilaannik atorutitsinngissinnaavoq.

Nunani oqartussaasut qajannaatinut annertuunut ataatsimut killiliinernit qajannaatit aalajangersimasut, ingerlatsiviup aningaasatigut tunngavigisaasa 25 procentiinik aarlerinaatit ilaatinngissinnaavaat. Ilaatitsinngissinnaaneranut periarfissaq taanna CCR-mik peqqussummi artikel 400, imm. 2 toqqaveqarpoq, aarlerinaatillu ilaatinneqarnanilu annikillinera kiisalu EBA ilaatitsinnginnermut ilisimatinneqarsimanera tunngavissaatinneqarpoq, tak. artikel 400, imm. 3.

Nalunaarut annertunertigut siusinnersukkut annertuumik akuunermut nalunaarut atuuttumut assingussaaq, taannalu naapertorlugu ilaatigut obligationit immikkut nalillit realkreditobligationillu immikkut nalillit, takuuk artikel 400, imm. 2, litra a, suliffeqarfissuup iluani qajannaatit, tassa qajannaatit ingerlatseqatigiiffiup piginnittut ingerlatsiseqatigiiffimmut atuutsitai, piginnittut ingerlatseqatigiiffiup suliffeqarfittut pigisaanut allanut imaluunniit nammineq suliffeqarfittut pigisaminut, takuuk artikel 400 imm. 2, litra c, ingerlatseqatigiiffinnut piumasaqaatit aamma ingerlatseqatigiiffinnut allanut piumasaqaatit, tamatumani piumasaqaatit taakku ingerlatseqatigiiffiup nammineq aningaasaataanut tunnganngippata, ullormut niuerfimmut tullermit sivisunerunngippata, aningaasanut niuerutigineqartunut allanut naliligaanngippata,

tak. artikel 400, imm. 2 litra j, nalinginnaasumik killiliussamut ilaatinneqanngippata.

Taamaalilluni imarisaa aallaavittut qajannaatit taaneqartut siunissami killilerneqarnissamut ilaatinneqannginnerat ilimagineqarpoq, soorluttaaq tamanna siusinnerusukkut annertuumik akuunerit pillugit nalunaarummi atuuttoq naapertorlugu aamma taamaattoq.

CRR inatsit nr. 1566, 15. december 2015-kkut Kalaallit Nunaannut atortusangortinneqarpoq. Peqqussut manna naapertorlugu nalimmassarneqarpoq.

Allannguutit tulliuttut innersuussutigineqarput:

§ 12, nr. 43.

13. **Aaqqissuussanik aningaaserivimmiittuutitanik maleruagassiorneq**

Peqqussutikkut § 9a-mi tuniniaassisutut attuumasut pillugit malittarisassat allangortinneqarput, taamaalilluni tuniniaassisut aningaaserivimmut pappiaqqanilluunniit nalilinnik tuniniaanermik ingerlatsivimmut attuumassutillit tuniniaassisut aaqqissuussanik aningaaserivimmiittuutitanik tuniniaallutilluunniit siunnersuisinnaalersillugit.

Peqqussutikkuttaaq §§ 46 a aamma 46 b-mi aningaasaliisunik illersuineramik malittarisassat allangortinneqarput, taamaalilluni aamma taakku aningaaseriviit pappiaqqanillu nalilinnik tuniniaanermik ingerlatsiviit aaqqissuussanik aningaaserivimmiittuutitanik siunnersuinerat ilanngullugu annertusineqarput, soorluttaaq aningaasalersuisarnermik ingerlatsineq pillugu inatsimmi § 72, imm. 2, nr. 1, 2 aamma 5 aningaaseriviit pappiaqqanillu nalilinnik tuniniaanermik ingerlatsiviit aaqqissuussanik aningaaserivimmiittuutitanik tuniniaaneranni siunnersuineranniluunniit aamma atuuttunngorlugit annertusineqarput.

Allannguutit tulliuttut innersuussutigineqarput:

§ 12, nr. 3, 7, 11, 12, aamma 18, kiisalu taakkununga nassuiaatit.

14. **Tuniniaassisutut attuumasut suliaat**

§ 9 a, imm. 2, nr. 1 nutaamik oqaasertalernerqarpoq, taamaalilluni tuninniaassisut attuumasut pappiaqqanik nalilinnik niuerneramik ingerlatsiviup, aningaaseriviup taarsigassarsititsisarfiulluunniit aningaasaliinermi sullissineranut allanillu sullissinerani nittarsaassisinnaasut atuarneqarsinnaavoq.

Allannguutinut tulliuttunut innersuussisoqarpoq:

§ 12, nr. 6.

§ 13

Peqqussutsikkut inatsit nr. 1520, 18. december 2018-mersumi § 1 Kalaallit Nunaannut atortussanngortinneqarpoq. Tulliuttuni aningaasalersuisarnermik ingerlatsineq pillugu inatsimmi allannguutit pingaarnerit Kalaallillu Nunaannut naleqqussaannerit pingaarnerit eqikkarneqarput.

1. Sullissinerit avataanni ingerlatat

Peqqussummi § 24, imm. 1 allanngortinneqarpoq, taamaalilluni aningaaserivinnut sillimmasiisarfinnullu qarasaasiakkut aqqissutit sullissinerillu ingerlatatut akuerisanut attuumassutillit pissusissamisootumilluunniit ilasutaasut sullissinerit avataanni ingerlatatut isigineqartunngorlugit.

Taamaalilluni aningaaseriviit suliffeqarfiup atuisuinut nalinginnaasumik sulianut tapiliullugu qarasaasiakkoortumik aqqiissutinik sullissinernillu ineriartortitsisinnaanerit ersarissarneqarpoq.

Suliffeqarfinnik aningaasalersuisarnermik ingerlatsinngitsunik, atuisunullu qarasaasiakkut aqqiissutinik nalinginnaasumik ingerlatanit siammasinnerusunik ineriartortitsisunut suliffeqarfiup naligiimmik unammillersinnaanera allannguutikkut qulakkeerneqassaaq.

Suliffeqarfittut sullississutit avataanni sullissisutut taagorneqassagaanni, sullississutit aningaaserivittut sullissinermut nalinginnaasumik tapiliussaassapput. Aqqissutit annertuujussussaanginnerat aamma tunngavissaatinneqarpoq.

Allannguutit tulliuttut innersuussutigineqarput:

§ 13, nr. 6

2. Aningaaserivinnut sullissinerit avataatigut ingerlatassatut akuerisat

Peqqussummi § 26-mi imm. 3 nutaaq ivertinenqarpoq, kingornalu aningaaseriviit sullissinernik, sullissinerit avataanniittunik suliffeqarfittut pigisami namminersortumi, sullissineri aningaaseriviup nalinginnaasumik ingerlataanut tapiliussaasuni, piumasaqaatit taaneqartut naammassineqarnerat tunngavissaatillugu ingerlatsisinnaapput.

§ 26, imm. 1 maanna atuuttoq assignagu, § 26, imm. 3 nutaami aningaaseriviup suliffeqarfittut pigisamini aalajangiisumik sunniuteqarsinnaannginnera piumasaqaatigineqanngilaq.

§ 26, imm. 3-mi sullissinerni suliffeqarfittut pigisami ingerlanneqartuni aarleri-naatit tassunga killilernerqarnissaat, ingerlatseqatigiiffillu namminerisaminik aningaasaateqassasoq piumasaqaataavoq. Sulissinerit taamaalilluni suliffeqarfimmi allami killilimmik akisussaasumi, aningaaseriviup aalajangiisinaasutut sunnuteqarfigisaani ingerlanneqassapput. Taamattarlu sullissinerit aningaaseriviup suliaani annertuumik annertussuseqassannginnerat tunngavissaatinneqarpoq. Sullissinerit annertussusaat ilaatigut suliffeqarfittut pigisap suliffeqarfissuarmut sanilliullugu isertitaasigut oqimaaqatigiissitsineranillu aallaaveqartumik nalilernerqassaaq.

Allanguutip suliffeqarfimmik qanorluunniit ilusilimmik, suliat suliffeqarfittut namminersortutut aningaasaateqartumik pigisami immikkut ingerlanneqarnerat kisiat tunngavissaatillugu ingerlatsisumik siunissami aningaaserivigiit inatsisit naapertorlugit ingerlatsisinnaannginnerannik nassataqannginnissaa siunertaavoq. § 26, imm. 3-mi nutaatut aalajangersakkami suliffeqarfittut ingerlatarisinnaasatut periarfissinneqartoq, tassaavoq suliffeqarfik § 24 naapertorlugi aningaaseriviup inatsisit naapertorlugit ingerlassinnaariigaa. Sullissisutit aningaaserivimmik ingerlatsinermut attuumassuteqarlutilluunniit suliaasapput, aningaaseriviit sulianik ingerlatsinerminni immikkut piginnaasanik ineriartortitsiffigeriigaa, aningaaseriviillu sullitaannut iluaqutaasumik ingerlanneqarsinnaasut. § 24 kiisalu § 26, imm. 3 nutaaq naapertorlugi sullissinerit ingerlanneqartut ingerlatseqatigiiffinni assigiinngitsuni ingrlanneqarnissaannut aalajangersagaq piumasaqaateqanngilaq. Sullissinerit § 24 naapertorlugi ingerlanneqarsinnaasut taamaalillutik ingerlatseqatigiiffimmi § 26, imm. 3 naapertorlugi sullissinernik ingerlatsisussatut pilersinneqartumi ingerlanneqarsinnaapput.

Allanguutit tulliuttut innersuussutigineqarput:

§ 13, nr. 7 aamma 26

3. **Suliffeqarfissuarmik pilersitseqqinnissamik pilersaarutit**

§ 71 b, imm. 1 allanngortinneqarpoq imaalilluni suliffeqarfinnik piginnittutut suliffeqarfiit akuleriit siunissami suliffeqarfissuarmik pilersitseqqinnissamik pilersaarutininik suliaqarlutillu isumaginnittussaajunnaarsillugit.

Allanguutit tulliuttut innersuussutigineqarput:

§ 13, nr. 2 aamma 11

4. **Andelskassini taasisinnaanermut killilersuiffiunngitsuni malit-tarisassanik allanngortitsinerit**

Allanguutit Kalaallit Nunaannut atortuulersinneqanngillat.

Allannguutit tulliuuttut innersuussutigineqarput:

§ 13, nr. 12

5. **Aningaasalersuisarnermik ingerlatsiviit paasissutissanik isertuunneqartussanik ingerlatitseqqiisarnerannut atatillugu akuersititsinissamik piumasaqaatinik atorunnaarsitsineq**

Allannguummi Kalaallit Nunaanni inunnut paasissutissanik peqqussummi malittarisassat assingannik peqarnissaa tunngavisaatinneqarpoq. Taamaammat allannguut atortuulersinneqanngilaq.

Allannguutit tulliuuttut innersuussutigineqarput:

§ 13, nr. 13 aamma 28

6. **Aningaasalersuisarnermik ingerlatsineq pillugu inatsit naapertorlugu malittarisassanik atulersinneqartunik atorunnaarsitsinerni il.il. atuineq**

§ 240 allanngortinneqarpoq, taamaalilluni peqqussummi aalajangersakkat kiisalu peqqussut naapertorlugu erhvervsministerimut Finanstilsynimullu piginnaatitsissutip malitsigisaanik malittarisassat atortuulersinneqartut kiisalu aningaasalersuisarnermik ingerlatsiviit erhvervsministerimut Finanstilsynimullu pisussaaffii, suliffeqarfinnut taamaattunut aaqjissuuteqqinneqarlutik suliarineqartuni atorunnaarsinneqartuniluunniit pisariaqartumik nalimmassaanerit atorneqassallutik.

Atorunnaarsitsinertut ullumikkutut paasineqassaaq, suliffeqarfik ingerlatseqatigiiffinnut malittarisassat naapertorlugit atorunnaarsinneqarpoq (atorunnaarsitsineq imaluunniit pinngitsaalliissummik atorunnaarsitsineq) imaluunniit akiliisinnaajunnaarnermik inatsisip malittarisassai malillugit.

Aningaasalersuisarnermik ingerlatsivik allatut atorunnaarpat, Finanstilsyni peqqussut naapertorlugu imaluunniit peqqussutsip malitsigisaanik atulersinneqartut naapertorlugit pisinnaatitaaffeqanngilaq.

Allannguutit tulliuuttut innersuussutigineqarput:

§ 13, nr. 16

7. **Sparekassit andelskassillu pillugit malittarisassat**

Aningaasalersuisarnermik ingerlatsineq pillugu inatsimmi § 246, imm. 5, uniffiit pingajuat erseqqissarneqarpoq, taamaalilluni taamaallaat andelskassit inatsisiutigut aalajangerneqartumik taasisinnaanermik killilerneqartut allatigulluunniit maleruagassatigut taasisinnaatitaanermik killilerneqartut, § 246,

imm. 1 malillugu piginneqataasutut takkuttuni sinniisoqarfimmiluunniit ilaasortat pingajorarterutit marloriaataasa taasinerisigut tamatigut iliuusissanik aalajangiisinnaassuseqartut takuneqarsinnaanngorlugu.

Malittarisassaq taanna Kalaallit Nunaannut atortuulersinneqanngilaq.

Allannguutit tulliuttut innersuussutigineqarput:

§ 13, nr. 17

8. Aningaaserivimmiittuutitut SIFI-mut takussutissat

Allannguut Kalaallit Nunaannut atortuulersinneqanngilaq.

Allannguutit tulliuttut innersuussutigineqarput:

§ 13, nr. 18

9. STS-mik peqqussutip atortuulersinneqarnera

STS-mik peqqussut (Securitiseringimut kiisalu pisariitsumik, ersarissumik nalinginnaasunnorsakkamik securitiseringimik immikkut sinaakkummik pilersitsineq pillugu Europa-Parlamentetip Rådetillu peqqussutaat 2017/2402/EU, 12. december 2017-meersoq) toqqaannartumik Kalaallit Nunaannut atuutinnngilaq.

Peqqussut inatsisikkut atortuulersinneqartussaavoq. Aalajangersakkat STS-mik peqqussummut attuumassuteqartut, matuma kingorna nalunaarutikkut atortuulersinneqarsinnaapput, tak. § 19, imm. 2.

Allannguutit tulliuttut innersuussutigineqarput:

§ 13, nr. 4, 5, 19, 20, 23-25 aamma 27,

10. Malittarisassanut ilitsersuutinullu tunngatillugu siulersuisut pisinnaatitaaffinik erseqqissaaneq

§ 345, imm. 7 nr. 7 allanngortinneqarpoq, taamaalilluni malittarisassat ilitsersuutillu Finanstilsynip siulersuisuisa aalajangigassaat, tassaasut malittarisassat Finanstilsynip atuutilersissinnaasaatut pisinnaatitaaffigisai.

Tassunga tapiliullugu § 345, imm. 14 annertusineqarpoq, taamaalilluni siulersuisut siunissami malittarisassanik ilitsersuutinillu § 345, imm. 7, nr. 7 malillugu akuerisinnaasatut pisinnaatitaaffimminik Finanstilsynip pisortaanerannut pisinnaatitsisinnaanngorlugu. Allannguut assersuutigalugu atorunnaarsitsinermik nalunaarutinik atulersitsinermillu nalunaarutinik Finanstilsynip pisortaaneramik ingerlatsitseqqinermut atorneqassasoq naatsorsuutigineqar-

poq. Taamattaq ingerlatsitseqqissinnaanermut pisinnaatitaaffiup nalunaarutitut ilitsersuutinullu allanngortinneqartunut imaluunniit allannerliornikkut naqinnerliuinikkulluunniit nutaanik atulersinneqartunut atorneqassasoq naatsorsuutigineqarpoq. Tamanna aamma allannguutitut taamaallaat inatsisit nutaat malitsigisaanik kinguneqaatit malillugit naqqinneqartunut, allaffissornikkullu malittarisassanik allannguutit periutsit assigiinngitsut periuseqarfigineqarsinnaasut akornanni toqqaasuunngitsunik. Tamanna assersuutigalugu tassaa-sinnaavoq aalajangersakkanik innersuussinerit assigisaalluunniit. Taamaallil-luni malittarisassanik ilitsersuutinullu akuersisinnaanermut pisinnaatitsissut suliap ingerlanneqarneranut tunngavoq, tigussaasunillu allannguiffiunngitsut taamaallaat pineqarput.

Allannguutit tulliuttut innersuussutigineqarput:

§ 13, nr. 21 aamma 22

11. Suliffeqarfinnut aningaasalersuisarnikkut siunnersuineramik illuutinillu taarsigassarsianik akunnermiliunnermik ingerlatsinissamut akuersissutillit marloriaammik akitsuummik akiliisinneqartarnerannik atorunnaarsitsineq

Suliffeqarfinnut illuutinik taarsigassarsianik akunnermiliunnermik ingerlatsisunut, suliffeqarfiup aamma aningaasalersuisarnermik siunnersuineramik ingerlatsiviunissamut akuersissutaatilinnut kiisalu tassunga akitsuummik akiliisartunut akitsuummik allannguisoqarpoq.

§ 361, imm. 5, nr 1, ilaatitsinnginnermik aalajangersagaq, suliffeqarfiit aningaasalersuisarnermik siunnersuineramik ingerlatsinissamut akuersissuteqareersut, illuutinik taarsigassarsianik akunnermiliunnermik ingerlatsinermut akitsuummik, taamaallilutik § 361, imm. 5, nr. 2 naapertorlugu akitsuutikkut akilertagaannik akiliisannginnissaat ilanngunneqarpoq.

Allannguutit tulliuttut innersuussutigineqarput:

§ 13, nr. 24

12. Pilersaarutitut saqqummiussat pillugit peqqussutip allannguutaasa malitsigsaat

§ 361-mik allannguinneq, pilersaarutitut saqqummiussat pillugit peqqussuttip malitsigisaa, pilersaarutitut saqqummiussat pillugit peqqussut Kalaallit Nunaannut atortussanngortinneqassappat, nalunaarutikkut atuutilertinneqarsinnaavoq.

Allannguutit tulliuttut innersuussutigineqarput:

§ 13, nr. 23

§ 14

Peqqussutsikkut inatsit nr. 552, 7. maj 2019-mersumi § 1 Kalaallit Nunaannut atortussangortinneqarpoq. Tulliuttuni aningaasalersuisarnermik ingerlatsineq pillugu inatsimmi allannguutit pingaarnert Kalaallillu Nunaannut naleqqussaannerit pingaarnert eqikkarneqarput.

1. **Inunnik piukkunnartuunermik tutsuiginartuunermillu pi- umasaqaatinik naammassinnittussanut ilaasunik amerlisaaneq**

Aningaaseriviit tamarmik suliffeqarfimminnik aqutsinermut atatillugu, suliffeqarfimmi inunnik pingaarutilinnik kinaassusiliisussaapput. Inuit pingaarutilinnik sulisutut ulluinnarni aqutsinerpiamut ilaasutut, sulisutullu sulisunik pingaarutilinnik akisussaasutut nassuiarneqarput. Aningaaseriviit Finanstilsynimut inunnik pingaarutilinnik nalunaarutiginnittussaapput.

Aningaaserivinni inuit pingaarutilinnik aningaasalersuisarnermik ingerlatsineq pillugu inatsimmi piukkunnartuunissamut tutsuiginassuseqarnissamullu pi-umasaqaatinut, ullumikkut aningaasalersuisarnermik ingerlatsivinni siulersuisunut pisortaqatigiinnullu kiisalu SIFINI G-SIFI-niluunniit inunnut pingaarutilinnut ilaatinneqarput. Finanstilsyni inummik pingaarutilimmik, pineqartup piukkunnartuunissamut tutsuiginartuunissamullu pi-umasaqaatinut naammassinnikkunnaartumik atuukkunnaartitsinissamik peqqusisinnaavoq. Aningaaserivinni inunnut pingaarutilinnut piukkunnartuunissamik tutsuiginartuunissamullu pi-umasaqaatit taamaallaat peqqussutip atuutilernerani ator-neqarsinnaapput.

Erhvervsministeri aningaaserivinnut, SIFI-nut G-SIFI-nullu piginnaasaqarnissamik misilittagaqarnissamillu pi-umasaqaatinik kiisalu inunnut pingaarutilinnut pisortanullu akisussaaffeqartunut nalunaarutikkut malittarisassiorsinnaanermik pisinnaatinneqassaaq.

Allannguutit tulliuttut innersuussutigineqarput:

§ 14, nr. 1, 9, 10, 12, 19, 30-32, 34, 36-42 aamma 49-52

2. **Aningaaserivinni suliffeqarfimmi kulturimik peqqinnartumik qulakkeerinnillunilu siuarsaasumik allaganngorlugu poli- tikeqarnissamik pi-umasaqaat**

Aningaaseriviit suliffeqarfimmi peqqinnartumik kultureqarnissamik qulakkeerisumik siuarsaasumillu allassimasumik politikeqassapput.

Politikimik aalajangersaanissamik siulersuisut akisussaassapput. Siulersuisunut siulittaasup aningaaserivimmi qullersatut aqutsisutut nassuiaammini politikip ingerlanneqarnera malinneqarneralu nassuiaasiussavai. Pisortaq politikip piviusunngortinneqarlunilu aningaaserivimmi malinneqarnissaanut akisussaassaaq, pisortallu politikimik piviusunngortitsinnginnermi malininnginnermilu atuukkunnaartinneqarsinnaavoq. Erhvervsministeri politikimut taassumalu malinneqarnissaanut malittarisassanik erseqqinnerusunik aalajangersaasinnaanermut pisinnaatinneqarpoq.

Aningaaserivik allaganngukkamik politikimik, suliffeqarfimmi kulturimik peqqinnartumik qulakkeerinnillunilu siuarsaasumik peqartinnagu, suliffeqarfik akiliisitsinikkut pineqaatissinneqarsinnaassaaq. Tamatuma saniatigut siulersuisut politikimik aalajangersaanngippata, suliffeqarfik aamma akiliisitsinikkut pineqaatissinneqarsinnaavoq.

Allannguutit tulluuttut innersuussutigineqarput:

§ 14, nr. 11, 35 aamma 50

3. Whistleblowerit (oqaatilliisartut) illersorneqarnerat pillugu malittarisassanik nukittorsaaneq

Suliffeqarfiit aningaasalersuisarnermi maleruagassanut ilaatinneqartut, suliffeqarfiit qanoq ilillutik whistleblowerimik aaqqissuussineranut nalunaarutininik suliffeqarfiit qanoq malitseqartitsinerannik uppersaasiortassapput. Tamanna assersuutigalugu Finanstilsynip nakkutilliineranut atatillugu Finanstilsynip qinnuiginninneratigut pisinnaavoq.

Siusinnerusukkut sulisuusimasut, sulisuusullu siusinnerusukkut sulisuusimasut suliffeqarfiup suliffeqarfiit aningaasalersuisarnermi maleruagassaannik unioqqutitsisimanerannik unioqqutitsisimasinnaanerannilluunniit Finanstilsynimut suliffeqarfimmiluunniit aaqqissuussamut nalunaarutiginnissimanerisa kingunerannik pitsaanngitsumik iliiuseqarfigineqarnatillu pitsaanngitsumik malitseqartitsivigineqassanngillat. Sulisuusimasut pisinnaatitaaffimmikkut innarliivigineqartut ajunngitsorsitinneqarsinnaapput. Sulisoq sulisuusimasorluunniit whistleblowerimik aaqqissuussinermut nalunaaruteqarnermi malitsigisaanik akiniaaffigineqarsimasutut il.il. isumaqartoq, pitsaanngitsumik pineqarnissamik, pitsaanngitsumilluunniit kinguneqartitsinerannik inerteqqummik unioqqutitsinerannik politiiunut unnerluutiginninnissamut periarfissaqassaaq.

Sulisut suliffeqarfimmik nalunaarutiginnissimasut illersorneqarnerat ersarisarneqassaaq, taamaalilluni suliffeqarfik sulisuminut sulisorisimasaminnulluunniit aningaasarsianik nikerartuninik aalajangersaanermini, tunniussinermini akiliinermilunniit, sulisup sulisuusimasulluunniit aningaasalersuisarnermi malittarisassanik unioqqutitsinerannik unioqqutitsisimanermilluunniit Finanstilsynimut suliffeqarfimmiluunniit qullersanut nalunaarutiginnissimanera,

killiliisussaangilaq. Tamanna suliffeqarfiup sulisuinut sulisorisimasaanu-lluunniit iluaqtsiinngitsumik isumaqatigiissusiorfigineqarsinnaangilaq.

Allannguutit tulliuttut innersuussutigineqarput:

§ 14, nr. 13-18 aamma 50

4. Taarsigassarsianik aningaasalersukkamik nammineq aktiaatinik pisinissamik inerteqqutip annertusineqarnera

Aningaaseriviit nammineq aktiaatiminnik pisinerminni taarsigassarsianik aningaasalersuisinnaanerannut inerteqqut aamma realkreditimik ingerlatsivinnut aningaasalersuisarnermiluunniit suliffeqarfinnik piginnittunik suliffeqarfissu-artoortumilluunniit ingerlatseqatigiiffinni imminut atasunut aamma atuu-tissaaq.

Taamatut allannguinerup aningaaseriviit realkreditimilluunniit ingerlatsiviit imaluunniit suliffeqarfissuartoortumilluunniit ingerlatseqatigiiffinni imminut atasut sullitat ingerlatsivimmi suliffeqarfimmiluunniit aktianik pisinerannik taarsigassarsillutik aningaasalersuillutilluunniit suliffeqarfiit aningaaserivimmi realkreditimilluunniit ingerlatsivimmi suliffeqarfissuartoortumilluunniit ingerlatseqatigiiffinni imminut atasuniluunniit aktianik pisinissamut taarsigas-sarsititsisinnaangillat.

Allannguutit tulliuttut innersuussutigineqarput:

§ 14, nr. 1 aamma 8

5. Paasissutissanik isertuussassanik Datatilsybimut ingerlatitseqqinneq

Finanstilsyni paasissutissanik isertuunneqartussanik Datatilsynimut, atuumassuteqanngitsutut, paasissutissanik Datatilsynip isumagisassaminik isumaginninnissamik pisariaqartitsinera tunngavissaatillugu, ingerlatitseqqii-nissamik periarfissinneqarpoq.

Ullumikkut Finanstilsynip paasissutissanik isertuunneqartussanik oqartussan-ut il.il. allanut ingerlatitseqqiisarnerani atuuttutut, paasissutissanik isertuus-sineq attanneqassaaq. Paasissutissani Finanstilsynip Datatilsynimut ingerla-teqqitaani, Datatilsyni annertusisamik nipangiussisussaataitanermik malittari-sassanut Finanstilsynimut taassumalu sulisuinut § 354 imm. 8 naapertorlugu § 354, imm. 1 atuutsinneqartunut ilaatinneqassaaq.

Allannguutit tulliuttut innersuussutigineqarput:

§ 14, nr. 44

**6. Aningaaserivimmik pappiaqqanilluunniit nalilinnik niuerner-
mik ingerlatsivik I ajornartorsiortup ajornartorsiornissamilluun-
niit ilimagineqartup nassuiaata**

Finanstilsynip aningaaserivik pappiaqqanilluunniit nalilinnik niuerner-
mik ingerlatsivik I, suliffeqarfiup § 350, imm. 1 kiisalu § 350, imm. 2 naapertorlugu
peqqusummik naamassinnissimangitsup akuersissutaa ajornartors-
iortutut ajornartorsiornissamilluunniit ilimagineqartutut isigisinnaavaa.

Allannguutit tulliuttut innersuussutigineqarput:

§ 14, nr. 26

**7. Finanstilsynip suliffeqarfiit nunani allaneersut immikkoortuinut
malittarisassiorsinnaanermut piginnaatitaaffia**

Finanstilsyni suliffeqarfiit, suliffeqarfinit nunanit allaneersunit pigineqartut ilu-
silersorneqarnerannut malittarisassiornissamut pisinnaatinneqarpoq, tassani
aningaasaateqarnissamik piumasaqaatit il.il. ilanngullugit.

Finanstilsyni suliffeqarfiit nunanit allaneersut immikkoortuinut, malittarisassat
qallunaat aningaasalersuisarnermik ingerlatsiviinut suliffeqarfinnullu peqqu-
sutit toqqaannartumik attuuttut naapertorlugit EU-mi ingerlatsisinnaanermik
akuersissutillit immikkoortuinut atuuttut assinginiq malittarisassiorsinnaanera
allannguutikkut qularnaarneqarpoq. Pisinnaatitsissut naapertorlugu malittari-
sassat Finanstilsynip aalajangersagai, taamaammat aallaavittut aningaasa-
lersuisarnermik ingerlatsiviit Danmarkimi atuunneranni pisussaaffinit anner-
tunerusinnaanngillat.

Finanstilsynimut pisinnaatitsissut annertusineqarpoq, taamaalilluni siunis-
sami suliffeqarfiit nunani allaneersut immikkoortui aalajangersimasumik an-
nertussuseqartut sullissinermikkul suliffeqarfimmik pigisartik aqqutigalugu in-
gerlatissagaat piumasaqaataasinnaalerluni. Pisinnaatitsissut taanna atorlugu
Finanstilsyni immikkoortut taakku angissusaannik killiliisumik malittarisassior-
sinnaalissaaq.

Allannguutit tulliuttut innersuussutigineqarput:

§ 14, nr. 2 aamma 3

8. Akitsuutininik akileeqqusineq

Ukiumoortumik nalilersuinernik aqutsisuusunut aammalu konto-t pillugit paa-
sissutissiinermik sullissisartunut ukiumoortumik akitsuusiisoqartarpoq.

Maleruagassat ilisimatitsissuteqarnikkut atuuttussanngortinneqassapput, tak. § 20, imm. 2, pineqartoq Europami Parlamentimiit aammalu Siunnersuisoqatigiit peqqussutaat 2016/1011 ulloq 8. juni 2016-imeersoq naapertorlugu, aningaasalerinermi nalilersuutitut aningaasaqarnikkullu isumaqatigiissutit imaluunniit aningaasaateqarfiit aningaasaqarnikkut angusaanut akiliinissamillu inatsisiliaasoq Kalaallit Nunaannut atuuttussanngortinneqassagaluarpas.

Innersuussutigineqarput allannguutit uku:

§ 14, nr. 47 aamma 48

9. Sillimasiisarfiiit sullissaannut aammalu akiliisinnaajunnaarnermi isumannaaruserneqarsimasunut atuutilersitsineq

Piumasaqaat, ajutooruteqarnerni sillimasiisarfiiit pigisanik peqarlutillu nalunaarsuiffeqartitsissasut, naliliissutigalugit qaqugukkulluunniit ingerlatsivimmi pisut angeqataanik illikartitsisimanissaq, atorunnaarsinneqarpoq.

Allannguutit makku innersuussutigineqarput:

§ 14, nr. 22-25 aamma 27

Sillimasiisarfikkut sillimasiisimasut isumannaallisaafigineqarsimasullu imatut salliusussanngortinneqassapput, tassani sillimasiisarfimmi pigineqartut siumoortumik sillimasiisimasunut aammalu alkiliisinnaajunnaartoqassappat sillimaserneqarsimasut matussusiiffigineqarnissaannut.

Allanngutit makku innersuussutigineqarput:

§ 14, nr. 28

10. Immikkut sillimasiinermut tunngasutigut ilinniarsimasup uki-umoortumik Finanstilsynimut nalunaaruteqartussaataitaa-neranik atorunnaarsitsineq

Atorunnaarsitsisoqassappat piumasarisaavoq, akiliisinnaassutsip peqqusutitaanik II-mik Kalaallit Nunaannut atuuttussaataitsisoqarneq. Taamaangilarli. Taamaattumillu pineqartoq atuutsinneqassanngilaq.

Makkulu tamatumani innersuussutigineqarput:

§ 14, nr. 20 aamma 21

11. **Aningaasaateqarfinnik isumaqatigiissitsiniartartut piginneqa-ta-assutsitigut ingerlatsiviliorsinnaanerataaani ingerlatsivi-lior-sinnaaneq, ataatsimik allanillu attuumassuteqarsori-nanngissinnaasunik sullississuteqartunik**

§ 27-imi nutaamik imm. 2-mik ikkussisoqassaaq, aaliangiisumik, Finanstilsyni (aningaasanik aallaveqartumik suliaqartunik nakkutilliisoqarfik) apeqquataatinagu § 27. imm.-ikkoortoq 1-imi qanoq allassimasoqartoq, aningaaserinermik suliffeqarfik inatsisitigut akuersissuteqarfigissallugu, aningaasaateqarfinnik isumaqatigiissitsiniartarfik ingerlatsiviup ataani allamik ingerlasivimmik pilersitsinissaq, taamaallaat ataatsimik allanillu attuumassuteqarsorinanngitsunik sullississuteqartumik, ilanngussaq 4-mi allatorneqarsimasut tunngavigalugit. Finanstilsyniilli akuersaarumanngilaa akuersissalluni tunngavissalimmik akunnattuunganartoqartikkuniuk aqutsi-nikkut aningaasaqarnikkullu tunngaveqarnerup illersorneqarsinnaasumik piumasarisaasoq isumannaarsinnaajunnaarsimagaa.

Tamatuma malitsigisaanik, ingerlatsiviup atimini allamik aamma aningaasaateqarfinnik § 27 imm. 1 naapertorlugu isumaqatigiissitsiniarnermik ingerlataqartussamik pilersitsisinnaanera, Finanstilsynimit akuerineqarsin-naammat atimi ingerlatsiviusoq aqqutigalugu allanik allaanerusunik sullississuteqassalluni, ilanngussaq 4 imm. B-mi allatorneqarsimasut tunngavigalugit. Ingerlatsiviup ataani ingerlatsiviit, taamatulli inissisimasut, aningaasaateqarfinnik isumaqatigiissuteqartitsiniartuusinnaanngillat.

Aamma § 27-imi ilanngussisoqassaaq nutaamik taasamik imm. 3. Tassani allassimassaaq, aningaasaateqarfinnik isumaqatigiissitsiniarsinnaasut, atiminni ingerlatsivinnik pilersitsinissamut akuerisaasut, tak. imm. 2 nutaaq aammalu artikel 97, imm. 1 CRR-imi allanneqarsimasoq, aningaasartuutit aaliangersimasut piumasarineqartuni taaneqartunut atatillugu ilanngutissa-gaat.

Allanguutit makku innersuussutigineqarput:

§ 14, nr. 7

12. **Piginneqataassutsinik aningaasanngortitsisinnaanermut atillugu suliffeqarfinnut/ingerlatsivinnut inatsimmi allassimasut ilaannik atuuttussaatisinnginneq**

Aaliangersakkamik nutaamik ivertitsisoqassaaq, taamatullu ilineratigut suliffeqarfinnut/ingerlatsivinnut inatsimmi § 100 aningaaserivinnut aningaa-saa-teqarfinnullu isumaqatigiissitsiniartartunut atorneqarsinnaassalluni, taamaallaat ilanngunnagit aningaasaateqarfinnik isumaqatigiissitsiniartarfiit taamaallaat ilanngussaq 4. imm. A nr. 1 aamma 5 naapertorlugit ingerlatsinissamik akuerineqarsimasut, sullissallu nalilittut pigisaannik tiggummisaqartuunngitsut, taamallu tassa sullissaminnut akiitsoqalersin-naasut, ilanngunnagit.

Tamatuma malitsigisaanik, aningaaserivinni piginneqatigiissutsinik peqartut aammalu aningaasaateqarfinnik isumaqatigissiitsiniartarfittut suliffeqarfiusut ilaat, Suliffeqarfinnut inatsit § 100 naapertorlugu piumasaqarsinnaati-taann-gitsut, suliffeqarfiup piginneqataassutitut pigisaminik tunisinikkut anin-gaasangortitseqqusisinnaanissamut.

Innersuussutigineqarput allannguut imaattoq:

§ 14, nr. 5

13. Finanstilsynip atuisartunut malittarisassianik nakkutilliinermi-nut atatillugu nipangiussisussaaffiisa iluini atuuttussaajun-naarsitsineq

§ 354, imm. 3, allangortinneqarpoq, taamatut iliornikkut aaliangersagaasoq siunissami atuisartut torersumik ingerlatsinissamut malittarisassaannut in-nersuussinngortillugu ilanngullugit akinut paasissutissiisutit aammalu isu-maqatigiissutaasunut tunngasut malillugu kapitalit 6-iat pillugu aningaaseri-nermik ingerlatsisut aammalu ilisimatitsissutit pineqartumut atatillugit al-lanneqarnikuusut.

§ 354 b, imm. 1, allangortinneqarpoq, taamatut iliornikkut aaliangersagaq pineqartoq atorneqartussanngorlugu atuutsitsivigineqartunulli ilanngunnagu Finanstilsynip annertusisamik nipangiussisussaataitanera § 354, imm. 3-mi takuneqarsinnaasoq.

Allannguutit ilaatigut pisortanut isumannaarutaassapput aamma atuisartunut atatillugu sammiviit iluini maleruagassat ammasuutilernissaat eqqarsaati-galugit

Allannguutit makku innersuussutigineqarput:

§ 14, nr. 43 aamma 46

14. IT-kkoortumik ataatsimoorluni paasissutissanik peqarnermut ata-tillugu nakkutiginninnerit qulakkeerinnissutaasullu isuman-naatsuunissaat pillugit maleruagassanik erseqqissaaneq

§ 343 r-imi nutaamik ilanngussisoqassaaq, tassani aalajangerneqarluni an-ingaasanik aallaaveqartumik ingerlatsivinni it-qarnerup iluani tutsuiginartumik nakkutiginninnissap isumannaallisarnissaa qulakkeerinninnissallu aamma in-unnut ataasiakkaanut paasissutissanik qitiusumik peqarnermi aamma pineqartut atuunnissaat.

Allannguut erseqqissaataavoq taassumalu qularnaatsumik isumannaassa-vaa, qanoq annertutigisumik it-qarnermut atatillugu ataatsimoorluni inunnut

ataasiakkanut tunngasunik toqqortaqaarnermi toqqissisimanartumik nakkutigininnermik isumannaallisaanermillu maleruagassiaasut atorneqarnissaat.

Innersuussutigineqarporlu allannguut una:

§ 14, nr. 33

15. Ajoquserinnissamut sillimmasiisarfinnut, sillimmasiisarfittut ingerlatseqatigiiffittut akuersissutaateqarnissaq pillugu pi-umasaqaammut Garantifonden-ip ilaatinneqannginnera

Sillimmasiisarfittut ingerlatseqatigiiffittut akuersissutaateqartariaqanngitsut suliffeqarfiit allattorsimaffiannut Garantifonden-i ilanngunneqarpoq.

Ajotooruteqarnissamut sillimmasiisarfik, taaneqartutut assigiinngitsunik sillimasiiffiqineqarsimasoq akiliisinnaajunnaarpat, taava qularnaveeqqusii-sarfik (Garantifond) sillimmasiinerit atuukkunnarnissaasa tungaanut aqutsi-nerit tigussavai. Tamanna isumaqarpoq, taaneqartup sillimmasiineri § 11, imm. 1 naapertorlugu akuerineqartussamik akiliutaasinnaasunngortussat akisussaaffigalugit tigussagai.

Ullumikkut Garantifondi sillimmasiisarfittut akuerineqartussatut inatsisiti-goor-tumik Finanstilsynimit nakkutigineqartooreerpoq.

Innersuussutigineqarpoq allannguut una:

§ 14, nr. 4

§ 15

Atuuttussanngortitsineri inatsit nr. 553 7. maj 2019-meersumi § 2-mi tunngavigineqarpoq, taannalu Kalaallit Nunaannut atuuttussanngortinneqarpoq. Ataani eqikkarneqarput aningaaserineri suliffeqarfiusut inatsisit malitassaat pingaarnert, ilanngullugit Kalaallit Nunaannut atatillugu naleqqussaataasut pingaarnert.

1. Akitsuut pillugu aaliangersagaq

Akitsuut pillugu aaliangersakkami § 361, imatut allannguuteqassaaq, tassa neqerooruteqartoq aningaasaanngitsut tigussaasut aningaasatulli naleqartinneqartut akileeriaatsillu qitiusumik aningaaserivimmiit akuersaarneqartut aammalu tigussaasuunngitsunik aningaasalerisut aningaasalerineri neqerooruteqartut inatsisip § 361, stk. 6, nr. 1-iani malittarinnissasut aamma ilanngunneqassasut taamaattumillu ukiumut tunngaviusumik Finanstilsynimut 4.400 kr.-inik akiliuteqartalissasut.

§ 16

Atuuttussanngortitsinerup inatsit § 1 nr. 554 af 7. maj 2019 Kalaallit Nunaanut atuuttussanngortippaa. Ataanilu eqikkarneqarput aningaaserinermik suliffeqarfinnut inatsimmi allannguutit pingaarnert, ilanngullugit Kalaallit Nunaanut naleqqussaataasut pingaarnert.

2. **Piginnittuiusunut malittarisassat**

Atuuttunngortitakkut pisussaaffinngortinneqarpoq paasissutissiisarnissamik piumasaqaat aamma pisussaaffinngortinneqarlutik misissuisarnissat piginnittuiusunillu nalunaarutiginnittarnissat.

Malittarisassat atuuttussanngortinneqarput sillimmasiisarfeqatigiisunut soraarnerussutisiassanillu ilioqqaavinnut.

Allannguutillu makku innersuussutigineqarput:

§ 16, nr. 2-4 og 11

Aamma sipaakkanik toqqorterivinnut maleruagassat atuuttussanngortinneqarput.

Allannguutit makku innersuussutigineqarput:

§ 16, nr. 5-8

Malittarisassat sparekassenut andelsbankenullu atuutsinneqalinngillat.

Allannguutit makku innersuussutigineqarput:

§ 16, nr. 9-11

Ataani malittarisassat sukumiinerusumik nassuiaatigineqarput.

2.1. Piginnittut suliffeqarfiillu paasissutissiisarnissamik pisussaaffiligaanerit

Piumasarineqarpoq suliffeqarfinnik piginnittut, piginnittuunermut tunngasunik aallerlutillu nalunaarsussatitaasut, pisussaaffilerneqassasut suliffeqarfisik ersersissallugu kikkunnit pigineqartoq allatullu aamma piginnittuunermut tunngasunik paasissutissiisuteqassallutik. Taamatut iliornikkut suliffeqarfiup nalilersinnaalissavaa, kikkut piginnittuiusuunersut. Aningaasaateqarfiit il.il nalinginnaasumik isigigaanni piginnittuunngitsut pineqartillugit piginnittuiusut pisussaaffiligaapput.

Aaliangiineq pisussaaffiliivoq eqqortunik attuumassuteqarlunik piginnittuuneq pillugu paasissutissiinissamut, suliffeqarfik piginnittuiusut pillugit paasiniaapat. Kisianni tamanna atuutinngilaq piginnittut nalunaarutiginninnissamut pisussaaffilerneqartillugit, soorlu eqqarsaatigalugit inatsisit tunngavigalugit aningaasaateqarfiusutut ingerlatsiviusut, piginneqatigiiffimmut aningaasat anertuut pillugit ingerlatsivimmut nalunaaruteqartussaasut.

Taaneqartut saniasugut suliffeqarfinnut pineqartunut pisussaaffiliisoqarpoq, inuttaligaasumik suliffeqarfiit pillugit paasissutissiinissamut, tunngavigalugu anngiortumik aningaasanik aqutsinnginnissamut inatsisit tunngavigalugit atu-isut pillugit ilisimaarinninnissamut isumaginnittussanut. Suliffeqarfinnut taaneqartutut ittunut piginnittuiusut pillugit paasissutissiinissap saniatigut aamma piginnittuiunermut atatillugu piginnittuunerit qanoq illutillu ilusiligaanerannik nalunaarutiginnittuussaanagerat piuvoq

2.2. Oqartussaassusillit il.il periarfissaat piginnittuussutsinut tunngasunik ingerlatitseqqissinnaanissamut

Inatsisitigut akuersissutigineqarpoq oqartussaassuseqartuusut aammalu SØIK piginnittuiusut pillugit suliffeqarfiit, aqutigalugit, aningaasaateqarfik imal. piginnittuusut pillugit Erhvervsregister-imit nalunaarsugaasimasut, imminneq pissarsiarisimasaminnik paassissutissiissutinik EU-mi naalagaaf-finnut ilaasortaasunut allanut FIU-nut, aningaasalerinermillu paasiniaalluni qulaajaanermik sullissisuusunut, ingerlatitseqqissinnaanissaq (Financial Intelligence Units - FIU). Piginnaatitsissummi pineqarput paasissutissat, suliffeqarfiup, aningaasaateqarfiup imal. peqatigiiffiup toqqortarissallugit pisussaaffeqarfigisai qaqugukkut uppernarsaasersinnaasai, aammalu pineqarlutik paasissutissat, Erhvervsstyrelsenip IT-qarnikkut nalunaarsorsimasai.

2.3. Suliffeqarfiit misissuiniussamik pisussaaffii

Erseqqissarneqarpoq, suliffeqarfiit pineqartut minnerpaamik ukiumut ataasarlutik piginnittuussutsit pillugit nalunaarsugaatigisat ukiumoortumik eqqortuullutillu nutarterneqarsimanissaat isumannaassagaat.

Pisussaaffiliissutaavorlu ukiumoortumik misissukkat ukiumoortumik ataatsimiinnermi qaqinneqarlutitullu saqqummiunneqartarnissaat, tassani piginneqatigiiffiup imal. inatsisit tunngavigavigalugit allatut ingerlatsisuusup ukiumut nalunaarutaani imal. allatut saqqummiussaani aqutsinermi inissisima-suusumit akuerineqartussanngorlugit.

2.4. Piginnittuiusut pillugit paasissutissiissutit nalunaarutigineqartut assigiinngissuteqartut

Inuit suliffeqarfiillu anngiortumik ingerlatsinermut inatsimmi ilaatinneqartut aammalu oqartussaassuseqartitaasut, piginnittut pillugit nikingasoqarpat, ilisimasatik nalunaarutigissavaat, assigiinngissutaasullu Erhvervsstyrelsemut

nalunaarutigineqassapput, tassanngalu isumannaarneqassaaq, nalunaarutigineqartut ingerlateqqinneqarlutik agguanneqarnissaat oqartussaaffinnut nakkutiginninnissamut nakkutilliinissamullu suliffeqarfik pineqartoq pillugu oqartussaasunut.

Assigiinngissutaasunik nalunaaruteqarnermut atatillugu suliffeqarfik nalunaarutigineqartoq tungiminit nassuaateqartinneqassaaq. Tusarniaaneq aqputigalugu isumannaarumaneqarpoq piginneqatigiiffiup imal. inatsisit tunngavigalugit ilusiligaasumik ingerlanneqartup paasissutissiissutaasa Erhvervstyrelsemip nalunaarsugaani eqqortumik takuneqarsinnaanissaat.

Piginnaatitsissummik tunniussisoqassaaq, tassani piginnaassusilerlugu Erhvervstyrelsi immineq imal. oqartussaasoq alla nalunaarutaasumik isumaginnittoq, qitiusumik suliffeqarfiit nalunaarsorneqarfiannut (Det Centrale Virksomhedsregister), piginnittuisut pillugit paasissutissiissutaasumik avammut taa-neqartutut nalunaaruteqarneq taamaallaat pissaaq piginnittuisut pillugit paasissutissiissutaasut assigiinngissuteqarsimappata. Nalunaarummik tamanut ammasumik saqqummiussineq taamaallaat pissaaq tamanna siu-nertaqartutut naapertuuttutullu isigineqarpat.

§ 17

Atuuttussangortitsinerup §1 inatsit nr. 1374 13. december 2019-immeersoq Kalaallit Nunaannut atuuttussangortippaa. Ataani atuarneqarsinnaapput aningaaserinermik suliffeqarfiit pillugit inatsisip allannguutai pingaarnerit aammalu Kalaallit Nunaannut naleqqussaataasut pingaarnerit.

3. Anungaaserinermik suliffeqarfiit soqutigisatigut aporaaffeqartut

Uunga inassuteqaataasut § 99, stk. 2, til § 80, stk. 1 aamma 2, peerneqarput.

Allannguutip ersersilluarppaa, aaliangersakkamik inerteqqusiineq allanngortin-neqarsinnaanngitsumik tamakkiisuusoq. Allannguinerup kingorna aningaasa-nik aqutisivittut suliaqartuni siulersuisut imal. pisortaasoq suli akuersis-suteqarsinnaassanngillat, pisortaq imal. sulisut qaffasinnerusutut inissisima-sut aningaasanik erniortitsiniarluni ingerlatsiviusumi siulersuisunut ilaasortaa-sinnaassasut imal. aningaasanik uninngatitsivinni allaniluunniit, taa-neqartutut ittutut aqunneqartuni, pingaaruteqartunik isumaqati-giissuteqarsi-masuni imal. ingerlatsivinni arlaatigut suliffeqarfissuarnut attuumas-suteqartuusuni.

Naliliineq sulisoq qaffasinnerusumik inissisimasuunersoq taamallu § 99, imm. 2-mut atatillugu inerteqqutaasumut ilaatinneqartuunersoq pisumiit pisumut naliliiffigineqartassaaq.

Allannguummut atatillugu innersuussutugineqarpoq:

§ 17, nr. 4

4. Peqatigiiffiit arlaatigut ningaasanik aqutsinermik aallaveqartut aammalu nunani allani aningaasaliissutinik aqutsinertut ittunik immikkoortortaqarfiit akiligasuagassanik taarsigassarsisinnanerininut tunngasut

§ 162 a Nutaamik allanneqassaaq.

Allaqqiinermi § 162 a, nr. 2 ataasiinnarmik tigussaasumik allannguute-qassaaq, tamatumalu kingorna aningaasalerinermik aallaveqartumik peqatigiiffiit nunanilu allani aningaasanik inissititerinermik ingerlatsisut immikkoortortaqarfii allatuulli akiligasuagassanik taarsigassarsisinnaa-titaalisapput, soorlu Qallunaat Nunaanni UCITS Aningaasanik inissititerinermik peqatigiiffittut sulisutullu il.il i § 68, imm. 2, nr. 1 naapertorlugu pineqartut ittunik taarsigassarsisinnaatitaasoq.

§ 157 a, nr. 2-mi allassimassaaq, aningaasanik inissiisutut peqatigiiffik imal. nunani allani taamatut tunngaveqartumik ingerlatsiviusup immikkoortortaqarfia pingajuusoq sinnerlugu qularnaveeqqusii-sinnaanngitsoq imal. taarsigassarsisitsilluni taarsigassarsilluniluunniit.

Kisiannili peqatigiiffik taaneqartutut ittoq imal. nunani allani taaneqartutut inissimasoq akilugasuagassanik taarsigassarsisinnaavoq tigungmisalli 10%-iat qaangerlugu annertussuseqanngitsumik pineqanngippat iluanaaruteqarniarluni inissinniakkanik taarsigassarsineq.

Allannguneq aqutugalugu aningaasanik tunngaveqartumik suliaqarlutik peqatigiiffiit aammalu nunani allani assingusumik aningaasanik erniortitsinierinermik ingerlatsiviit immikkoortortaqarfii aningaasanik taarsigasuagassanik taarsigassarsisinnaatitaalersussaapput tamakkiisumilli tigungmisarisat 10%-ii sinnernagit annertussuseqartunik, taarsigassarsia-riniakkat atorneqassanngippata iluanaarniarluni inissititigassatut (gearing). Kiisalu taaneqartut taarsigassarsisinnanerininut tunngaviit annertusineqas-sapput, taarsigassarsiariniakkat aaliangersimasumik siunertaqartinneqa-runnassammata.

Aningaasaliissuteqartut illersorneqarnissaat eqqarsaatigalugu, akiligasuagassatut taarsigassarsianut piumasaqaataassaaq taaneqartut akili-gasuagassatut taarsigassarsiaminnik iluanaarniarlutik aningaasaliissutitut atuissann-

gitsut. Taamatut piumasaqarnikkut isumannaarneqassaaq ani-ngaasaliisu-usut sullissisorisaasut tungaannit pigisaminnit qaffasinnerusunik toqqaan-nanngikkaluartumik inississuissannginnerat.

Allannguut una innersuussutigineqarpoq:

§ 17, nr. 6

5. Ukiumut nalunaarusiat qarasaasiatigut atsiorderi

Atsiorderit ukiumut nalunaarusiat pisortanit atsiugaasunut atanissaannik pi-umasarineqartoq atorunnaarsinneqarpoq, pineqartillugit ukiumut nalunaa-ru-sianik qarasaasiat atorlugit elektroniskiusumik atsiorderartut.

Piumasarineqassaarli, atsiorderit atiisa ukiumut nalunaarusiami pisortamit up-ppernarsaasiilluni atsiugaasumi aamma allanneqarsimanissaat

Ukiumut nalunaarusiami maleruaqqusat maanna atuuttut naapertorlugit suliarineqarsimasumi, suliffeqarfimmi akisussaasutut inissisimallutik ilaasortanit tamarmiusunit atsiorderassaaq. Atsiorderillu pisortaaup upppernarsaasiilluni atsiorderanant attuumassuteqassapput. Inatsimmi ilaavoq atsiorderit inatsimmi piumasarineqartut peqqussutaatillugit, elektroniskimik atsiorderarsinnaane-rat.

Pisortalli upppernarsaasiilluni atsiorderanant attuumassuteqartumik atsiordernissamik piumasaqaat naammassineqarsinnaanngilaq digitaliusumik atsiordernikkut, peqqutigalugu digitalimik atsiorderit allalluni atsiordernunt sanilliullugit upper-narsaasiaasuni inissiivissanant aaliangersimasunut inissinneqarsinnaannginnerat.

Pisortamit atsiorderimut attuumassuteqartumik atsiorderit tunuliaqutarivaat, qanga upppernarsaasiat tamatigut allatamik atsiorderartarnikuunerat. Digitali-milli atsiorderit upppernarsaasiaasumi aaliangersimasumik inissiivissamut inis-sinneqarsinnaanngillat.

Allanngut una innersuussutigineqarpoq:

§ 17, nr. 10 aamma 18

6. Ukiumut nalunaarusiamik Finanstillsynimut Erhvervsstyrelse-mullu nassiussineq

Aningaaserivinnit, aningaasanik tunngaveqartumik suliffeqarfinnit suliffeqar-finniillu piginneqataassutit atorlugit allanut piginneqataasut (holdingselska-bit), ukiumut nalunaarusiaat aammalu ukiup ingerlanerata ilaanut tunngasu-mik nalunaarusiaasut eqqarsaatigalugit ilanngullugit sillimmasiisarfiit holding-

selskabitut ingerlasut, siunissami digitaliusumik toqqaannartumik Erhvervsstyrelsimut nassiussisinnalissapput isumannaar-niarlugu nassiussaasut Erhvervstyrelsip IT-mik atortui atorlugit avammut saqqummiunneqarsinnaaler-nissaat.

Aqutsinikkut tunngaviusumik suleriusiuvoq innuttaasut suliffeqarfiillu pisortanut saaffiginninnermi imminneq saaffiginnissutiminnik ilusiliisinnaanerak. Taamalli tunngaviusumik suleriusuqarneq avaqqunneqassaaq, tassami suliffeqarfiit taamaallat ukiumut ukiulluunniit ilaanut nalunaarusianik taamaallat digitaliusumik Erhvervsstyrelsimut nassiussisinnaanerisigut.

Allanguutit makku innersuussutigineqarput:

§ 17, nr. 9 aamma 11-13

7. Aningaaseriviit atiminni suliffeqarfitik tamaasa ilanngullugit Finanstillsynimut ukiumut nalunaarusianik nassiussaqaqtar-nissaannik piumasaqaataasumik atorunnaarsitsineq

§ 195, imm. 3, atorunnaarsinneqarpoq, taamallu aningaaseriviit allatullu piginneqataassuteqqarnikkut aningaaserinermik sillimmasiinemillu ingerlataqartut, matumaniit pinngitsooratik Finanstillsynimut atiminni suliffeqarfiutimi ukiumut nalunaarusiaannik nassiussisussaajunnaartitaapput

Qaqutiguinnaq ataani suliffeqarfiutigineqartut nakkutiginnissaannut pisariaqartinneqartarpoq taakkununga atatillugu ukiumut nalunaarusianik takunnissaq, taamaattoqartillugulu Finanstillsynip aningaasanik tunngaveqartumik suliffeqarfinnut atatillugu paasissutissanik piniarsinnaanermik, tamanna pisariaqartinneqarpat /Finanstillsynip sulineranut atatillugu takuuk § 347) piginnaatitaaneranut atatillugu, taamatut pisariaqartitsisoqartillugu imikkut piniartoqarsinnaavoq.

Allanguut tassunga atatillugu imaattoq innersuussutigineqarpoq:

§ 17, nr. 12

8. Atuisartut illusinissamut tamatumunngalu assingusumik taarsigassarsisinnaanerannut neqerooruteqarnermi kisitsisinik pingaaruteqarnerpaamik takunnikkumalluni piomasaqarsinnaanermut inatsisitigut tunuliaqutsigaaneq.

Inuussutissarsiornermut Naalakkersuisoq (Erhvervsministeri) piginnaatitaaffilerneqarpoq suliffeqarfiit, atuisartut illusinissamut tamatumunngalu assingusumik taarsigassarsisinnaanerannut neqerooruteqarnermi kisitsisinik pingaaruteqarnerpaamik takunnikkumalluni piomasaqarsinnaanermut tunngatillugu malittarisassiuussinikkut periarfissiivoq.

Taamatut periarfissalernerqarnermik aaliangersaaneq atorlugu erhvervsministeri periarfissinneqarpoq aningaaseriviit suliffeqarfiit, atuisartut illusinissamut tamatumunngalu assingusumik taarsigassarsisinnaanerannut neqerooruteqarnermi kisitsisinik pingaaruteqarnerpaamik takunnikkumalluni piomasaqarsinnaanermut tunngatillugu malittarisassiuussinissamut.

Kisitsisinik pingaaruteqarnerpaasunik uppersarsaatip, nalinginnaasumik isigalugu, skema ESIS-imik taaneqartartoq ilassusissavaa, illusinermut tunngatillugu taarsigassarsianut sukumiinerusunik paasissutissanik imaqartumik. ESIS skemalu maanna atuutereersutulli tunniunneqarsinnaavoq, atuisoq taarsigassarsinissamut pituttorneqartinnagu imaluunniit neqerooruteqarfigineqartinnagu.

Allannguut una innersuussutigineqarpoq:

§ 17, nr. 3

7. Finanstilsynip suliffeqarfinnut EU/EØS-ip avataani angerlarsimaffeqartunut piginnaatitaaffii

Aaliangersakkamik nutaamik ikkussisoqarpoq, tamatuma kingorna Finanstilsyni inerteqqusiigallarnermik aaliangiisinnaasunngortillugu pappialanik nalilinnik niuertut imaluunniit aningaasaateqarfinnik isumaqatigiissitsiniartartut tuniniaaviusuni ilaasortaallutilluunniit peqataasin-naajunaarsillugit, taamallu pineqartut aningaaserinermut inatsimmi aaliangersakkanik avaqqutaarinnissinnaajunaartillugit. Kiisalu aaliangersak-kani imm. 2-mi piginnaatitsissusiisoqarpoq Finanstilsyni ikkussisinnaler-sillugu inerteqqusiinerugallartunik taamatut iliornikkut pineqartut tuniniaaviusuni ilaasortaallutilluunniit peqataasinnaajunnaartissallugit, taakku peq-qussutit atuutsinneqalereersimasut iluini malittarisassianik unioqutitsip-ppata.

Aaliangersakkamik nutaamik ikkussisoqarpoq, tassani Finanstilsyni periar-fis-sinneqarluni aningaasalersuisarfiit, Kalaallit Nunaanni inissisimasut unis-sas-sallugit, taakku kalaallit qallunaallu aningaasaliissutillit soqutigisa-risaat aammalu taakku torersumik ingerlanissaat innarlerneqarsinnaappata.

Allannguutit makkuusut innersuussutigineqarput:

§ 17, nr. 16 aamma 17

9. Nunami matumani taarsigassarsitsisarfitsigut illusinissamut taarsigassarsinermut atatillugu sioqutsisumik ilisimatitsinisamut maleruaqqusat

§ 48 a § 1-imi, imm. 4, 1. pkt.-imi innersuussissummik ivertitsisoqassaaq tamatumalu kingorna § 48 a aamma nunani allani suliffeqarfinnut Kalaallit Nunaanni immikkoortortaqaqartunut atuuttussaalissaaq.

Inatsimmi allannguuteqartitsinikkut sioqutsisumik ilisimatitsissuteqar-nissamut §§ 53 b-d-imi maleruagassat aamma Kalaallit Nunaanni aningaaseriv-iit immikkoortortaqaqfiinut illuliornissamut taarsigassiisarnernut eqqaanartunik taarsigassarsitsisartunut atuutilissapput, pineqartillugit nunani allani taarsigassarsitsisineramik ingerlatsiviit immikkoortortaqaqfii. Taamatut pi-soqarneratigut Finanstilsynimit aamma nakkutigineqalissapput, immik-koortortaqaqfiit pineqartut sioqutsisumik ilisimatitsissuteqarnissamik malit-tarinninersut.

Allannguut imaattoq innersuussutigineqarpoq:

§ 17, nr. 2

9. Ernialersuineq navialiffiusinnaanngitsumik taasaq, sil-limmasiisarfiit suliffissuaqarfittut akiliisinnaassusiisa annertus-susiat aammalu piginneqatigiiffiup pigisaanik tigusisinnaanermi killeqartitaalersimaneq pillugit malittarisassat

Akiliisinnaassuseq II aammalu peqqussutit atuutilersinneqarnissaannut malit-tarisassat pineqarput.

Taakku Kalaallit Nunaannut atuuttussanngortinneqanngillat.

Allannguutit makku innersuussutigineqarput:

§ 17, nr. 5, 8, 14 aamma 19-21

10. Finanstilsynimut inatsisitigut piginnaatitsissut, nittartakkani atorlugu Finanstilsynip pingaaruteqartunik sullissinermik ingerlatsisutut tikkuakkami aqqi taallugit takussutisiarinnis-sinnaaneranut.

Nutaamik immikkoortumik § 307 a-mik ikkussisoqarpoq, tassani Finanstilsyni pisinnaassusilerneqarluni aningaaserivinnik taarsigassarsisitsisarfinnillu, tuniniaavinnilu ingerlataqartuusut qitiusumillu illuatungiliuttuusut (CCP-t), pingaaruteqartunik sullissisutut toqqarneqartut, aqqi atorlugit nittartakka-migut saqqummiussisinaanissamut.

Taamatut iliornikkut avammut ammasumik saqqummiussineq pisinnaalerpoq, takutillugit kikkut pingaaruteqartunik sullissisutunik ingerlataqartut toqqarneqartut, taamaattumillu pisunik nalunaarutiginnittarnissamut pibus-saaffilerneqartut, pisut pingaaruteqartumik sullissinerup patajaatsuunis-saanut sunniuteqartillugit.

Tamatumali allanngortinngilaa, Finanstilsynip aaliangersimavissunik pisoqartillugu suliffeqarfimmut pineqartumut tusarniaareerluni avammut ilisimatitsisuteqarsinnaanissaa, tamannali aatsaat avataanit ilisimane-qalerpat taamallu aatsaat pisariaqartinneqalerpat pisariaqartumik pitsaaliui-soqarnissaq imal. arlaatigut allatut pisumut iliuseqarnissaq, § 354 h, imm. 1.

Allannguut una innersuussutigineqarpoq:

§ 17, nr. 15

§ 18

Peqqussutip § 2 inatsimmi nr. 1563 27. december 2019-imeersumi ittoq Kalaallit Nunaannut atuuttussanngortippaa. Ataani atuarneqarsinnaapput aningaaseriviit pillugit inatsimmi allannguutit pingaarnerit ilanngullugit Kalaallit Nunaannut atatillugu naleqqussaait pingaarnerit.

11. Annertusisamik paasissutissiisarnissamut naqqiuteqartarnissamullu pisussaaffiit

Aningaaserinermik suliffeqarfiit peqqusaapput sapinngisamik piaarnerpaamik Finanstilsynimut ilisimatitsisuteqartarnissamut, pingaaruteqartunik pisoqartillugu Finanstilsynip suliffeqarfimmi nakkutiillineranut pingaaruteqarsinnaasunik.

Toqqaannartumik aaliangiunneqarpoq, suliffeqarfiit inatsimmit atuutsitsivigineqartut pisussaaffeqqassasut sapinngisamik piaarnerpaamik Finanstilsynimut paasissutissanik naqqiuteqartarnissamut, suliffeqarfik paasisaqartillugu, paasissutissiissutigineqarsimasut eqqortuusimangitsut imal. paatsuunganartoqarsinnaasut, taamallu pisussaaffimmik malinninneq unioqqutinneqarsimasutut nalilerneqarpat kinguneqartinneqarsinnaasumik. Paasissutissanik

naqqiineq atuutissaaq suliffeqarfimmut paasinarsippat, paasissutissiissutaa-simasut eqqortuunngitsut imal. piviusunut sanilliullugit equngaassuteqarsin-naasut.

Suliffeqarfiup, ullumikkutulli, pisussaaffigissavaa paasissutissiissutinik siusin-nerusukkut Finanstilsynimut nassiunneqarsimasunik naqqiinissaq, Taamaal-laalli tamanna inatsisit tunngavigalugit tamanna pisussaaffiussaaq, suliffeqar-fik kingusinnerusukkut paasisaqartillugu, paasissutissiissu-tigisimasat eqqor-tuusimanngitsut imaluunniit paatsuunganartortaqaarsimasut. Nutaamik ik-kussaqaarnermi siunertaanngilaq, naqqiinissamik pisussaaffiup allatut naliler-sorneqaqqinnissaa, ullumi atuuttumut sanilliullugu.

allannguutitut tulluuttunut Innersuussisoqarpoq:

§ 18, nr. 2-4, 16, 17 aamma 23

12. Finanstilsynip paasissutissat nakkutiginninnissallu pitsaasumik ingerlaaseqarnissaannut aqqutissiuussinissaat isumannaarumallugu paasissutissanut pissarsiniarsinnaaneq

Finanstilsynip aningaaseriviit, piginneqataassutsinik akoqartumik aningaa-sanik niuernerme ingerlatsiviit sillimmasiinemillu piginneqataanerit tunnga-vigalugit ingerlatsiviit akuersaarsinnaajumallugit qaammatit arfinillit tikillugit ili-simasalinnik pineqartunik malittarinnitsitsinnaavoq, naliliiguni , pissutsit ta-manna pingaaruteqartumik pisariaqartikkaat Finanstilsynip suliaminik inger-latsisinnanissaa isumannaarumallugu. Taamatullu suleriuseqarneq aamma immikkoortortaqaqarfinnut atuutissaaq.

Taamatut periuseqarneq soorlu assersuutigalugu atorneqarsinnaassaaq, an-gjiortumik aningaasatigut iliuuseqartoqarsinnaaneq pinngitsaaliornia-rumallugu Finanstilsyni tamatumunnga naammanngitsunik iliuuseqar-simap-pat, taamallu naliliippat pisumut atatillugu pisariaqartoq pineqartumik malin-naanissaaq akuersissummi piumasaaqataasut naammassillugit inger-laneri isu-mannaarumallugit. Aningaasanik aallaveqartumik ingerlatsinissamut inatsisit allatigut malinneqarnerannik isumannaarinninniarnermi aamma pisa-ria-qartinneqalersinnaavoq pineqartup ingerlatsineranik immikkut ilisimasa-lim-mik malinnaatitsineq. Tassa imatut pisoqarsinnaavoq Finanstilsynip nak-kutilliinissamut qisuariarnissamut periarfissai atorneqartut, soorlu uparuaa-nissanut akuersinissanullu naammanngissinnaallutillugit imal. Naaper-tuun-natik isumannaarinninniarnermi aningaaserinermik suliaqaarnermi inatsisit, anngiornermut akiuiniarluni inatsisit il.il. naammaginartumik isuman-naarneqarsinnaajunaarnerinik kinguneqarsinnaasumik taamaattu-millu pisa-riqartinneqalersinnaalluni suliffeqarfiup qanimut iluaniillu malittarineqarnis-saa.

Aaliangersakkallu atorsinnaanera piumasaaqatitaqanngilaq, soorlu suliffeqar-fimmik akuersisoqarsimanissamik imal. mianersoqqussuteqarsimanermik.

Tassa naatsorsuutigineqarpoq aaliangersagaq atorneqarumaartoq, Finans-tilsyni nalilersuilluareerluni aaliangiippat, pineqartoq pingaaruteqartunik ima-qartoq, Finanztilsynip sulinissaanut malittarinninnissamik pingaa-rute-qartumik tunngaviliisumik. Taamaattumik pitsaaliuineramik suliaqar-nermini, soorlu aningaasatigut pinerlunniarnerit anngiortumillu ingerlatsi-niarnerit al-latullu tunngaveqartumik unioqquitsineramik imaqartunik pisinnaasut eqqarsaatigalugit, Finansudvalgi siusinnerusukkut aningaasanik tunngaveqartumik sullissiviit pillugit paasisaqarsinnaalersikkumallugu, taamallu pisoqarneratigut malittarisassanik unioqquitsinerusinnaasut navialis-sutaasinnaanerat qulaajarlugu.

Finanstilsyni ilaatigut inunnik immikkut piginnaaneqartunik ingerlatsinerup pitsaassusianik nakkutiginninnermik aammalu paasissutissanik aningaase-rivimmit il.il Finanztilsynimut ingerlateqqillugit tunniussaanic uppernarsaaser-suisinnaasunik misissuisinnaasunillu toqqartuisinnaalersillugu.

Nalilersuinermi isummertoqarpat, sutigut akuersinissamik tunngavissa-qarnerisooq malittarinninnikkut misissortittariaqartoq, taava Finanztilsynimit pi-gaartinneqassaaq sukumiisumik misissuisinnaanerup isumannaarne-qarnis-saa kiisalu aamma eqqarsaatigalugit malittarisassanik unioqquitsi-nikkut suut suliffeqarfimmut navialiffiusinnaasut.

Inuk immikkut piginnaaneqarluni tunuliaqutaqartoq sivisunerpaamik qaam-matini 6-ini sulisussanngorlugu toqqarneqarsinnaavoq. Nalingin-naasumilli misissuisitsinerit sap.ak. 6-iniit 8-nut sivisussuseqarajuttarput. Kisiannili ilaa-tigut qaammatit 6-it tikillugit sivisussuseqarsinnaasarlutik. Taamatut pi-soqarsinnaavoq assersuutigalugu, Finanztilsyni tunngavis-saqarpat paasis-sallugu, annertuunik paasiniaaruminaatsunik suliffeqarfik pineqartoq ingerla-taqartoq.

Tamanna soorlu suliffeqarfiup annertussusianik tunngaveqarsinnaavoq, soorlu aaqqissuussaana eqqarsaatigalugu aammalu tuniniaaviusumi qanoq erseqqitsigisutut inissisimanera peqqutigalugu.

Finanstilsyni, inunnik toqqaanermi, aaliangiisuussaaq, inuit pineqartut suliffeqarfiup il.il ingerlatsinerullu malittarinissaa qanoq sivisussuseqassa-soq. Sivisussusissamik aaliangiussinissami Finanztilsyni annertussusis-saasinnaasunik nalilersuissaaq, tassani oqimaaqatigiissarlugit malittarisas-sanik unioqquitsimasinnaanerup qanoq navialiffiutigisinnaanera sanilliullugit ingerlanermi paasisat, akuersissummik tunniussiniarnermi tunngavigineqar-simasut.

Inuuk immikkut ilisimasaqartoq toqqaqqinneqarsinnassaaq tunngaviussaarl-u toqqaqqinnerit tamaasa immineq nalilersuisoqarnissaa, isumannaarumallugu toqqaanermi tunngavittut aallaavigisat naammassine-qarsimanis-saat.

Suliffeqarfik tusartinneqarsimasoq inummik immikkut ilisimasalimmik toqqaasoqassasoq, ulluinnarni ingerlatsinermik malinaasinnaaqqullugu inuk pineqartoq paasissutissanik, ataatsimiinnerni najuunnissamut il.il ammaas-sivigineqassaaq. Maluginiarneqassaaq inuit pineqartut nipangiussinissamik aaliangersakkamik piumasaqarfigineqarmata. Inuk immikkut ilisimasalik taamatut ililluni suliffeqarfimmi paasissutissanik toqqortanillu malinnaasin-naalissaaq, tassa nammineq naliliinini malillugu Finanstilsynip suliare-qqusaanik naammassinnissinnaanissaminut pisariaqartitaminik, soorluli aamma aamma inuup pineqartup ataatsimiinnerit tamaasa allallu suliffeqarfimmut atatillugu paasissutissat pissarsiarisinnaalissagai, tamakku-nunnga ilaallutik siulersuisut ataatsimiinnerini sammineqartut ataatsimeer-suarnernilu saqqummiunneqartut il.il.

Inuup immikkut piginnaasaqartup malittarinninnissamut toqqaagaasup periar-fissarilissavaa aningaasanik aallaveqartumik suliffeqarfiusup ingerlatsinera paasisaqarfiginiassallugu, soorlu eqqarsaatigalugit suliffeqarfiit Finans-til-synimit aningaasanik pinerlunniartoqarsinnaanermut naammangitsumik isu-mannaallisaaffigisinnaasimasai pillugit peqqussuteqarnikkut ilisimatitsis-sutigineqarsimasutt, Ilisimasatut pissarsiat kingusinnerusukkut suliffeqar-fim-mut atatillugu eqqartuussivikkoortitsisoqassagaluarpat imal. sullissaanik eqqartuussivikkoortitsisoqalissagaluarpat politiinut unnerluussisunullu upper-narsaataasinnaasutut pingaaruteqalersinnaasut. Eqqartuussivikkoortumillu ingerlatsisoqassappat inuk misissuitinneqartoq apersorneqarsinnaatitaas-saaq.

Inuk immikkut ilisimasaqartoq Finanstilsyni sinnerlugu inissisimassaaq, aammalu tassannga atorfeqartitaasinnaalluni. Tamatuma kingunerisaanik inuk immikkut piginnaanilik pineqartoq Finanstilsynitulli suliamut atatillugu paasiniaalluni pissutsinut pulatersinnaatitaassaaq, tamatuma ataani killiga-lu-git immineq pinerlluttuliorsinnaanissamut inerteqqutaasut.

Finanstilsyni misissuitinniakkamik toqqaanermi suliassat suuneri aalianger-sussavai, tassani erseqqissarlugit ulluinnarni ingerlatsinermut atatillugu suut malittaritikkumanerlugit. Tamannalu suliassamik toqqakkamut sinaakkuser-suinikkut tunngavilernerneqassaaq. "Ulluinnarni ingerlatsineq" isumaqartin-neqarpoq suliffeqarfiup il.il. pineqartup ingerlatai suusinnaasulluunniit, Finan-stilsynip nakkutigisassaasa ataani ittuusut. Suliassani suliffeqarfik allatigut aamma piumasaqarfigineqarsimatillugu malittarinnittussatut toqqa-gaasup suliassai killilersorneqassapputt imarisaasussat siunertallu malillugit ingerla-sussanngorlugu.

Inuup immikkut ilisimasalit toqqaagaasoq alaatsinaatsuusutut ingerlassaaq allatigut akuliussinnaatitaanani, soorlu piumasaqarluni inimut allianger-si-masumut isertinneqarnissamik, aatsaammi taamaaliorinnaatitaassagami Fi-nanstilsynimi atorfeqartuusoq taamaammalu malittarisassat atuutereersut tunngavigalugit, taanna taaneqartutut iliorsinnaatitaalluni. Imatut pisoqas-

sagaluarpap, inuk Finanstilsynimi atorfeqartuunngitsoq siulersuisut ataatsi-mi-innissaanut malinnaaffigisassaminut atugassanik tunniussivigineqan-ngitsoq, taava taassuma tamanna Finanstilsynimut ilisimatitsissutitut nalunaarutigisin-naavaa. Taava taamatut pisoqartillugu Finanstilsyni pisinnaatitaaffimminik atuilluni, tamatuma ataani allaffissornermut atatillugu piumasaqaate-qarsinnaanini, suliffeqarfimmut pineqartumut atorsinnaavaa.

Suliffeqarfimmut atatillugu malittarisassiaasut naapertorlugit, immikkut ilisimasalittut toqqqagaasoq alaatsinaattutut taamaallaat inissisimasin-naavoq taamaattumillu suliffeqarfimmi pisortanut ilaasutut pissusi-lersorsinnaanani. Tamatuma malitsigisaanik ilaatigut tassa toqqqagaasoq pineqartoq piginne-qatigiiffimmut aqutsisut akisussaataitaasullu pillugit inatsisimmi maleruagassi-aasut naapertorlugit suliffeqarfiup siulersuisuinit il.il aaliangiiffigineqartunut at- atillugu akisussaataitaasinnaangilaq.

Siunnerfiunngilaq aningaasanik tunngaveqartumik suliffeqarfiup aqutsisuisa siulersuisuisalu akisussaaffigisaasa iluini allannguinnissaq. Immikkummi ilisimasaliup malittarinnettussatut toqqqagaasup taamaallat siunertarissavaa suliffeqarfimmi malittarininnissaq Finanstilsyni sinnerlugu malugisaminik paasissutissanillu nalunaarutiginninnissaq siunertaralugu suliaqartitaasoq. Taamaattumik toqqqagaasoq/-sut Finanstilsyni sinnerlugu ataatsimiinnerni najuunnerminni pisortap siulersuisullu aaliangiussineri, peruserisaat, ilan-ngutinngitsoorsinnaasaat allalu pillugit akuersillutilluunniit allatut isummorsor-lutik suliaqarnerini akuliussinnaangilaq/-llat. Kiisalu aamma taaneqartuni peqataanermii takusat Finanstilsynip suliffeqarfimmut qisuariaateqarnissamik aaliangiussinerani tunngavigineqarsinnaangillat imal. suliffeqarfiup aqutsisorisaatalu il.il akisussaaffiinut atatillugu pillaatissiissutaasinnaasumik akisussaatsiniarnermi aaliangiiniarnissamut sunniutaasinnaasunik kingune-qassanngillat.

Suliammut immikkut ilisimasalittut toqqqagaasut ulluinnarni ingerlatsinermik alaatsinaattutut sulinerannut atatillugu, Finanstilsynip suliaasaanut atatilugu pingaaruteqartunik ilisimatitsissuteqartassaaq. Taamatut iliornikkut isuman-naarneqassaaq toqqqagaasoq allatigut navialissutaasinnaasunik malussarpap Finanstilsynip ilisimatineqarnissaa, pasitsaaqqarunik aningaasanik tunngaveqarlutik sulisut inatsisunik unioqqutsitsisumik sulisinnaanerannik, anngiortumilluunniit ingerlataqarlutik il.il. Taamatut iliornikkut Finanstilsynip pig-innaatitaaffigisami iluini sukkanerusumik qisuariaateqarsinnaanera tunnga-vississinnaassagamikku iliuuseqarsinnaanermut iluaqutaasinnaasumik.

Finanstilsyni aaliangersagaq naapertorlugu tassaavoq suliammut atatillugu immikkut ilisimasalimmik/-nnik malittarinntsitassaminik toqqaasussaaq. Tamatumunngalu atatillugu Finanstilsyni tassaavoq toqqarniagaq suliammut naleqquttuunersoq aammalu suliammik ilisimaarinnittuu-nersoq nalilersuisussaaq.

Finanstilsynip toqqaanermi nakkutigissavaa, toqqagaasup attuumassuteqannginnissamut inatsimmik naammassiilluni inissisimasuunera piussammat. Tamanna peqqutigalugu ilaatigut inuk toqqagaasoq suliassap inaarsarnissaanut atatillugu attuumassuteqartut iluini inuttut soqutisaqartus-saanngilaq imal. aningaasanik tunngaveqartumik kallugusimassuuteqarani aammalu isumannaarneqassaaq isumannaarlugusoqanngitsoq, suliffe-qarfimmut ingerlanneqartunullu atatillugu toqqagaasup sunniuteqarsinnaa-sumik inissisimaveqannginnissaa.

Finanstilsyni qaqugukkulluunniit aaliangiisinnaavoq, inuk toqqarneqarsimasoq malinnaajunnaartinneqassasoq, taassuma ataani Finanstilsynimit naliliisorqarpat, ilisimasatigut attuumassuteqannginnikkullu piumasarisaasut naammattumik tunngavigiunnaarlugit imal. naliliilluni toqqaanermi siunertarisaasoq tunngavissaaruttoq.

Inuit immikkut ilisimasallit Finanstilsyni sinnerlugu ulluinnarni ingerlatsisoqarneq malittarissavaat, taamaattumillu pisortatigoortumik aqutsinisamik piumasaqaataasut naapertuisumik malillugit sulissallutik.

Finanstilsyni tassaassaaq inuinnik immikkut ilisimasalittut toqqagaasunik isumaqatigiissuteqartussaq, tassani isumaqatigiissuteqarfigissnagu inuk aningaaserivimmik allatulluunniit aningaasat aallaavigalugit suliffeqarfimmi suliaqartuusoq. Taamatut inissiinnikkut immikkut ilisimasallip aningaasanillu tunngaveqartumik suliffeqarfiup akornanni "isumaqatigiissuteqarfigisamik" oqarneq paatsoorneqarsinnaajunaassaaq.

Finanstilsynip aningaasartuutit inunnut alaatsinaatsitaasunut aningaasar-tuutit akilerallarsinnaavai. Kisiannili aningaasartuutaasut naggataatigut aningaaserivinnit il.il matuneqartussaapput. Finantilsynilu aningaaserivimmut il.il piumasaqarsinnaavoq siumoortumik akiliisoqassasoq imal. ingerlaavartumik akilersuisoqassasoq imal. sallunaveeqqusiisoqassasoq.

Inummik ataatsimik arlaqartunilluunniit immikkut ilisimasalinnik suliffeqar-fimmik piffissap aaliangersimasup iluani malittarinneqqusisinnaanerit Erhvervsankenævnet saaffiginnissutigineqarsinnaapput pisussamik pineqartumut nalunaarutiginnissimaneq kingusinnerpaamik sapaatit akunnerinik sisamanik ingerlareertillugu.

Ingerlasussani aaliangersakkat tunngavigalugit peqqussusiinerit Finanstilsynimi siulersuisunit aaliangerneqassapput.

Allanguutinut tuliuttunut innersuussisoqarpoq:

§ 18, nr. 11, 18. 24 aamma 25

13. Isertuunneqarluni nalunaarutiginnissinnaanermik aqqissuus-samik nukittorsaaneq (whistleblowerordning)- nipangiussisus-saatitaanermik atorunnaarsitsineq

Siunissami suliffeqarfiup atorfillip imal. siusinnerusukkut atorfeqartinne-qarsimasup akornanni nipangiussinissaq pillugu isumaqatigiittoqarsimappat, isumaqatigiissutini takuneqarsinnaassaaq, aningaaserivimmi il.il atorfilik inatsisinik maleruagassanillu unioqqutsitsinerit pillugit pisortanut nalunaarutiginnissinnaanermut mattunneqanngitsaq.

Aningaaserivimmi il.il atorfilik atorfeqarsimasorluunniit pisortanut aningaaseriviit il.il pillugit inatsisinik unioqqutsitsisimasinnaasut pillugit nalunaarutiginnissinnaatitaavoq, nipangiussinissamik suliffeqarfiup namminerlu akunnerminni isumaqatigiissuteqarsimagaluaruniluunniit.

Nipangiussinissamik piumasarineqartut inerteqqutaanerat aamma atuutilersinneqarsinnaapput suliffeqarfinnit imminernit § 75 a aqqiissutaasimasut tungavigalugit, ilanngulluit aamma taamaattut siammasissumik atuuttus-satut tungavilerneqarsimagaluarpataluunniit.

Allannguutit makku innersuussutigineqarput:

§ 18, nr. 6 aamma 24

4. Aningaasalersuinermik ingerlatsiviit pillugit inatsit mallugu pineqaatissinneqarsinnaanerup pisoqalisoonnissaata ukiut 10-utinneqarnera

Aningaaserivinnut assigisaanullu inatsimmik sakkortuumik unioqqutsinerit ilaanut atatillugu pillaatinneqarsinnaanerit pisoqalisoonnissaanik taaneqartartoq ukiunit 5-iniit ukiunut 10-nut qaffanneqarpoq. Aaliangersagaq aqqutiga-lugu isumannaarumaneqarpoq unioqqutsitsinerit iliuseqarfigisinaanerisa annertusillugulu nukittorsarnissaat.

Inatsimmik aningaaseriviit assigisaasalu sakkortuumik unioqqutsitsineri aaliangersakkami allattorneqarput.

Uppernarsaatissat qitiusunik paasissutissiissutinik unioqqutsinermi aningaasat aallaavigalugit aningaasaliisunut (PRIIP-nut) Europaparlamentimi artikelit Siunnersuisoqarfimmilu peqqussut nr. 1286/2014/EU ulloq 26. november 2014-imeersoq naapertorlugu aaliangiussaq atuutilersinneqanngilaq.

Allannguutit uku innersuussutigineqarput:

§ 18, nr. 29-33

5. **Finanstilsynimi siulersuisunut ilaasortanut malittarisassat nutaat**

Finanstilsynimi siulersuisunut ilaasortat amerlassusissaat marlunnik qaf-fanneqarpoq inunnik pitsaaliuinermik aningaasanillu anngiortumik pinerlun-nermik, paasissutissatut toqqortanik ilisimasaqartunik internetsilu atorlugu naviliffiusinnaasunik immikkut ilisimasalinnik ilassuserneqarluni. Taamatut iliornikkut Finanstilsynip siulersuisuini siulittaasoq ilanngullugu inunnik 9-nik isiasoqarsinnaalerpoq.

Ilaasortat immikkut ilisimasanik peqarnissamik piumasagaateqarluni amerlassusiannik qaffaanikkut ilisimasat aammattaaq immikkut ilisimasalinnik siulersuisunut pisariaqartitsisoqartillugu ikiuisartunik siammasissusiliinikkut anner-tusineqarpoq.

Piumasagaatit nutaat arlaqartut piukkunnassutsimut tatiginassutsimullu il.il Finanstilsynimi siulersuisunut ilaasortassanik toqqagassanut atatillugu, ilanngunneqarput.

Erhvervsministerip Finanstilsynimi siulersuisunut ilaasortassanik toqqaa-nermini pingaartissavai, ilaasortanngortussap siulersuisunut ilaasortatut sulinisamini, ilisimasatigut tunuliaqutimigut, pineqartunut piginnaasamagut misilittagarisamigullu kiisalu pitsaasumik isigineqartuunermigut, tutsui-ginasutsimik takutitsuunermigut siulersuisunullu ilaasortatut suliassaminut atatillugu namminersorsinnaallunilu sullarissuunermigut, piukkunnartuu-nissaa. Aamma pingaartinneqassaaq isumannaassallugu pineqartup siulersuisuni sulinissaminut naammattumik piffissaqartuunissaa.

Siulersuisunut ilaasortassatut piukkunneqartoq pinerluuteqarsimasutut, anngiortumik aningaasatigut ingerlatsisimasutut, aningaasarivinnut assigisaanullu atatillugu inatsisit allatullu nalimmassaataasut taasanut atuumassuteqartut eqqarsaatigalugit unioqquטיםisimasuussanngilaq. "Aningaaserinermut nalimmassaatit allat" tassaapput malittarisassat Finanstilsynip nakkutigininnissaminut pisinnaatitaaffiani ittut.

Pineqartoq suliffeqarfimmi pinerluuteqarnermut inatsit tunngavigalugu, anngiortumik ingerlatsisimanermik tunngaveqartumik, aningaaserivinnut assigisaanullu inatsimmut atatillugu aammalu taaneqartunut attuumassuteqartunut malittarisassanut atatillugu, pillaatissinneqarsimasumi aqutseqa-taasutut issiasimasuussanngilaq, pisimasut aquttsisunut peqataatillugu pisi-masut pineqarpata.

Pineqartoq Finanstilsynimi siulersuisunut ilaasortaasinnaanngilaq, aqutsiner-mut atatillugu akisussaasutut nakkutigineqarluni imal. nakku-tigininnissami tunngaviusunut peqataappat, pineqartoq Finanstilsynimi siulersuisunit isummerfigisassaallunilu aaliangiiffigisaassaasussappat.

Finanstilsynimi siulittaasutut ilaasortanut, siulittaasumut siulittaasumullu tullisumut atatillugu immikkut ittunik piumasaaqatitaqartitsisoqassaaq. Tasani siulittaasoq siulittaasullu tullia – nalinginnaasumik siulersuisunut ilaasortanut atuutsinneqartut saniatigut – aningaaserivimmi assingusumiluunniit atorfeqartuusimassanngillat imal. taamaattuni siulersuisunut ilaasortaasuusi-massanatik erhvervsministerip toqqaaneraniit kingumut qiviaraanni ukiut talimat kingullit atuuttumik.

Erhvervsministeri Finanstilsynimi amerlanerussuteqartut inassuteqarnerisigut siulersuisunut ilaasortamik peersitsisinnaavoq taanna piuamasarisaanut naapertuuttumik malinnissimangippat.

Malittarisassat Finanstilsynip siulersuisuinut atuutsinneqalereerput, Taamaattumik allannguut tunngaviatigut Kalaallit Nunaanni pissutsinut sunniuteqanngilaq.

Allannguutitut tulliuttunut innersuussisoqarpoq:

§ 18, nr. 8-10 aamma 12-15

§ 19

Atuutsitsilernerni aaliangersakkanik aammalu ikaarsaarnermut atatillugu aaliangersakkanik § 19-i imaqarpoq.

Allannguutit ilarpaalui peqqussummut peqatigitillugit atuuttussanngortinneqanngillat, kisianni malitsigititatut erhvervsminister-imit atuuttussanngortinneqarsinnaallutik. Taamaattoqartillugu § 19, imm. 2-mut eqikkaanermi innersuussuteqarpoq.